


শ্রীযুক্ত ডাক্তার শ্রীকৃষ্ণ দত্ত মহাশয়ের
চল্লিশ বৎসরের অভিজ্ঞতা-
সম্মিলিত

ওলাউঠা-চিকিৎসা ।

শ্রীঅতুল কৃষ্ণ দত্ত এম, ডি,
প্রণীত ।



PUBLISHED BY
A. K. ROY. & CO.
57/1, COLLEGE STREET, CALCUTTA.



CALCUTTA .

PRINTED BY S BHATTACHARYYA
METCALFE PRESS
3/4, GOUR MOHAN MUKHERJI'S STREET.
1900.

বিজ্ঞাপন ।

আজ ১৪ বৎসর হইল, শিবনারায়ণ দাসের গলির স্বনামখ্যাত
৮রাম চন্দ্র মিত্র মহাশয়ের পৌত্রীর চিকিৎসাকালে, ৮রাজেন্দ্র দত্ত
মহাশয়ের সহিত আমার প্রথম পরিচয় হয়। এই রোগী প্রথমে
সাহেব ডাক্তার ও পরে কবিরাজদিগের দ্বারা চিকিৎসিত
হইয়া, কোন উপকার না পাওয়ায়, তাঁহার অভিভাবকগণ
হোমিওপ্যাথিক মতে চিকিৎসা জ্ঞাত আমাকে আহ্বান করেন।
২।১ দিন চিকিৎসার পর তাঁহার স্বামী ও শশুর মহাশয় তাঁহাকে ডাঃ
* * * সাহেবেব চিকিৎসাধীন রাখিবেন স্থির করিয়া, ডাক্তার
সাহেবকে আহ্বান কবেন এবং তাঁহার মতে চিকিৎসা চলিতে থাকে।
প্রত্যাহ রাত্রিকালে রোগীর পেটে এক প্রকার বেদনা হইত এবং
তাঁহার যন্ত্রণার অবধি থাকিত না—দিন দিন সেই বেদনার উপশম না
হইয়া বরং ক্রমশঃ বৃদ্ধিই হইতে লাগিল। ৪।৫ জন বলিষ্ঠ লোক মুষ্টি-
বদ্ধ হস্ত দ্বারা বলপূর্বক চাপিয়া ধরিলেও ঐ বেদনার উপশম
হইতনা—বরং রোগী “আরো চাপুন” “আরো চাপুন” বলিয়া
আর্জুনাদ করিতেন। একদা রাত্রিকালে আমি রোগীর ভ্রাতুষ্পুত্রকে
চিকিৎসা করিতে গিয়া, তাঁহার সেই কাতবতাপূর্ণ আর্জুনাদ শুনিয়া
বলিলাম, “সাহেব হোমিওপ্যাথিক ডাক্তার দেখিতেছেন, তবে কেন
এখনও রোগী আরোগ্য লাভ করিতে পারিতেছেন না? আমি দস্ত
করিয়া বলিতে পারি, যদি এ বেদনার শান্তি করিতে না পারি, তাহা
হইলে আমার হোমিওপ্যাথির পাতাড়ি গঙ্গার জলে ফেলিয়া দিব
এবং হোমিওপ্যাথিক চিকিৎসা আর করিব না। রোগীর আত্মীয়গণ,

রোগের উপশম হইতেছেন। দেখিয়া, ডাঃ সাহেবের চিকিৎসা-পরিবর্তন করিবার পরামর্শ করিতেছিলেন। আমার এই কথা শুনিয়া, তাঁহারা আমাকে ঔষধ দিতে অনুরোধ করিলেন। তৎক্ষণাৎ রোগলক্ষণ মিলাইয়া ও রোগ বৃদ্ধির সময় অনুধাবন করিয়া, সলুফা ৩০ এক মাত্রা দিলাম। ঔষধ খাইয়া অত্যন্তকাল পবেই রোগী বলিলেন, এমন আশ্চর্য্য ও ফলপ্রদ ঔষধ থাকিতে আমায় এত দিন তাহা কেন দেওয়া হয় নাই? সেই ১ মাত্রা ঔষধ খাইয়া বোগী নিদ্রায় অভিভূত হইলেন। পর দিন দুই মাত্রা ঔষধ সেবনে আর বেদনার চিহ্ন মাত্র আসিল না। এই অভাবনীয় ফল দেখিয়া রোগীর আশ্রয়গণ আমায় হোমিওপ্যাথি-বিশারদ রাজেন্দ্র বাবুর সহিত পরামর্শ করিয়া রোগীর চিকিৎসা করিতে অনুরোধ করায়, আমি স্বীকৃত হইলাম। অনন্তর রাজেন্দ্রবাবু তথায় আগমন পূর্ব্বক রোগীর অবস্থা সম্যক পরিজ্ঞাত হইয়া কহিলেন, রোগী বহুকাল অসহ্য রোগ যাতনা ভোগ করিয়া যাহাব ঔষধ ব্যবহার মাত্রেই এতাদৃশ উপকার লাভ করিয়াছেন, তাঁহার চিকিৎসার উপর আমি হস্তক্ষেপ করিতে ইচ্ছা করি না। তবে বোগীর পথ্য সম্বন্ধে আমি প্রয়োজন মত ব্যবস্থা করিতে স্বীকৃত আছি। কিন্তু যদি কোন ঔষধের পরিবর্তন প্রয়োজন হয়, সে বিষয়ে আমরা উভয়ে পরামর্শ করিয়া ঠিক করিব।” সেই দিন হইতে আমি প্রত্যহ রাজেন্দ্র বাবুর সহিত মিলিত হইতাম এবং বিস্তর উপদেশ গ্রহণ করিতাম। আমার পিতা তাঁহার শিষ্য, ইহা জানিতে পারিয়া, তিনি আমাকে যথেষ্ট স্নেহ করিতে লাগিলেন।

রাজেন্দ্র বাবু হোমিওপ্যাথি চিকিৎসা প্রণালীর বিস্তারের জন্য যাদৃশ বিপুল অর্থব্যয় ও পরিশ্রম করিয়াছিলেন, তাহা আমরা ধারণাই

করিতে পারি না। তিনি হোমিওপ্যাথির সংশ্লিষ্ট-ব্যক্তি মাত্রকেই
 শ্রদ্ধাশীল মনে করিতেন। এক দিন গুলশঙ্কর রাজেন্দ্রবাবুর এক
 বন্ধু তাঁহাকে বলিয়াছিলেন যে, ডাঃ * * ও তাঁহার জামাতা ডাঃ * *
 আপনাকে নিঃস্বার্থ হোমিওপ্যাথিক চিকিৎসাকে (Philanthropy
 misanthrophised) বলিয়া ব্যঙ্গোক্তি করেন। এই কথা শুনিয়া
 তাঁহার প্রাণের গভীরতম দেশ হইতে যে দুঃখ-পূর্ণ, উচ্ছ্বাস উঠিয়া,
 তাঁহাকে সেই বৃদ্ধ বয়সেও কঁাদাইয়াছিল, তাহা এতদিনের পরও মনে
 হইলে অন্তর্দাহ উপস্থিত হয়। তিনি নির্বিকলচিত্তে করুণায়
 “I am the servant of every Homœopath” “আমি প্রত্যেক
 হোমিওপ্যাথের দাস” এই বলিয়া তিনি বালকের স্থায় রোদন করিয়া-
 ছিলেন। এইজন্যই রাজেন্দ্র বাবুকে হোমিওপ্যাথির অন্তঃসার বলিতে
 ইচ্ছা হয়। বিদ্যা, বুদ্ধি, মান, সম্মান, স্মৃতিদর্শিতা ও সামাজিক মর্যাদার
 তৎকালে কে তাঁহার সমকক্ষ ছিল? কেই বা অজ্ঞানবদনে স্বেচ্ছায়
 এমন হোমিওপ্যাথির নফর সাজিতে পারিয়াছেন? আজ যিনি যত বড়
 ডাক্তারই হউন—যিনি যতই স্পর্ধা করুন যে, হোমিওপ্যাথির
 জন্ত আমি এত করিয়াছি; কিন্তু নিশ্চয় বলিতে পারি, রাজেন্দ্র বাবুর
 স্থায় নিপুণ নাবিক ভারতবর্ষে হোমিওপ্যাথির ত্রি ভাসাইবার জন্ত
 যদি হাল না ধরিতেন, তবে চড়ায় লাগিয়া তাহা থান্ থান্ হইয়া
 যাইত। আর দাঁড়ীমান্নি এবং আরোহী যে কে কোথায় ভাসিয়া
 যাইত, তাহার কিনারা হইত না। কলিকাতায় আজ যে হোমিও-
 প্যাথির এত প্রসার বাড়িয়াছে, ভারতের নানা স্থলেও যে হোমিও-
 প্যাথির প্রসার বিস্তৃত হইয়াছে, রাজেন্দ্র বাবুর ঐকান্তিক যত্ন, উদ্যম,
 উৎসাহ, সহিষ্ণুতা ও পবিত্রতা এবং হোমিওপ্যাথি শাস্ত্রে তাঁহার প্রগাঢ়

ব্যাপ্তিই তাঁহার একমাত্র নিদান। আজ রাজেন্দ্র বাবু নাই বলিয়া কলিকাতার কত ঘরে যে হোমিওপ্যাথিক আদর অন্তর্হিত হইয়াছে, তাহা আমরা সংখ্যা করিতে পারি না। কলিকাতার গণ্যমান্ত লোককে তিনিই হোমিওপ্যাথি চিকিৎসার দিকে আকৃষ্ট করিয়াছিলেন। বলিতে কি, কলিকাতার হোমিওপ্যাথিক ক্ষেত্র কর্ষণপূর্বক বীজ বপন করিয়া তিনি শস্য উৎপাদন করিয়া গিয়াছেন। এখন যিনি যাহাই বলুন, কেহ নিড়াইতেছেন, কেহ ফসল কাটিতেছেন কেহ মাচার বসিয়া নিশান উড়াইয়া ফসলের খবর দাবি করিতেছেন!! উত্তর পশ্চিম প্রদেশে তাঁহারই শিষ্য লোকনাথ মৈত্র মহাশয় এবং পবে মদীয় পিতৃদেব শ্রীকৃষ্ণ দত্ত মহাশয় বেনারসে যাইয়া হোমিওপ্যাথি প্রচার করেন। পবে এলাহাবাদে ৬প্রিয় নাথ বসু, লক্ষ্মী নগরে ৬অতুলকৃষ্ণ বসু, বাঁকীপুবে ৬বসন্ত কুমার দত্ত, আগ্রায় ৬গোবিন্দ চন্দ্র রায় সকলেই রাজেন্দ্র বাবুর পদ-প্রান্তে উপবেশন পূর্বক হোমিওপ্যাথিক শাস্ত্রে দীক্ষিত হইয়া, হোমিওপ্যাথির প্রচার করিতে সমর্থ হইয়াছিলেন। কিন্তু বড়ই আক্ষেপের বিষয়, রাজেন্দ্র বাবু এত দিন মৃত্যু হইয়াছে, বঙ্গের হোমিওপ্যাথিক ডাক্তারগণ এখনও তাঁহার প্রতি সন্মান দেখাইবার অবসর পান নাই। ইহাতে রাজেন্দ্র বাবুর সন্মানেব হ্রাস হইবে না,—পরন্তু কলিকাতার হোমিওপ্যাথিক চিকিৎসকদিগের কলঙ্কের ভার অধিকতর বৃদ্ধি পাইবে।

১৮৮২ সালের আগষ্ট মাসে আমি একখানি ওলাউঠার চিকিৎসা পুস্তক সংকলন করিয়াছিলাম। প্রসিদ্ধ ডাক্তার ৬বিহারী লাল ভাঙ্গুড়ী মহাশয়-সম্পাদিত ইণ্ডিয়ান হোমিওপ্যাথিক রিভিউ নামক মাসিক পত্রিকাতে, তিনি ঐ পুস্তক সম্বন্ধে এইরূপ অভিমত প্রকাশ করিয়াছিলেন, "এ পুস্তক এতই সর্বদৃষ্টিসম্মত হইয়াছে যে, ইহা পঞ্জিকার স্থায়


গৃহে গৃহে রাখা উচিত।” ইহার অল্প দিন পরে আগম রাজেন্দ্র বাবুর সহিত দুইটি কলেরা রোগী দেখিতে যাই। তাঁহার কলেরা চিকিৎসার প্রণালী দেখিয়া মনে হইল, “আমি এ কি লিখিয়াছি! আমি কেবল যত পারিমাছি, ঔষধেব লক্ষণই পূরিয়াছি।” অনন্তর রাজেন্দ্র বাবুকে মৎ-প্রণীত পুস্তক দেখাইয়া ঐ কথা বলায় তিনি বলিয়াছিলেন, “ইহার জ্ঞান হুঃখ কি? আরো কিছু দিন চিকিৎসা কর, অভিজ্ঞতা জাগিবে, তখন আবার লিখিও ;—নিজের মনের মতও হইবে, আশ লোকের উপকারও হইবে।” তাহাব পর তিনি আরও বলিয়াছিলেন যে “কাশীতে তোমার পিতা বৎসর বৎসর অনেক ওলাউঠা রোগীব চিকিৎসা কবেন, তাঁহার অভিজ্ঞতার সহিত নিজ অভিজ্ঞতা মিলাইয়া, তাহার ফলে যে পুস্তক হইবে, তাহা আমাকে দিও। আমার ছপুরুষে চেলার উপহার খুব আদবেব সহিত গ্রহণ করিব।”

তাঁহাব এই কথাটি উপব হইতে দেখিলে যত সহজ, ভিতর হইতে বুঝিয়া দেখিলে তত সহজ বোধ হইবে না। তাঁহার কথার তাৎপর্য্য এই,—অনেক রোগী দেখ; আর চিকিৎসা বিষয়ে অনেক পড়, শুন, দেখ এবং বুঝ; তার পর প্রতিবৎসরের অভিজ্ঞতা হইতে ঝাড়িয়া বাছিয়া গ্রহণ করিতে পারিলে, খোসা ভুগি বাহির হইয়া যাইবে এবং ঠিক আদত মাল দাঁড়াইবে। রাজেন্দ্র বাবুর উপদেশানুসারে তখন হইতেই সেই অভিজ্ঞতার আহরণ করিতে লাগিলাম। বার খানি ফুলিকাপ্ কাগজে মদীয় পিতৃদেবেব স্বহস্তে লিখিত ৪০ বৎসরের অভিজ্ঞতার ফল আমার এই গ্রন্থেব ভিত্তি। পরে আমার গুরুস্থানীয় রাজেন্দ্র বাবুর স্বহস্তলিখিত ২০টি কলেরা রোগীর চিকিৎসার বিবরণ, এক দিন তিনি আমার হস্তে প্রদান করিয়া

বলিয়াছিলেন, যদি ইহা তোমার কোন উপকারে আইসে, গ্রহণ কর। আমি তাঁহার লিখিত পদ্ধতিক্রমে নানা উপকরণ সংগ্রহ করিয়া উক্ত ৪০ বৎসরের অভিজ্ঞতারূপ ভিত্তির উপর এই গ্রন্থ প্রস্তুত করিয়াছি; যিনি হৃদয়ের অন্তস্তল হইতে বলিতেন, ‘আমি হোমিওপ্যাথির দাস,’ আমি তাঁহার দাসানুদাস।—অনেক পরিশ্রম করিয়া এই গ্রন্থ সঙ্কলন করিলাম। যাহাকে এখনও হোমিওপ্যাথির অবতার জ্ঞান করি, তিনি দেখিয়া যদি বলিতেন, তাঁহার মনের মত হইয়াছে, তাহা হইলে পিতার ৪০।৪২ বৎসরের পরিশ্রম ও আমার ১৫।১৬ বৎসরের উপার্জিত অভিজ্ঞতার সার গ্রহণ, আমার সার্থক হইত। এ সামগ্রী আর কাহারও নামে প্রাণ ভরিয়া উৎসর্গ করিতে পারি না, এ পূজা তাঁহারই প্রাপ্য—আর কাহারও নহে। একান্ত সমস্ত পৃথিবী যদি আমার দান্তিক বলিয়া তিরস্কার করে, তাহাওঁ মস্তকে পাতিয়া লইব। ইতি

কলিকাতা
নবেম্বর ১৯০০

শ্রীঅতুলকৃষ্ণ দাস দত্ত।



৪০ বৎসরের অভিজ্ঞতা ।

৮ রাজেন্দ্র দত্ত মহাশয় ভারতে হোমিওপ্যাথি চিকিৎসার প্রবর্তক । হোমিওপ্যাথি-জগতে রাজেন্দ্র বাবুকে (Martyr) বা অবতার বলিলে অত্যাক্তি হয় না । বহুবাজারের প্রসিদ্ধ দত্ত-বংশের কুলতিলক রাজেন্দ্রনাথ অসীম প্রতিভাশালী পুরুষ ছিলেন । তিনি বিদ্বৎসমাজের স্তম্ভ ও দয়ার উৎস স্বরূপ ছিলেন । কলিকাতার দীন দরিদ্রগণ অর্থাভাবে বিনা চিকিৎসায় প্রাণত্যাগ করে দেখিয়া তিনি নিজ বাটীতে একটি বৃহৎ আলোপ্যাথিক দাতব্য চিকিৎসালয় স্থাপন করিয়াছিলেন । যে ৮ ছুর্গাচরণ বন্দোপাধ্যায় ডাক্তার মহাশয় চিকিৎসা-নৈপুণ্যে ধন-স্তুরি-কল্প খ্যাতি-লাভ করিয়াছিলেন—তিনিই তাঁহার দাতব্য-চিকিৎসালয়ের চিকিৎসক ছিলেন । ছুর্গাচরণ বাবুর চিকিৎসার প্রসার বৃদ্ধি পাওয়ায় যখন তিনি দিবারাত্রি রোগী দেখিয়াও সকল রোগী দেখিয়া উঠিতে পারিতেন না, সেই সময় ভারতীয় চিকিৎসাকাশের অবতারা ও হোমিওপ্যাথির বিশালস্তম্ভ পণ্ডিতাগ্রগণ্য মহেন্দ্রলাল সরকার এম. ডি., ডি. এল., সি. আই. ই., মহাশয়ও ঐ চিকিৎসালয়ের চিকিৎসক ছিলেন ।

এই সময় ডাঃ ফেবার টোনেয়ার (Dr. Fabre Tonnerre) কলিকাতার স্বাস্থ্য-রক্ষক নিযুক্ত হইয়া হোমিওপ্যাথি-মতে চিকিৎসা করায় গবর্ণমেন্টের বিরাগভাজন হইয়া কৰ্ম পরিত্যাগ করিতে বাধ্য হইয়াছিলেন । রাজেন্দ্র বাবুর সহিত বন্ধুত্ব স্থাপিত হইলে এই টোনেয়ার সাহেব হোমিওপ্যাথি চিকিৎসা বিস্তারের জন্য চেষ্টা আরম্ভ করিলেন । যদিও তাহার পূর্বে রাজেন্দ্র বাবু জন মার্টিন হনিগবার্জার (John Martin Honigberger) সাহেবের নিকট প্রথম হোমিওপ্যাথিক চিকিৎসার আশ্বাদ পাইয়া পুস্তকাদি আনাইয়া সর্বিশেষ মনোযোগেব সহিত হোমিওপ্যাথি শিক্ষা আরম্ভ করিয়াছিলেন, কিন্তু ফেবার টোনেয়ার সাহেবই হোমিওপ্যাথির প্রতি তাঁহার ঐকান্তিক আনুরক্তি বাড়াইয়া দিয়াছিলেন । টোনেয়ার সাহেব অনেক রোগীর চিকিৎসা কালে রাজেন্দ্র বাবুকে সঙ্গে লইয়া যাইতেন । এইরূপে টোনেয়ার সাহেবের সহিত অনেক দূরারোগ্য রোগ আরোগ্য করিয়া কি'সে হোমিওপ্যাথির প্রসার বাড়িবে, কি'সে সাধারণে হোমিওপ্যাথিক চিকিৎসা সাদরে গ্রহণ করিবে, তদ্বন্দেশে তিনি অসীম পরিশ্রম ও অবিরাম চেষ্টা করিতে লাগিলেন । ১৮৫১ খৃঃ অব্দে বাঙ্গালা দেশের ডেপুটী গবর্ণর স্যার জন লিটলার (Sir John Litler G.C.B.) সাধারণের নিকট হইতে টাঁদা সংগ্রহ করিয়া নেটিভ্ হোমিওপ্যাথিক্ হস্পিট্যাল্ (Native Homœopathic Hospital) নাম দিয়া একটি দাতব্য হোমিওপ্যাথিক্ চিকিৎসালয় সংস্থাপন করেন কিন্তু ইহা দুই মাসের অধিকও স্থায়ী হয় নাই । ইহারই পর টোনেয়ার সাহেবের উদ্যোগে ও রাজেন্দ্র বাবুর সাহায্যে কলিকাতা হস্পিট্যাল স্থাপিত হইয়াছিল । কর্তৃপক্ষের সহিত নানাক্রম কলহ হওয়ায় এই হাসপাতালও তাঁহারা অধিক দিন.

চালাইতে পারেন নাই । এই সময় হইতে রাজেন্দ্র বাবু নিজ বাটীর আলোপ্যাথিক চিকিৎসালয়কে হোমিওপ্যাথিক চিকিৎসালয়ে পরিবর্তিত করিলেন এবং গরানহাটা পল্লীতে একটি হোমিওপ্যাথিক হাঁসপাতাল খুলিয়া নিজে প্রত্যহ আসিয়া রোগী দেখিতে লাগিলেন । এই হাঁসপাতালে অধিকসংখ্যক রোগী না আসায় এবং আলোপ্যাথিক চিকিৎসকগণ হোমিওপ্যাথিক চিকিৎসার প্রতি বিদ্বেষপূর্ণ-শেষ প্রচার করিতেছেন দেখিয়া, তিনি ঐ হাঁসপাতাল উঠাইয়া দিয়া দীন দরিজের দ্বারে দ্বারে খুলিয়া চিকিৎসা করিতে লাগিলেন ।

ইহার কিছু দিন পরে বেরিণি সাহেব (Dr. Thienette Berigny) কলিকাতায় আসিয়া রাজেন্দ্র বাবুর সহিত যোগদান করিলেন । রাজেন্দ্র বাবু বেরিণি সাহেবের সঙ্গে প্রত্যহ রোগী দেখিতে যাইতে লাগিলেন । কলিকাতার সমাজের রাজেন্দ্র বাবু একজন অন্যতম নেতা ; এমন সম্ভ্রান্ত পরিবার, এমন-মান-মর্যাদা-সম্পন্ন লোক নাই—যিনি রাজেন্দ্র বাবুকে জানেন না ও তাঁহাকে তাঁহার অপরিমিত বিদ্যা ও জ্ঞানের জন্ত শ্রদ্ধা ভক্তি করেন না । যদিও সকল প্রকার প্রচলিত চিকিৎসায় বিফল-মনোরথ না হইলে কেহ হোমিওপ্যাথি চিকিৎসা করাইতে প্রবৃত্ত হইতেন না কিন্তু সেইরূপ জবাবী রোগী রাজেন্দ্র বাবু ও বেরিণি সাহেব অনেকগুলি আরোগ্য করায় বিদ্বান্‌গুলি এই চিকিৎসার প্রতি আকৃষ্ট হইলেন । যাহাতে বেরিণি সাহেব এখানে থাকিতে সমুৎসুক হন, সেইজন্য তিনি তাঁহার ভ্রাতুষ্পুত্র রমেশচন্দ্র দত্ত দ্বারা বেরিণি সাহেবের তত্ত্বাবধানে কলিকাতায়—এসিয়া খণ্ডে বলিলেও অত্যুক্তি হয় না—প্রথম হোমিওপ্যাথিক ঔষদালয় সংস্থাপন করেন । বেরিণি সাহেব এ দেশের পথ্যাপথ্য বিষয়ে নিতান্ত অনভিজ্ঞ ছিলেন । রাজেন্দ্র বাবু বেরিণি সাহেবকে

এই বিষয়ে শিক্ষা দিতেন এবং চিকিৎসা বিষয়ে নিজে তাঁহার উপদেশ গ্রহণ করিতেন।

তাৎকালিক বিদ্বজ্জনের মধ্যে সকলেই রাজেন্দ্র বাবুর বন্ধু। এই সকল বন্ধুর মধ্যে অনেককেই তিনি একটি হোনিওপ্যাথিক ঔষধপূর্ণ ছোট মেহগ্নি কাঠের বাক্স ও এক খানি ছোট ইংরাজী পুস্তক উপহার দিয়াছিলেন। যদি কেহ উহা লইতে অস্বীকার করিতেন, তাহা হইলে এই বলিয়া তিনি অনুরোধ করিতেন যে “এমন সুন্দর বাক্সটি গৃহে রাখিলে গৃহের শোভা বৃদ্ধিই হইবে আর যখন সময় পাইবে ইচ্ছা হইলে পুস্তক খানি পড়িও”। বারাসতের ৬ কালীকৃষ্ণ মিত্র মহাশয়কে রাজেন্দ্র বাবু ঐকপ এক খানি পুস্তক ও বাক্স দেন—পুস্তক খানি পড়িয়া ঐ বাক্স হইতে ঔষধ দিয়া, ডাক্তারের জবাবী রোগী কত যে তিনি আরোগ্য কবিয়াছিলেন তাহা বলা যায় না। কালীকৃষ্ণ বাবু যখন ছোট ছোট গ্লোবিউলস্ (Globules) রোগিগণকে দিতেন, তাঁহার কনিষ্ঠভ্রাতা ৬রাজকৃষ্ণ মিত্র মহাশয় টিকটিকির ডিম্ বলিয়া কতই উপহাস করিতেন। সেই রাজকৃষ্ণ বাবু পরে একজন সম্মানশালী ও বিচক্ষণ হোমিওপ্যাথিক চিকিৎসক হইয়াছিলেন। কালীকৃষ্ণ মিত্র ও রাজকৃষ্ণ মিত্রের জ্যেষ্ঠভ্রাতা ডাক্তার ৬ নবীনকৃষ্ণ মিত্র অদ্বিতীয় চিন্তাশীল ও বিদ্বান বলিয়া পরিগণিত ছিলেন। বিদ্যাসাগর মহাশয় ও ৬ প্যারীচরণ সরকার প্রভৃতি পণ্ডিতগণের মুখে শুনিয়াছি নবীন বাবুর জ্ঞান পণ্ডিত তাঁহারা কম দেখিয়াছেন। ৬ দুর্গাচরণ বনোপাধ্যায় ডাক্তার মহাশয় স্পর্ধা করিয়া বলিতেন, “আমাকে চিকিৎসা-বিদ্যায়, নবীন বাবু ব্যতীত কে হটাইতে পারে?” নবীন বাবু যখন শিরোরোগে ক্লিষ্ট হইয়া দেশের বাটীতে ছিলেন, আমি প্রায়ই তাঁহার নিকট যাইতাম।

তিনি এক দিন আমায় বলিয়াছিলেন যে, তিনি দুই এক খানি ছোট পুস্তক হোমিওপ্যাথি বিষয়ে যাহা পাঠ করিয়াছেন তাহাতে তাঁহার বিশ্বাস হইয়াছে যে, হোমিওপ্যাথিক-চিকিৎসা আলোপ্যাথি হইতে অনেক উন্নত । তিনিই আমায় হোমিওপ্যাথিক চিকিৎসা প্রথমে শিক্ষা করিতে পরামর্শ দেন—সে আজ ৪৫ বৎসরের কথা । আমি তাহারই পব রাজেন্দ্র বাবুর চেলা হইলাম ; প্রত্যহ তাঁহার নিকট শিক্ষা করিতাম ও তাঁহার সহিত রোগী দেখিয়া বেড়াইতাম ।

আমায় জ্যেষ্ঠ ভ্রাতা কলিকাতার একটি প্রধান আলোপ্যাথিক ঔষধালয়ের সত্ত্বাধিকারী ছিলেন । তথায় তৎকালের প্রধান চিকিৎসক ডঃ গোবিন্দ গুপ্ত, রাধানাথ বাবু, প্রসিদ্ধ দুর্গাচরণ ডাক্তার, সাতকড়ি বাবু এবং একগুকার ভুবন-বিখ্যাত মহেন্দ্রলাল সরকার প্রভৃতি সকলেই আসিতেন—আমার সহিত হোমিওপ্যাথির বিষয়ে কথাবার্তায় কত হাস্যরসের অবতারণা করিতেন । সেই দলের জুনিয়ার মহেন্দ্রলাল এখন হোমিওপ্যাথির সর্দার—তার সকলেই অকালে মৃত্যুহস্তে পতিত হইয়াছেন—নচেৎ আশা ছিল, তাঁহাদের মধ্যে অন্ততঃ আর একটিকেও হোমিওপ্যাথ দেখিব ।

কিছু দিন মেডিক্যাল কলেজে লেকচার শুনিবার পর আমার এক আশ্চর্য্য রোগ জন্মিল ; আমার দক্ষিণ কর্ণ থা'কে থা'কে স্পন্দন করিতে আরম্ভ করিল ; লজ্জায় কলেজ বন্ধ করিলাম—আমার জ্ঞাতি-ভ্রাতা গিরিশ-চন্দ্র দত্ত তখন গুডিভ্ সাহেবের ওয়াডে' ডিউটি (Duty) করেন । ডাঃ গুডিভ্ (Goodeeve) তাঁহার মুখে আমার অনুপস্থিতির কারণ জানিতে পারিয়া আমাকে পুনরায় কলেজে আসিতে অনুরোধ করিলেন । আমিও ডাক্তার সাহেবের কথায় আবার কলেজে যাইতে লাগিলাম । তিনি এক

বৎসর কাল বিশেষ যত্ন করিয়া আমার চিকিৎসা করিয়াছিলেন। তিনি কলেজ হইতে বাটীতে প্রত্যাবর্তন কালে আমার তাঁহার গাড়ীতে ভুলিয়া লইয়া যাইতেন এবং এক এক দিন নিজ বাটীতে একঘণ্টা পর্য্যন্ত আমার রাখিয়া আমার রোগ পর্য্যবেক্ষণ করিয়া কত চিকিৎসা করিয়াছিলেন, কিন্তু তাহাতে কোন ফলই হয় নাই। ফলতঃ ডাঃ গুডিভের নাম মনে হইলে এখনো পর্য্যন্ত আমার শরীর রোমাঞ্চিত হয়। তাঁহার দয়া কখনই ভুলিব না—এই বৃদ্ধ বয়সে দেব-মদৃশ-জ্ঞানে কৃতজ্ঞতা ও ভক্তি-পুষ্পে তাঁহার স্মৃতি পূজা করিয়া থাকি। বিলাত হইতে তিনি তাঁহার যে কাচনির্মিত প্রতিকৃতি পাঠাইয়া দিয়াছেন, আমি তাহা যত্নে রক্ষা করিয়াছি। উহা এক্ষণে আমার জ্যেষ্ঠ পুত্র ডাক্তার অতুলকৃষ্ণের নিকট আছে।

আমার নিজ জীবনে এতদিনে হোমিওপ্যাথির ইন্দ্ৰজাল (miracle of Homœopathy) ফলিল—আমি রোগমুক্ত হইলাম। যখন হোমিওপ্যাথিক ঔষধে আমার ঐ পীড়া আরোগ্য হইল, তখন ডাঃ গুডিভকে আমি এ কথা বলায় তিনি জিজ্ঞাসা করেন, কত দিন ঔষধ সেবনে আরোগ্য লাভ করিয়াছ? আমি উত্তর করিলাম, ৮ দিন ঔষধ সেবনের পর দক্ষিণ কর্ণের স্পন্দন একেবারে বন্ধ হইল, পর সপ্তাহে তিন দিন মাত্র বাম কর্ণ অল্প স্পন্দিত হইয়া ঔষধ বন্ধ করায় রোগ সম্পূর্ণরূপে তিবোহিত হইয়াছিল। রাজেন্দ্র বাবু ঐ ক্ষত্রে ডাঃ গুডিভের নিকট আমার সহিত গিয়াছিলেন। ডাঃ গুডিভ সোৎসাহে জিজ্ঞাসা করিয়াছিলেন যে এই হোমিওপ্যাথি যত্নের ঔষধ দ্বাবাই কি রাজা রাধাকান্তদেব বাহাদুরের (Sir RajaRadhakanta Deb Bahadoor, K. C. S. I.) গ্যাংগ্রেন (Gangrene) আরোগ্য করিয়াছেন? রাজেন্দ্র বাবু (despised

globules) টিক্টিকের ডিমের ঐক্য আরোগ্যকরী ক্ষমতার আরো অগুনক ঘটনা কহিয়া আমাব সহিত প্রত্যাগমন করিয়াছিলেন ।

এই সময় হইতে আমি বেরিগি সাহেবের সহিতও রোগী দেখিতে যাইতাম । বেরিগী সাহেব ঘোর প্রেততত্ত্ববিদ (Spiritualist) ছিলেন । তিনি তাঁহার প্রেতগুরু (Angel-Spirit) আদেশানুসারে ভারতবর্ষ ত্যাগ করিয়া যান ।

ইহার কিছুদিন পর হইতেই আমি রীতিমত হোমিওপ্যাথিক চিকিৎসা আরম্ভ করিলাম । এইকালে রাজেন্দ্র বাবু ও বেরিগি সাহেবের সহিত ৪ বৎসর রোগী দেখা ব্যতীত ৪০ বৎসর কাল হোমিওপ্যাথিক চিকিৎসা করিয়া বৃদ্ধ-বয়সে কার্যক্ষেত্র হইতে অবসর গ্রহণ করিয়াছি ।

ইং ১৮৬৭ খৃঃ অব্দে আলেকজেন্দ্রিয়া (Alexandria) হইতে ডাঃ সাল্জার (Leopold Salzer M. D.) কলিকাতায় আগমন করেন । আমিও এই সময় একবার দানাপুর হইতে কলিকাতায় আসিয়া তাঁহার সহিত সাক্ষাৎ করিয়া হোমিওপ্যাথি সম্বন্ধে অনেক নূতন ঔষধের (New Remedies) বিষয় উপদেশ পাইয়াছিলাম ।

আজ ২০ বৎসরের কথা, বিখ্যাত ডাঃ বিহারিলাল ভাট্টা মহাশয় একবার কাশীতে আসেন । তাঁহার সহিত এক সঙ্গে আমি একটি ওলা-উঠা রোগী দেখি । কথায় কথায় আমি বলিয়াছিলাম, এদেশে আমরা প্রতি বৎসরে নূনাধিক ২ শত কলেরা রোগীর চিকিৎসা করিয়া থাকি এবং ক্রমাগত এপিডেমিকের পর এপিডেমিকে রোগের লক্ষণ সকলের অল্প বিস্তৃত বিভিন্নতা দেখিয়া আসিতেছি । আর প্রতি এপিডেমিকে প্রথম কয়েকটা রোগী প্রায়ই বাঁচে না এবং প্রতি এপিডেমিকের রোগের যেন একটা বিশেষত্ব আছে বলিয়া বোধ হয় ।

ইহারই কয়েক বৎসর পরে কলিকাতায় কলেরা এপিডেমিক হয় । তাহাতে ঐ এপিডেমিকের বিশেষত্ব বা (Genus Epidemicus) উপলব্ধি করিয়া ডাঃ ভাহুড়ী আমায় পত্র লেখেন । কোন এপিডেমিকে অধিক বাহ্যে হয়, কোন গুলিতে অধিক বমি, আবার কোন-টীতে বা বাহ্যে বমি কম হইয়া নাড়ী উঠে না, অবসাদে রোগীর মৃত্যু হয়; আবার দেখিয়াছি কোন এপিডেমিকে অত্যন্ত খাল ধরা (cramps) বা নাড়ী বেশ আছে অথচ হঠাৎ হৃৎপিণ্ড নিষ্ক্রিয় (heart fail) হইয়া মৃত্যু হইল ।

ইদানীন্তন দেখিতে লাগিলাম, ঔদরাময়িক ভাবে এক প্রকার ওলাউঠা আরম্ভ হইয়া ছুড়্ ছুড়্ বাহ্যে বমি হয়, ঔষধে বিশেষ ফল না হইয়া ক্রমশঃ রোগীর মৃত্যু হয় । পরে কি কি বিশেষ লক্ষণের উপর নির্ভর করিয়া এই সকল বিভিন্ন প্রকার রোগ আরোগ্য করিতে সক্ষম হইয়াছিলাম সেই গুলি যত্ন সহকারে লিপিবদ্ধ করিয়া রাখিয়াছিলাম । ইহার পর ডাঃ সালজারের (Dr. Salzer's) কলেরা-পুস্তক বাহির হইলে আমার পুত্র এক খানি আমাকে পাঠাইয়া দেন । তাঁহার সুখে ঐ পুস্তকের বিশেষ প্রশংসা শুনিয়া বিশেষ যত্ন করিয়া পাঠ করিলাম এবং রোগ চিকিৎসায় অনেক নূতন বিষয়ের শিক্ষাও করিলাম । এক বৎসর অনেক কলেরা রোগীর কৃমি নির্গত হইতে দেখিয়াছিলাম । কৃমির ঔষধে কোন কোনটীর অত্যন্ত সময়ের মধ্যেই উপকার হইয়াছিল । (তাহার মধ্যে একটি রোগী এক্ষণকার বিখ্যাত হোমিওপ্যাথিক ডাক্তার প্রভাপচন্দ্র মজুমদারের সহিত দেখিয়াছিলাম ; তিনি সেইবার পাস্ হইয়া কাশী আসিয়াছিলেন ; তাঁহার Suggestion মত (cina) দেওয়া হয় ও সেই রোগী তাহাতে আরোগ্য লাভ করে ।) কিন্তু

অধিকাংশ রোগীর উপকার হয় নাই। তাহার পর বৎসরও ঐরূপ কৃষ্ণি-প্রধান ওলাউঠা হইলে কি কি লক্ষণের উপর নির্ভর করিয়া আশানুরূপ ফল পাইয়াছিলাম তাহাও লিপিবদ্ধ করিয়াছিলাম।

- ১০ ১১২ বৎসরের কথা আমার পুত্র কলিকাতা হইতে বেনারসে বেড়াইতে আসিলে আমার ২টি ওলাউঠা রোগীর বিশেষ উপকার না হওয়ায় তাঁহাকে সঙ্গে করিয়া রোগী দেখিতে যাইলাম। এই দুই রোগী আমার পুত্রের ব্যবস্থামত ঔষধে আরোগ্য হইল। হোমিও-প্যাথি চিকিৎসায় পুত্রের নিকট পিতার পরাজয় কিছু অসম্ভব নহে। যে লক্ষণের উপর নির্ভর করিয়া আমার পুত্র ডাক্তার অতুলকৃষ্ণ দত্ত ঐ দুইটি রোগ আরোগ্য করিয়াছিলেন, পরে অনেক রোগীতে সেই সেই লক্ষণের উপকারিতা উপলব্ধি করিয়া লিপিবদ্ধ করি। এইরূপে পর্য্যবেক্ষণ করিয়া ৪০ বৎসরের চিকিৎসায় যে অভিজ্ঞতা লাভ করিয়াছি তাহা বৎসরের পর বৎসর যেমন যেমন লিপিবদ্ধ করিয়াছি তাহাই প্রকাশের জন্ত আমার পুত্র ডাক্তার অতুলকৃষ্ণ দত্তের হস্তে ১২ পৃষ্ঠা ফুলস্কাপ কাগজে লিখিত নোট (Notes) বা সংগ্রহ প্রদান করি। পরে তিনি ইহাতে তাঁহার নিজ অভিজ্ঞতার ফল যোজনা করিয়া আমার নিকট দেখিতে পাঠাইয়া দেন। আমি সে সময় অক্ষ; অন্য একজন বন্ধু আমাকে পড়িয়া শুনাইতেন ও আমি আমার মত প্রকাশ করিতাম ও তিনি তাহা লিখিয়া দিতেন। অতুলকৃষ্ণ ঔষধের লক্ষণের পার্থক্য যেরূপ বিশদরূপে বর্ণনা করিয়া দিয়াছেন তাহাতে আশা করিতে পারা যায় ওলাউঠার চিকিৎসা এক্ষণে আর চিকিৎসকের নিকট তত কঠিন হইবে না অথচ ওলাউঠা রোগও অধিক পরিমাণে আরোগ্য হইবে।

বড় ইচ্ছা ছিল, পিতা পুত্রের এই অভিজ্ঞতার ফল আমার হোমিও-

প্যাথি শিক্ষাব গুরুদেব রাজেন্দ্র বাবুর পদ-প্রান্তে রাখিয়া জীবন সার্থক
করিব। আমার পুত্রকে, তিনি “ছপুরুষে চেলা” বলিয়া ডাকিতেমি।
তাঁহার সেই ছপুরুষে চেলাব ঐকান্তিক ইচ্ছায় সেই গুরুদেবের চরণো-
দ্দেশে উৎসর্গ করিয়া এই পুস্তক সাধারণের হস্তে সমর্পিত হইল। বৃদ্ধ
বয়সে যশোগানে পরিতৃপ্ত হইবার আর ইচ্ছা নাই। ক’বে পৃথিবী হইতে
অপমৃত হইব—প্রতিক্ষণ শমনের সমন (Summons) প্রতীক্ষা
করিতেছি। রাজেন্দ্র বাবু যাহার জন্য জীবন পর্যন্ত উৎসর্গ করিয়া
ছিলেন সেই হোমিওপ্যাথির যদি কোন উপকার এই ৪০ বৎসরের
অভিজ্ঞতায় সাধিত হয় তাহা হইলে জীবন সার্থক জ্ঞান করিব।

দেবনাথপুরা,
বেনারস।

}

শ্রীশ্রীকৃষ্ণ দত্ত ।





ওলাউঠার চিকিৎসায়

৪০ বৎসরের অভিজ্ঞতা ।

ওলাউঠা—ওলা অর্থে নাবা-নির্গত হওয়া, অর্থাৎ ভেদ ; ও উঠা অর্থে উঠে পড়া, বা উদ্ভিগরণ করা বা বমি। ভেদ ও বমি এই রোগের প্রধান লক্ষণ ; এই জন্য ইহার নাম ভেদ বমি বা ওলাউঠা। ইহার ইংরাজী নাম কলেরা সর্বসাধারণের নিকট বিদিত।

ওলাউঠার সাধারণ বা পরিচায়ক লক্ষণ—অধিক, অত্যধিক বা অল্প পরিমাণে বর্ণবিহীন ভেদ ; চালধোয়া কিংবা পচা কুমড়ার বুকার মত ভেদ। বমি-জলবৎ বা জালাবৎ ; হাতে, পায়, পেটে, থিলা ধরা, থেচুনি ; সর্বশরীর বিশেষ হাত, পা, ও কপাল ঠাণ্ডা বা হিমাল হওয়া ; প্রস্রাব বন্ধ, তৃষ্ণা, গাত্রদাহ, ছটফটানি, ঘাম হওয়া ; শরীরের অবসন্নতা স্বরভঙ্গ প্রভৃতি ।

ওলাউঠার প্রকার ভেদ ।

ওলাউঠা তিন রকম—১ম (Spasmodic) অর্থাৎ আক্কেপিক বা সঙ্কোচক । ২য়। (Paralytic) অর্থাৎ পাক্ষাঘাতিক বা অবসাদক । ৩য়। (Diarrhoeaic) ঔদরাময়িক ।

আমাদের দেশে কি প্রকারের ওলাউঠা অধিক হয় ?

আমাদের দেশে উপরি উক্ত তিন রকম ওলাউঠাই হয়, কিন্তু প্রথম হইতে অর্থাৎ আক্রমণাবস্থা হইতে আক্কেপিক (Spasmodic variety) ও অবসাদক (Paralytic variety) রকমের ওলাউঠা কম হয় । এদেশে ঔদরাময়িক রকমের (Diarrhoeaic variety) রোগ অধিক পরিমাণে হয় ; তবে ঔদরাময়িক রকমে আরম্ভ হইয়া শেষে কতকগুলি আক্কেপিক রকমে (Spasmodic variety) ও কতকগুলি (Paralytic) অবসাদক রকমে পরিণত হইয়া পড়ে । যে গুলি প্রথম হইতে আক্কেপিক রকমে আরম্ভ হয়, তাহাদের অধিকাংশ ও শেষে অবসাদক রকমে (Paralytic Variety) পরিণত হয় ।

আক্কেপিক রকমের (SPASMODIC VARIETY)

রোগ কেন হয় ?

আমাদের গায়ে রক্ত চলিবার কতকগুলি মোটা মোটা নালী আছে,

ওলাউঠার বিষ ঐসকল নাড়ীর ছিদ্রগুলি জোরে আটকাইয়া ফেলে।
যে ওলাউঠায় ঐরূপ হয়, তাহাকে আক্ষেপিক ওলাউঠা বলে।

আক্ষেপিক-ওলাউঠা (Spasmodic variety)

কেমন করিয়া চিনিবে বা উহার পরিচায়ক

বিশেষ লক্ষণ কি ?

আক্ষেপিক-ওলাউঠায় প্রথম হইতেই নিশ্বাস প্রশ্বাসে, (both respiration and inspiration) অর্থাৎ শ্বাস তুলিতে ও ফেলিতে কষ্ট হয়, কিন্তু শ্বসপিণ্ড জোরে চলিতে থাকে। Stethoscope বা বক্ষঃ-পরীক্ষণ-যন্ত্র দ্বারা বক্ষঃ পরীক্ষা করিলে জোরে ধড়াস্ ধড়াস্ শব্দ হইতেছে শুনিতে পাইবে—(অবসাদক বা পাক্ষাঘাতিক-ওলাউঠায় [Paralytic variety] ঠিক উল্টা অর্থাৎ শ্বসপিণ্ডের শব্দ খুব মৃদু ; সময় সময় এমন কি ঠিক শুনিতে পাওয়া যায় না ; [inaudible heart-sound]) ভেদ বমি না হইতেই গা ঠাণ্ডা এমন কি হিমাজ ; (icy cold) হাত পা, বিশেষ অঙ্গুলি ও নখগুলি নীলবর্ণ হয়। ভেদ বমি যদি হয়, তাহার পক্ষে গা খুব বেশী ঠাণ্ডা ও নীল, প্রথম অবস্থায় খেঁচুনি (cramps) কখন অধিক থাকে কখন কমও থাকে। প্রথমটা নাড়ী খুব জোর, আর রোগী বাতাস নাই বলিয়া বোধ করে ও অত্যন্ত ছটফট করে—এই সমস্ত কুলক্ষণ গুলি পূর্ণ বা আংশিক রূপে আগে হইয়া পরে দাস্ত ও বমি আরম্ভ হয়। বলিয়া রাখি—এই আক্ষেপিক (spasmodic) কলেরায় যখন অবসাদক (paralytic) কলেরায় পরিণত হয়—তখন ছটফটানি (restlessness) গিয়া অবসন্নতা ও অবসাদ (listlessness and depression) আসিয়া

পড়ে। এই আক্ষিপিক কলেরায় অধিক হিম না লাগাইলে পেটের
অস্বাভাবিক অর্থাৎ ভেদ আগে হয়না।

এখন অবশ্য বুঝিতে পারিতেছ যে ওলাউঠার সহিত বাহ্য-অঙ্গ
অর্থাৎ হাতে পায় ও পেটে খুব খিলখিল (cramps) থাকিলেই তাহাকে
আক্ষিপিক রকমের ওলাউঠা (Spasmodic variety) বলে না।
আগে বলা হইয়াছে মোটা মোটা রক্তবহা নাড়ীর ছিদ্র বন্ধ হইয়া
তথায় (spasm) সঙ্কোচ হইয়া উপরি উক্ত লক্ষণ সকল হইয়া পড়িলে
তাহাকেই আক্ষিপিক রকমের কলেরা বলে।

অবসাদক বা পাঙ্কাস্থাতিক-ওলাউঠা (paralytic) কেমন
করিয়া চিনিবে বা উহার পরিচায়ক লক্ষণ কি?

আক্ষিপিক রকমের কলেরায় যেমন আক্রমণ কালে রোগী বড়
অস্থির হয়, ইহাতে ঠিক তাহার বিপরীত অর্থাৎ প্রথম হইতেই রোগী
নির্ভীক—রোগী অসাড় পড়িয়া থাকে, নড়ে চড়ে না। এতে রোগীর
বোধ হয় যেন তাহাকে মাথায় এক ঘা লাঠি মারিয়া অবশ্য করিয়া ফেলি-
য়াছে, বা মাথায় যেন একটা বোঝা চাপাইয়া দিয়াছে। ইহাতে হৃৎপিণ্ড
সজোরে আঘাত করে না—stethoscope বা বক্ষঃ-পরীক্ষণ যন্ত্র দ্বারা
পরীক্ষা করিলে বক্ষঃস্পন্দন খুব দুর্বল বোধ হয়, সময় সময় শোনাই যায়
না—ইহাতে হৃৎপিণ্ডকে অবসন্ন করিয়া অতি শীঘ্র পতনাবস্থা
(Collapse) আনিয়া ফেলে। হৃৎপিণ্ডের অবসন্নতার দরুনই শ্বাস-
প্রশ্বাস ফেলিতে ও লইতে কষ্ট অনুভব করে ও শীঘ্রই হিমাজ হয়।

মনে কর ওলাউঠার বিষ আক্ষিপিক কলেরায় নাড়ীর সঙ্কোচ না

জন্মাইয়া হৃৎপিণ্ড দুর্বল করিয়া ফেলিল—রক্তের চলার পক্ষে তাহার পথ আটকান যেমন—আর তাহাকে যে চলার অর্থাৎ হৃৎপিণ্ড—তাহার জোর কমাইয়া দেওয়া ও তেমনি—কাজেই এতে ও সঙ্কটক ওলাউঠার মত গা ঠাণ্ডা ও নীল রঙ হইবে ও নিশ্বাসে কষ্ট ত আনিবেই । এই সকল লক্ষণ (আক্ষিপিক কলেরার ছায়) পূর্ণ বা আংশিক রূপে আগে দেখা দিয়া পরে ভেদ বমি আরম্ভ হইলে ক্রমশঃ হৃৎপিণ্ড, (heart) অন্ত্র সকল, (intestines) বৃক্ক, (kidney) এককালে নিষ্ক্রিয় হয় ; এই কারণ পতনাবস্থায় (collapse stage) হৃৎপিণ্ড নিষ্ক্রিয় হইয়া নিশ্বাস প্রশ্বাসে কষ্ট অনুভব করে, এমন কি হঠাৎ হৃৎস্পন্দন বন্ধ হইয়া হঠাৎ মৃত্যুও হয় ; অন্ত্র সকল নিষ্ক্রিয় হইয়া পেট ফাঁপে, বৃক্ক ও মূত্রনলী নিষ্ক্রিয় হইয়া প্রস্রাব বন্ধ হয় ।

ঔদরাময়িক-কলেরা (Diarrhoeaic) কেমন করিয়া

চিনিবে বা উহার পরিচায়ক লক্ষণ কি ?

ওলাউঠার বিষের তেজে কখন কখন প্রথম হইতেই রক্তের জল-ভাগ দান্ত ও বমির আকারে বাহির হইয়া যাইতে থাকে । ইহা চোনের মত অজ্ঞাতসারে শরীরে প্রবেশ করে ; পেটের বেদনা প্রথমটা একে-বারেই থাকে না, রোগ বাড়িয়া উঠিলে বেদনা হয়, আবার হয়ও না ; বমিও প্রায় প্রথম হইতে থাকে না । দান্ত ও বমিতে শরীরের রক্ত ভাগের জলাংশ অনেকটা যাইলে পর, গা ঠাণ্ডা ও নীল হয় ও নিশ্বাসে কষ্ট হয় । (এ বিষয়ে ঔদরাময়িক রকমের ওলাউঠা [Spasmodic variety] আক্ষিপিক রকমের ওলাউঠার সম্পূর্ণ বিপরীত ।) ঔদরা-

ময়িক ওলাউঠার এই এক রকম হ'লো ; আবার স্বাভাবিক মল-বাহু হইয়ে ক্রমশঃ বাহে পাতলা হ'তে আরম্ভ হয়, পরে ভেদ ৪।৫ বার হইয়ে রোগ প্রকৃত ওলাউঠার আকার ধারণ করে। কখন বা দুই দিন ধ'রে ঐরূপ পেটের অসুখ অর্থাৎ তরল বাহু হইয়ে—পরে ওলাউঠায় পরিণত হয়। যখন এই ঔদরাময়িক ওলাউঠাই আগাদের দেশে অধিক আর যখন ঔদরাময়িক রূপে আরম্ভ হইয়াই আক্কেপিক (Spasmodic) ও (paralytic) অবসাদক রকমে পরিণত হয় তখন ওলাউঠার “প্রত্যেক অবস্থা”—প্রভেদ করিয়া—এই স্থানেই বিবৃত হইল। ঔদরাময়িক রূপে আবম্ভ হইয়া আক্কেপিক রূপ ধারণ করিয়া শেষ সম্পূর্ণ অবসাদক রূপেও পরিণত হয়।

ওলাউঠার প্রত্যেক অবস্থা।

আক্রমণাবস্থা—(Invasive stage) ভেদ অধিক হয় না, পেটের ব্যথা প্রায় থাকে না, কখন বমন হয় কখন কখন বা হয়ও না, বমনেচ্ছা প্রায় থাকে, কিন্তু সময়ে সময়ে থাকেও না, মলত্যাগের সময় প্রস্রাব অল্প অল্প হয় আর ভেদের দরুন ক্রমশঃ বলক্ষয় হয়। এই প্রকারে আক্রমণাবস্থায় রোগ না বন্ধ হইলে বর্দ্ধিত-অবস্থায় পরিণত হয় ; আগেই বলিয়াছি অনেক সময়ে ২।১ দান্ত হইয়াই একেবারে বর্দ্ধিতাবস্থায়ও পরিণত হয়।

বর্দ্ধিতাবস্থা—(Stage of full development) ভেদ—চাল ধোয়া জলের ছায়, কখন বা পচা কুগড়ার বুকা বা ভিতরের শাদা খোপা খোপার ছায় ; ভেদের সহিত বা ভেদের পর বমনও হইতে

থাকে । চিকিৎসক প্রথমই বাহ্যে দেখিবেন ; যখন দেখিবেন বাহ্যের কোন রঙ নাই আর ঐরূপ চাল ধোয়া জল বা কুমড়া পচার ন্যায় শাদা শাদা ভেদ হইতেছে তখন বুঝিতে হইবে প্রকৃত ওলাউঠা । রোগীর আত্মীয়বর্গকে এ বিষয় বলা উচিত এবং যাহাতে মলমূত্র ভালরূপে পরিষ্কার করা হয় তাহার উপদেশ দেওয়া উচিত । আমাদের দেশে ওলাউঠা রোগীর শুশ্রূষায় মাতা, পিতা, স্ত্রী, ভাই, ভগ্নী, স্ত্রী-আত্মীয়গণ যেরূপ আত্মত্যাগের পরিচয় দেন, বোধ হয় ভূমণ্ডলের কোন সভ্য দেশে এ আত্মত্যাগের নিদর্শন নাই । আজকাল যেরূপ কীটানুশাসক পদার্থ সকলের ব্যবহার (antiseptic ও disinfection) প্রথার প্রাদুর্ভাব, তাহাতেও দেখিয়াছি কোনরূপ antiseptic বা disinfection ব্যবস্থা নাই অথচ আত্মীয়গণ সেবা করিতেছেন । সত্য বটে অনেক সময়ে অল্প কাহারো সে জন্ত রোগ হয় নাই, তথাচ এ বিষয়ে বিশেষ সাবধান হওয়া উচিত ।

বর্দ্ধিতাবস্থার বিশেষ লক্ষণ—অপাক প্রধান হইয়া রোগের আরম্ভ হইলে মল ও বমিতে ভুক্তদ্রব্য বাহির হয় ; এমন কি অনেক আগে যাহা খাওয়া হইয়াছে, তাহাও অজীর্ণ অবস্থায় বাহির হয় । (চিকিৎসক ভেদ বমির সহিত অজীর্ণ খাদ্য বাহির হইতেছে কি না বিশেষ লক্ষ্য করিবেন) এ সময় ভেদ ও বমি পরিমাণেও অধিক হয়, বারেও অধিক হয় । পেট ও বুকের ভিতর যেন আগুনের মত জ্বলে, পেটে

ব্যথা, খামচান আর অতিশয় ভৃষ্ণা, (অথচ অধিক পরিমাণে রোগী জল খায় বা কম পরিমাণে ঘন ঘন জল খায়, চিকিৎসক তাহা পর্যবেক্ষণ করিবেন) দুর্বলতা, অবসন্নতা, হাতে পায় খিল ধরা, খিল ধরার দরুণ পেশী শক্ত হইয়া উঠে ও তজ্জন্য রোগী চিৎকার করিতে থাকে; (চিকিৎসা কালে চিকিৎসক এই খিল ধরা বিশেষ পর্যবেক্ষণ করিয়া দেখিবেন; কারণ খিলধরা সামনের দিকে, না পেছন দিকে—অর্থাৎ হাতে হইলে মুটো বাঁধে না আঙ্গুল সোজা হয়ে যায়—ইহার প্রভেদে ঔষধের ব্যবস্থা হইবে) ক্রমশঃ বুকের ভিতর কেমন করে অর্থাৎ যাহাকে বুক খড়্‌খড়্‌ বলে বা হাঁপিয়ে নিশ্বাস ছাড়ে ও হতাশ হইয়া পড়ে । • খালধরা হাত পা হইতে বুকেও আক্রমণ করে ও যন্ত্রণার এক শেষ হয় । প্রথমটা হাত পা অল্প ঠাণ্ডা হয়, ক্রমশঃ খুব ঠাণ্ডা হয়, পরে সর্বদিক হিম হইয়া পড়ে । মুখ প্রায়ই শীত ঠাণ্ডা হয় না; কিন্তু এ অবস্থায় মুখ এমন কি জিহ্বা পর্যন্ত হিম হইয়া পড়ে । ঘামটা প্রায় কপালে ও মাথায় প্রথম আরম্ভ হয়; ক্রমশঃ হাতে পায় ও সর্বদিকে অবিরাম হইতে থাকে । এই ঘামের লক্ষণ চিকিৎসক বিশেষ পর্যবেক্ষণ করিবেন—যথা ঘাম কপালে মাথায় কেবল হয়, না সর্বদিকে হয়, এবং ঘাম খুব ঠাণ্ডা না সহজ) ক্রমে চক্ষু কোটরে বসিয়া যায়; চক্ষু কিনারায় কালি পড়ে, তারকা-কনীনিকা প্রায়

(pupil contracted) অধিকাংশ স্থলে সঙ্কুচিত হয় ।
(পতনাবস্থায় চক্ষুর তারকা প্রসারিত হয় ।) (pupil dilated)
নাড়ী ক্ষীণ, সূক্ষ্ম, ক্রমশঃ চিকন সূতার ন্যায় (thready pulse) হয় ; কখন সবিরাম (intermittent) কখন বা
নাড়ীর গতি লুপ্তও হয় ; আর মূত্রাভাব বা মূত্রাবরোধ
তো থাকেই । (মূত্রাভাব বা মূত্রাবরোধ অনেকক্ষণ থাকিলে
বিকার আসিবার সম্ভাবনা ; চিকিৎসক এ বিষয় স্মরণ
রাখিবেন) ।

পতন-অবস্থা :—(stage of collapse) পতনাবস্থা
আসিয়া পড়িলে রোগীর ভয়ানক অবসাদ আসিয়া পড়ে ।
শীতলতা বা হিমাক্স যাহা বাহিরে ছিল, ক্রমশঃ অন্তরে
প্রবেশ করে ; নিশ্বাস পর্য্যন্ত শীতল হয় ও অতি শীঘ্রই
নাড়ী ছেড়ে যায় বা নাড়ী আর পাওয়া যায় না ।
(নাড়ী ছাড়িয়া গেলেই চিকিৎসক যেন হা'ল ছাড়িয়া নিরাশ না হন ;
ওলাউঠায় সকল রোগের ন্যায় নাড়ী ছাড়া একটা মন্দ লক্ষণ বটে,
কিন্তু অনেক রোগী তাহা সত্ত্বেও আরোগ্য হয় জানিয়া লক্ষণ অনুযায়িক
চিকিৎসা করিলে চিকিৎসক অনেক রোগী আরোগ্য করিতে সমর্থ
হইবেন ।)

• নাড়ী ছাড়িবার আগে প্রায় ২।১ বার ভেদ বা বমি
পরিমাণে একটু বেশী বেশী হয় । ক্রমে ভেদ বমি কমিয়া
তৃষ্ণা ভয়ানক বাড়ে । তখন বার বার জল খায় অথচ

তাহাতে পিপাসার কিছুমাত্র তৃপ্তি হয় না। একবারে অধিক পরিমাণে জল পান করিতে পারে না, খাইলেই বমি হয়। (রোগী অল্প পরিমাণে জল পান করে বা ঘটি ঘটি জল ঢুকু ঢুকু করিয়া খাইতে চায়, ইহা চিকিৎসক পর্যবেক্ষণ করিবেন)। জল খায় আর বমি হয়, আর সেই বমনের জন্য নাড়ী দ'মে যায়, আর জীবনী-শক্তি (vitality) লোপ পায়। তখন নাড়ী—হাতে বা কোথাও পাওয়া যায় না; এদিকে নাড়ী নাই, সর্বদা বরফের ঝায় গা ঠাণ্ডা; তার উপর ঠাণ্ডা ঘাম। এত যে হিমাক্ত, রোগীর শীতানুভব কিছু-মাত্র নাই—গা'র এত ভয়ঙ্কর জ্বালা যে রোগী বিছানায় অবিরাম ছট্‌ফট্‌ করিতে থাকে, গাত্রে কাপড় দিলে টানিয়া ফেলিয়া দেয়, কোন রকম গরম একেবারে সহিতে পারে না। (এক এক রোগী ছট্‌ফট্‌ করিয়াও গাত্রে বস্ত্র রাখিতে চায়, গাত্রবস্ত্র ফেলিয়া দেওয়া আর গাত্রে বস্ত্র রাখা এই লক্ষণ চিকিৎসক বিশেষ করিয়া পর্যবেক্ষণ করিবেন।) জিহ্বা তো ঠাণ্ডা বরফের মত ছিল, ক্রমশঃ কঁটা কঁটা হইয়া নীলবর্ণ হইয়া যায়, আঙ্গুলের আগাগুলি নীলাভ হয় এবং হাত পা'র চামড়া অনেকক্ষণ জলে পড়িয়া থাকিলে যেমন কুঁচকে যায় ঠিক তেন্নি দেখায়; মুখ চোক একেবারে ব'সে যায়; হাড় গোড় বেরিয়ে পড়ে, এক কথায় সর্বাপেক্ষ



বিবর্ণ হইয়া যায় । এই সময় চক্ষুতারা * প্রসারিত (dilated) হয় । (বর্দ্ধিতাবস্থায় তারকা সঙ্কুচিত থাকে pupil contracted) ক্রমে স্বরভঙ্গ হইয়া কথা কহিতে অক্ষম ; জোরে কথা কহিতে চেষ্টা করিলে যেন ভীর্ণি লাগে ; আর সে কথাও কেউ বুঝিতে পারে না । যদি এই অবস্থায় কিছুক্ষণ বাঁচে—অসাড়েসামান্য ভেদ হয় ; সেই ভেদ যেন অবিকল জল, সঙ্গে ছিটে ফোঁটা আম । কিংবা ভেদ বমি যদি বন্ধ হয়, তাহা হইলে পেট ফাঁপে—কা'রো কা'রো পেট ফেঁপে দম্ দম্ হয়, নিশ্বাস প্রশ্বাসে অতিশয় কষ্ট হয়, পাশ ফিরিবারও আর শক্তি থাকে না । কিন্তু কি আশ্চর্য্য ! এসময় পর্য্যন্ত সম্পূর্ণ চেতনা থাকে, মধ্যে মধ্যে আঁতে আঁতে জল চায়, কিন্তু পান করিলেই উঠিয়া যায় । শেষ অবস্থায় শ্বাসকষ্ট কয়েকবার অধিক হইয়া গলা ঘড়্ ঘড়্ করিয়া চেতনা-বিহীন হইয়া পড়ে ।

প্রতিক্রিয়া ও উহার প্রকার ভেদ ।

যে ক্রিয়ায় ওলাউঠার আক্রমণাবস্থা হইতে বর্দ্ধিতাবস্থা ও বর্দ্ধিতাবস্থা হইতে পতনাবস্থা প্রভৃতি উৎপাদিত হয়, তাহার বিপরীত ক্রিয়ার নাম প্রতিক্রিয়া এবং যে অবস্থায় এই বিপরীত ক্রিয়া আরম্ভ হইয়া রোগ

* pupil আমি আগা গোড়া তারাই বলিয়া গিয়াছি—eyeball তারা, pupil কনীনিকা, এটি স্মরণ রাখিবেন ।

আবোগ্য বিষয়ে প্রকৃতিকে সাহায্য করে তাহার নাম প্রতিক্রিয়াবস্থা। প্রতিক্রিয়ার প্রধান লক্ষণ নতনানন্তর অতি সামান্য জ্বর বেগেব সহিত বা অনেক সময়ে বিনাজ্বরে নাড়ীর পুনরুত্থান এবং সেই সঙ্গে সঙ্গে হিমাঙ্গে উত্তাপ প্রকাশ। এই রূপ সমভাবে প্রতিক্রিয়া আরম্ভ হইলে তাহাকে স্বাভাবিক প্রতিক্রিয়া বলে। আবার অতিরিক্ত পরিমাণে নাড়ীর গতি বৃদ্ধি হইয়া, গাত্র অধিকতর উত্তপ্ত হইয়া প্রতিক্রিয়া আরম্ভ হইলে তাহাকে অস্বাভাবিক প্রতিক্রিয়া বলে। যে স্থলে সমভাবে বা অতিরিক্ত পরিমাণে প্রতিক্রিয়া না হইয়া নিতান্ত অল্প পরিমাণে প্রতিক্রিয়া প্রকাশ পায়, তাহাকে অসম্যক বা অসম্পূর্ণ প্রতিক্রিয়া বলে। অস্বাভাবিক ও অসম্পূর্ণ প্রতিক্রিয়া একই কারণে হয় এবং ইহাদের লক্ষণ ও ভাবী ফল একই রকম।

স্বাভাবিক প্রতিক্রিয়ার লক্ষণ।

কি চিকিৎসক কি সাধারণ লোক সকলেই জ্ঞাত আছেন, ওলাউঠায় হোমিওপ্যাথি মতের চিকিৎসায় সর্বাপেক্ষা অধিক রোগী আবোগ্য হয়। আলোপ্যাথিক মতের চিকিৎসকেরা এক্ষণে বুঝিতে পারিতেছেন যে, তাঁহাদের চিকিৎসায় ওলাউঠায় বিশেষ ফল পাওয়া যায় না। বরং বিনা চিকিৎসায় তাঁহাদের চিকিৎসাপেক্ষা অধিকতর ফল পাওয়া যায়। এক জন এম, বি, মেডিক্যাল কলেজের প্রায় সকল ওয়ার্ডে ৭৮ বৎসর পর্য্যন্ত হাউস-সার্জন থাকিয়া এক্ষণে মফঃস্বলে সিভিল মেডিক্যাল অফিসার হইয়াছেন। কিয়দিবস হইল কলিকাতায় অবস্থানকালে তাঁহার ওলাউঠা হয়। বলা বাহুল্য, প্রথমেই তিনি আলো-

প্যাথিক ঔষধ অল্প বিস্তর সেবন করিয়া কোন ফল পান নাট; বরং রোগ ক্রমশঃ বর্দ্ধিতাবস্থায় পরিণত হইয়াছিল। আমরা "আত্মত হইয়া লক্ষণ মিলাইয়া ঔষধ ব্যবস্থা করিলে অত্যল্প সময়ের মধ্যে তাহাব পেটের যন্ত্রণা, পিপাসা, ছুটফটানি, ভেদ বমি প্রভৃতি কমিয়া গেলে—তিনি বলিয়াছিলেন "ইহাকেই ঔষধ বলে, এতি মাত্রা ঔষধ সেবনে উপকার অনুভূত হইয়াছে।" পবদিন যখন তিনি আরোগ্য হইয়াছেন বলিয়া আমরা তাঁহাকে সাদর সম্ভাষণ করিতে ছিলাম, তিনি অশ্রুপ্লাবিত লোচনে বলিয়াছিলেন, "যে ইহার অগ্রে তাঁহাব ২৩টি ভ্রাতা ওলাউঠা রোগে আলোপ্যাথিক চিকিৎসায় মৃত্যুমুখে পতিত হইয়াছে। আমার নিজের পীড়ায় হোমিওপ্যাথিক চিকিৎসায় প্রতিক্রিয়াবস্থায় ও একটু জ্বব বা তদানুযঙ্গিক কোন লক্ষণই হইল না—অথচ আরোগ্য হইলাম।" (তাঁহাব শ্রায় অনেক বুদ্ধিমান চিকিৎসক ঐকপ অশ্রুপতন করিয়া তবে হোমিওপ্যাথির সারস্ব বুঝিতে সক্ষম হইয়াছেন।) সুচিকিৎসায় প্রায়ই স্বাভাবিক প্রতিক্রিয়া দেখা দিয়া ডোবা নাড়ীকে ওঠায় অর্থাৎ যে নাড়ী পাওয়া যাইতে ছিল না, আবার পাওয়া যায়, হিমাজ উত্তপ্ত হইয়া মন্দ লক্ষণ সকল ক্রমে ক্রমে তিরোহিত হয়। চকে মুখে কালী পড়া আর থাকে না, যে আকৃতি নিতান্ত মরা-মানুষের মত হইয়া আসিতেছিল, সে চেহারা বদলায়, নিশ্বাস গরম হয়, পিপাসা, ঝাসকষ্ট, আর থাকে না, ভেদ কমিয়া, ভেদের রঙ বদলায় অর্থাৎ ভেদের সহিত পিত্ত নিঃসরণ হয়। (চিকিৎসক বিশেষ পর্য্যবেক্ষণ করিয়া দেখিবেন স্বাভাবিক বা অসম্পূর্ণ কি প্রতিক্রিয়া আরম্ভ হইয়াছে? অসম্পূর্ণ প্রতিক্রিয়ায় চিকিৎসকের বিশেষ মনোযোগ আবশ্যক। ভেদ অল্প হলে বা সবুজ রঙ হইলেই পীড়া আরোগ্য হইয়াছে মনে করিয়া চিকিৎসক বা রোগীর আত্মীয়গণ কোন

রূপ ত্রুটি বা অবহেলা না করেন) বমি, হা'তে পায় খিল ধরা, ছট্-ফটানি, প্রলাপ বকী, সব খুব কমে বা একেবারে যায় ; এবং রোগী মূত্র ত্যাগ করে । যদি গ্রীষ্মের উত্তাপ জন্ত ঘর্ম দেখা দেয়, সে রোগের ঘর্ম নয় ; সুতরাং তাহাতে বরং চক্ষের জ্যোতি ফেরে ও রোগী ক্রমশঃ আরোগ্যলাভ করে ।

অস্বাভাবিক ও অসম্পূর্ণ প্রতিক্রিয়ার লক্ষণ ।

অসম্পূর্ণ ও অস্বাভাবিক প্রতিক্রিয়ায় রোগী নানা উপদ্রবে ভোগে । যেখানে আলোপ্যাথিক চিকিৎসার পর রোগী আগাদের হাতে আসিয়াছে সেই সকল রোগীর মধ্যে অধিক ভাগ রোগীবই অস্বাভাবিক ও অসম্পূর্ণ প্রতিক্রিয়া দেখা গিয়াছে । (প্রত্যেক হোমিওপ্যাথিক চিকিৎসকের স্মরণ রাখা কর্তব্য যে, হোমিওপ্যাথিক ঔষধ ও লক্ষণানুযায়িক অর্থাৎ ঠিক সিমিলিমম্ (similimum) মিলাইয়া না দিলে অনেক সময়ে স্বাভাবিক প্রতিক্রিয়ার ব্যাঘাত ঘটাইয়া অসম্পূর্ণ বা অস্বাভাবিক প্রতিক্রিয়া আনয়ন করে । হোমিওপ্যাথিক চিকিৎসক ভাবিবেন না যে ভুল-ব্যবস্থা (wrong prescription) হইলে হোমিওপ্যাথিক ঔষধে কোন কুফল হয় না । অনেক রোগীতে এই ভুল-ব্যবস্থা জনিত অসম্পূর্ণ প্রতিক্রিয়া আমরা উপলব্ধি করিয়া তবে চিকিৎসকগণকে সাবধান করিতে উদ্যত হইয়াছি । [কলিকাতার বিখ্যাত নাগরিক অনারেবল প্যারীচাঁদ মিত্র মহাশয়ের বাটীতে অল্পবয়স্কা একটি বধূর ওলাউঠা হয় । তাঁহাদের বাটীর সন্নিকটস্থ এক জন এল, এম, এস উপাধিধারী হোমিওপ্যাথিক চিকিৎসক প্রথমে তাঁহার চিকিৎসা করেন । যখন রোগ ক্রমশঃ বর্দ্ধিত হইতে লাগিল, আমরা আহূত হইয়া দেখি যে

রোগ শঙ্কাজনক আকার ধারণ করিয়াছে । কি ঔষধ চলিতেছে জিজ্ঞাসা করায় জ্ঞাত হইলাম ২৥০ ঘণ্টার মধ্যে আর্সেনিক ৬ ডাটলুমেনের ১২ মাত্রা দেওয়া হইয়াছে । আমরা ইহা শুনিয়া বস্তুতই আশ্চর্য্য হইলাম এবং যখন উহাতে কিছু মাত্র উপকার হয় নাই এবং আর্সেনিকের কোন লক্ষণও নাই তখন কেনই বা ঐ ঔষধ দেওয়া হইতেছে বুঝিতে পারিলাম না । ফলতঃ তাহার পর ঠিক হোমিওপ্যাথিক সিমিলিয়াম্ মিলাইয়া ২ মাত্রা রস্টেক্স ৩০ দিতে রোগী সমস্ত রাত্রি নিদ্রা গেল এবং শঙ্কাজনক লক্ষণ সকল তিরোহিত হইল । তাহার পর দিন আমরা ঔষধ বন্ধ রাখি ; সমস্ত দিন সম্পূর্ণ ভাল থাকিয়া সন্ধ্যার পর হইতে পুনরায় বমন, কাটবমি ও উকী (Vomitting retching and gagging) আরম্ভ হইলে, আমরা আহুত হইয়া ২৥৩ মাত্রা পডোফাইলাম্ ১২ সেবন করাইলে রোগী আরোগ্য হইয়া ছিল । যখন রোগীর পুনরায় ঐ বমি ও কাটবমি প্রকাশ পাইয়াছিল, রোগীর পিতা, বিখ্যাত ডাক্তার ডব্রজেদ্র নাথ বন্ডোপাধ্যায় মহাশয়কে আহ্বান করিয়া আনেন ; তখন পডোফাইলাম্ দেওয়া হইয়াছে, রোগীও কতকটা সুস্থ বোধ করিয়াছে । তিনি যখন রোগীর আত্মীয় * * * * মিত্র এল, এম, এম, আলোপ্যাথিক ডাক্তার বাবুর নিকট গুনিলেন যে, প্রথম চিকিৎসক ১২ মাত্রা আর্সেনিক দিয়াছিলেন, তখন অন্তকথা না শুনিয়া বলিয়াছিলেন “বলুন না মারিয়া ফেলা হইতেছিল ; ইহাতে যে একপ কুফল হইবে আশ্চর্য্য কি?” আমরা বিশেষ ভাবে উপলব্ধি করিয়া বুঝিয়াছি, আর্সেনিকের অপব্যবহারে (misuse and abuse) ওলাউঠায় বড় মন্দ ফল হয় এবং আর্সেনিক ঔষধটীর অধিক মাত্রা সেবনও নিতান্ত হানিকর—যখন বুঝিবে আর্সেনিকের অনেক লক্ষণ রহিয়াছে, তখন উহা দিবে—নচেৎ ওলাউঠায়

নাম শুনিয়াই আর্সেনিক দিলে কখনই অধিকসংখ্যক রোগী আরোগ্য করিতে সমর্থ হইবে না।) আমরা অগ্রেই বলিয়াছি রোগী অসম্পূর্ণ প্রতিক্রিয়ায় অনেক উপদ্রবে ভোগে ; তাহার মধ্যে :—

১ম। পাকশয়ের উত্তেজনা :—(gastric irritability) বমন, কাটবমি, বমনেচ্ছা, পিত্তভেদ ও আমাশয় সময়ে সময়ে এত অধিক হয় যে, ইহাতে আবার নাড়ী দমিয়া যায় ; ক্রমিক পাকশয়ের উত্তেজনা বশতঃ অন্ত্রাচ্ছন্ন মন্দ লক্ষণ ও প্রকাশ পায়।

২য় হিক্কা—ইহাতে রোগীর কষ্টের সীমা থাকে না। সময় সময় এত অধিক হয় যে যন্ত্রণার অবধি থাকে না, শায়িত রোগীকে উঠাইয়া ফেলে ; ক্রমে নাড়ী দমিয়া শেষে ছাড়িয়া যায়। বৈদ্যকগ্রন্থে “হিক্কা যমপত্নিকা” বলিয়া উক্ত হয়।

৩য়—রক্তক্ষয়, শয্যাক্ষত, কর্ণমূল ফোলা ও কর্ণিয়া-ক্ষত—রক্ত-স্রবতা হেতু শয্যাক্ষত, কর্ণমূল ফোলা প্রভৃতি হইয়া রোগীকে বড়ই কষ্ট দেয় ও সময় সময় উহা আশঙ্কার কারণ হয়। কর্ণিয়া ক্ষতও কম বিপজ্জনক নহে ; চক্ষুর স্বচ্ছ ক্ষেত্রোপরে শ্বেতবর্ণ ক্ষত হয়, ইহাতে অনবরত চক্ষু হইতে জল পড়ে, কখন পিঁচুটিও পড়ে—ক্রমে চক্ষুটি নষ্ট হইবার উপক্রম হয়। রক্তহীনতায় এই ক্ষত উৎপন্ন হয়। (কলিকাতার বিখ্যাত রাজা রাজেন্দ্র মল্লিক বাহাদুরের নূতন বাজারের অধ্যক্ষ * * * * মুখোপাধ্যায়ের কণ্ঠার ওলাউঠা হইয়া ঐরূপ কর্ণিয়া ক্ষত হয়। আমাদের চিকিৎসায় রোগী আরোগ্য লাভ করে। আমরা যখন এই রোগীর চিকিৎসা করি, তখন মুখোপাধ্যায় মহাশয়ের বঁকু ডাঃ * * * * আঢ়া এম, বি, আলোপ্যাথিক ডাক্তার মহাশয় বলিয়াছিলেন, এ রোগী কখনই আরোগ্য লাভ করিবে না ; কিন্তু যখন

দেখিলেন আরোগ্যের আর বাকি নাই, তখন বলিয়াছিলেন আরোগ্য হইল বটে কিন্তু চক্ষুটী গেল,—বলিতে কি ৩৫ দিনের মধ্যে দিবসে ২ মাত্রা করিয়া পলমাটিলা সেবন করিয়া রোগী সম্পূর্ণ আরোগ্য লাভ করিয়াছিল—চক্ষু একটি দাগ মাত্র হয় নাই ।)

৪র্থ—জ্বর ও জ্বর-বিকার—এই জ্বর কখন স বিরাম কখন স্বল্প বিরাম আবার কখন বিকার বা সান্নিপাতিক আকারে প্রকাশ পায় । তখন বিকারের সকল লক্ষণই দেখা দেয় এবং জিহ্বা শুষ্ক, কটা, কৃষ্ণবর্ণ ধারণ করে ।

৫ম—মূত্রবিকার—মূত্রবিকারের কারণ এই বিকার হয় বলিয়া ইহাকে মূত্রবিকার বলে । ইংবাজীতে ইহাকে ইউরিমিয়া (uræmia) বলে । মূত্রযন্ত্র স্বাভাবিক অবস্থায় থাকিলে রক্ত হইতে ইউরিমিয়া নামক মূত্রক্ষার বাহির হইয়া যায় । ওলাউঠায় মূত্রযন্ত্রে প্রদাহ বা রক্তাধিক্য জন্মিলে মূত্র উৎপাদন কার্য্যে ব্যাঘাত ঘটায় বা যদি অবরোধ খুলিয়া অল্প অল্প প্রস্রাব নির্গতও হয়, সেই ইউরিমিয়া নামক ছুষ্ঠক্ষার না নির্গত হইতে পারিয়া রক্তকে বিষাক্ত করিয়া উহাতে কার্বনেট অব এমোনিয়া (carbonate of ammonia) জন্মায় এবং উহা মস্তিষ্কে উঠিয়া রক্ত-স্রোত সহকারে কঠিন মূত্রবিকার উৎপন্ন করে । মূত্রবিকারের আগে বমি পুনরায় অধিক পরিমাণে হইতে আরম্ভ হয়, চক্ষু রক্তবর্ণ হয়, খেচুনি, খিলধরা পুনঃ প্রকাশ পায়, ওষ্ঠে কালী পড়ে, পরে মোহ হইয়া অনেক সময় রোগীর মৃত্যু হয় ।

৬ষ্ঠ—মূত্রোত্তাব ও মূত্রাবরোধ :- পতন অবস্থা হইতে উত্তীর্ণ হইলে এবং অশ্রান্ত অঙ্গে প্রতিক্রিয়া দেখা দিলেও যদি মূত্র যন্ত্রের ক্রিয়া হইয়া প্রস্রাব না হয়, তাহা হইলে মূত্রাবরোধ হয়

অর্থাৎ মূত্র জন্মিয়াছে কিন্তু অবরুদ্ধ আছে। ভেদ বগি অতিশয় হইলে রক্তের জলাংশ নির্গত হইয়া গিয়া রক্ত ঘন হয় এবং সেই জন্য মূত্রযন্ত্রে বক্তের চলাচল ভাল হয় না। এইরূপ মূত্রযন্ত্রে রক্তাধিক্য হইয়া মূত্র-যন্ত্রে মূত্র উৎপাদিত হয় না; মূত্রাশয় শূন্য হয় প্রস্রাব হয় না। ইহাকেই মূত্রাভাব বলিবে—কারণ মূত্র উৎপাদিত হইল না—সুতরাং অভাব। কখন বা অল্প বিস্তর মূত্র উৎপাদিত হইয়া মূত্রাশয়ে জন্মিয়া থাকে, নির্গত হয় না। ইহার কারণ মূত্র-থলি অসাড়তা (paralysis)। মূত্রথলির সঙ্কোচ (spasm)—জন্মও সময় সময় মূত্র নির্গত হইতে পাবে না, আবদ্ধ হইয়া থাকে। উপরে মূত্র উৎপাদিত না হওয়ায় মূত্রাভাব বলিলাম—এখানে উৎপাদিত হইয়া অবরুদ্ধ থাকায় অবরোধ বলিলাম। মূত্রাভাব বা মূত্রাবরোধ কি করিয়া পরীক্ষা করিবে? তলপেটে টোকা দিলে যদি ঢাব্ ঢাব্ শব্দ করে, তলপেট নীচু থাকে, উচু বা স্ফীত না হয়, তাহা হইলে বুঝিতে হইবে মূত্রাভাব—Suppression of urine.

আর অঙ্গুলীর আঘাতে যদি ফাঁপহীন শব্দ হয় তাহা হইলে মূত্রাবরোধ, Retention—ইহাতে প্রস্রাবের বেগ প্রায় হয় এবং সেই সঙ্গে ফোটা ফোটা প্রস্রাবও হয়। মূত্রাভাব ও মূত্রাবরোধে কখন কখন রোগী অচেতন হয়, কখন বা ভুল বকে। বিকারের সর্বলক্ষণ প্রকাশ পায়, প্রস্রাব করিব বলিয়া সবলে উঠে বা উঠাইয়া বসাইলে প্রস্রাব করে না।

Mortality—মৃত্যুসংখ্যা।

ওলাউঠা এপিডেমিক বা মহামারী রূপে আরম্ভ হইলে, প্রথম চোঁট মৃত্যুসংখ্যা কিছু অধিক হয়; তাহার পর শতকরা হোমিওপ্যাথিক মতে ও আমাদের জ্ঞান ওজন ম'রে। অন্ত মতের চিকিৎসায় ইহা

অপেক্ষা অনেক অধিক মৃত্যু হয় । এক একটা এপিডেমিকে কেমন অবসাদক (paralytic) রকমের ওলাউঠা অধিক হয়, তাহাতে মৃত্যু সংখ্যাও কিছু অধিক হয় । প্রতি এপিডেমিকের একটা বিশেষত্ব (genus epidemicus) আছে তদনুসারে ঠিক ঔষধ নির্ণীত হয় ও মৃত্যুসংখ্যার হ্রাসবৃদ্ধি বেশ বুঝা যায় ।

(ভাবী ফল—Prognosis) ।

প্রথম হইতে যেখানে ভয়ঙ্কর কপে রোগ আক্রমণ করে, সেখানে সংশয় বৃদ্ধিতে হইবে । ভেদ আবন্তের খানিক পরে বমি শুরু, বা আগে বমি আরম্ভ হ'য়ে ভেদ—ইহাপেক্ষা ভেদ ও বমি একযোগে হওয়া বড় ভাল লক্ষণ নয় । রোগের আরম্ভ হ'তেই নাড়ী দমা, আর হিমাল্প—এটায় রোগ কঠিন বৃদ্ধিতে হইবে । শ্বাসকষ্ট, অচৈতন্য, পেট ফাঁপা—আর হিমাল্প-সমন্বয়ে (collapse stage) পেটে অসহ্য বেদনা—এ গুলি যার পর নাই দুর্লক্ষণ ।

পতনাবস্থায় (collapse stage) রোগী শয্যা হইতে কোঁকে কোঁকে যদি উঠে—সেও খুব ভয়ের বিষয় । প্রতিক্রিয়া অবস্থায় প্রস্রাব অববোধে নয়—প্রস্রাব অভাবে মূত্রবিকার, আরাম হয় না—তাহা নয়, তবে কম আরাম হয় । রোগীর আরোগ্য হ'তে যত বিলম্ব হয়, ততই নূতন নূতন রকমের উপদ্রব দেখা দেয় । ইহার মধ্যে প্রধান জ্বর, জ্বরবিকার, হিকা, রক্তক্ষয়, শয্যাশ্রিত, কর্ণমূল ফোলা, চক্ষুশ্রুত আর আমাশয় । এ গুলিও অল্পবিস্তর ভয়ের কারণ বটে । শিশুদিগের ওলাউঠায় (Infantile cholera) তড়কা (convulsions) হইলে, প্রায়ই বাঁচে না—এত দিনের চিকিৎসায় (convulsion) তড়কা হওয়া শিশু-ওলাউঠা ২টী মাত্র বাঁচিয়াছে ।

স্থিতিকাল (Duration) ।

ওলাউঠার স্থিতিকাল নানাকপ । রোগের প্রকাশ হইতে, ঘড়ী ধরিয়া দেখিয়াছি, ২ ঘণ্টার মধ্যে মৃত্যু হইয়াছে । প্রথমচোটে তিনদিন কেটে গেল যদি, সে ভাল কথা ; আবার তার পর অল্প কোন লক্ষণ না প্রকাশ পাইয়া যদি আর ৩ দিন যায়, তখন প্রায় আশা কোন ভয় থাকে না । কিন্তু যেখানে উপসর্গ সকল আসিয়া প্রকাশ পায়, সেখানে দুই সপ্তাহ কাল প্রায় ভোগে—তবে উপসর্গের তারতম্যে যেখানে একটির পরে আর একটি হইতেছে—সেখানে ৪ সপ্তাহ পর্য্যন্ত ভুগিতে দেখিয়াছি ।

কারণতত্ত্ব (Etiology)

ওলাউঠার কারণ—বলিতে কি—এখনো যে একেবারে স্থির সিদ্ধান্ত হইয়াছে তা বলা যায় না । এ পর্য্যন্ত কত যে নূতন মত হ'লো আর গেল, তা'র গোণা গুণ্টি নেই । বায়ুর ওজোন (ozone) নামক স্বাস্থ্য-রক্ষক পদার্থ কমিয়া যাইলে এই রোগ উৎপন্ন হয়—ইহা একজন বৈজ্ঞানিক পণ্ডিত স্থির কবিয়াছিলেন । আবার দিন কতক এক মত শোনা গেল যে, বায়ুতে তাড়িত (Electricity) অধিক বা কম হ'লে ওলাউঠা হয় ।

আবার এক মত প্রচার হ'লো যে জল-জন্তুদিগের গলিত মাংসোদ্ভূত বিষজ্বনক পদার্থের দ্বারা জল দূষিত হয়, স্নাতরাং ঐ জল পান করিলে যে ওলাউঠা হইবে তার আর বিচিত্র কি ? রাসায়নিক পণ্ডিতেরা নির্দেশ করিয়াছেন যে, মানব দেহের সর্ব্বাংশে যে শোণিত প্রবাহিত হয়, তাহা ফস্ফেট অব সোডা (phosphate of soda) এবং লবণ (salt) মিশ্রিত । সত্য সত্যই সাধারণ লোক পর্য্যন্ত বুঝিতে পারিবেন যে

মুখের ভিতরের রক্ত ও গাত্রের ঘর্ম জিহ্বা দ্বারা আশ্বাদন করিলে লবণাক্ত বোধ হইয়া থাকে । কেহ কেহ কহিয়া থাকেন, মানব দেহে ঐ সকল লবণাক্ত দ্রব্যের ভাগ কম হইলে ওলাউঠা দ্বারা আক্রান্ত হয় । ফলতঃ অম্ল (acid) দ্বারা phosphate of soda ও লবণ salts প্রভৃতির যে ক্ষারত্ব বিনষ্ট হয় তাহা রাসায়নিক সত্য । ডাঃ এমেশবরী (Dr. Amesbury) বলেন যে ল্যাক্টিক এসিড (lactic acid) ও অক্সালিক এসিড (oxalic acid) বিযাক্ত বায়ু সংযোগে শরীরের শোণিত বিনষ্ট করত এই ভয়ঙ্কর রোগ উৎপাদন করে ।

এই (oxalic acid) এতদূর ক্রিয়াশীল যে, যে স্থলে ওলাউঠা মহাগারী রূপে উপস্থিত হয়, তথাকার ও তৎসম্মিকটস্থ জনপদবাসীদিগের মূত্র (সূস্থ শরীরে যে মূত্র ত্যাগ করে) পরীক্ষা করিয়া দোঁথলে অক্সালিক এসিডের (oxalic acid) সমস্ত চিহ্ন স্পষ্টই দৃষ্ট হয় । সূস্থ-শরীরে এই অম্ল (acid) অল্প পরিমাণে উৎপন্ন হয় বটে, কিন্তু উৎপন্ন হইবামাত্রই ক্ষার দ্বারা বিনষ্ট হইয়া মূত্র সহযোগে অনতিবিলম্বে শরীর হইতে বহির্গত হইয়া যায় । ওলাউঠা রোগে এই অম্ল (acid) অপ-
র্যাপ্ত পরিমাণে উৎপন্ন হইয়া দেহমধ্যে অবস্থিতি করে । পরন্তু ক্ষার দ্রব্যের পরমাণু অপেক্ষা অম্লরস বিশিষ্ট পদার্থের পরমাণু অধিক, সুতরাং ক্ষার দ্বারা অম্ল বিনষ্ট না হওয়ায় স্বীয় ক্রিয়াধিক্য বশতঃ জলবৎ বিরেচন, বমন, অন্তর্দাহ, নাড়ীর যুগ্মগতি প্রভৃতি ওলাউঠা রোগের প্রকৃত লক্ষণ উৎপাদন করে ।

ডাঃ বার্ণার্ড (Dr. Bernard) পরীক্ষা দ্বারা স্থির করিয়াছেন যে, পাক-যন্ত্রের পাকরস (gastric juice) সস্তাপ দ্বারা গাঢ় করিয়া ইহাতে কার্বনেট অব লাইম (carbonate of lime) সংযোগ করিলে

কার্বনিক এসিড গ্যাস (carbonic acid gas) নির্গত হয় । স্তূত্রাং পাকশযে (stomach) কোন প্রকার অম্ল (acid) অবশ্যই থাকিবেক । লিবেগ (Leibeg) প্রভৃতি রাসায়নিকগণ বলেন, ঐ অম্ল (acid) ল্যাক্টিক এসিড (lactic acid) ব্যতীত আর কিছুই নহে । আরো পরীক্ষা দ্বারা স্থিরীকৃত হইয়াছে যে পাকস্থলীর (stomach) তরল পদার্থে লবণ-দ্রাবক-অম্ল (muriatic acid) থাকে । এতদ্বারা বোধ হয় যে, আহারীয় দ্রব্য উত্তমরূপে পরিপাক জন্ত পাকস্থলীর তরল পদার্থে কিয়ৎপরিমাণে অম্লরস থাকা নিপ্রয়োজনীয় নহে । পাকস্থলীর স্বাভাবিক ক্রিয়ার বৈলক্ষণ্য বশতঃ এই সকল অম্ল (acid) অধিক পরিমাণে বিনিঃসৃত কিংবা বিনষ্ট হওয়ায় এক প্রকার বিষ উৎপন্ন হয় এবং উহা শরীরস্থ শোণিতে মিশ্রিত হইয়া অবশেষে এই ভয়ঙ্কর ব্যাধির মূলকারণ হইয়া উঠে ।

রোগি-সংস্পর্শে (infection) রোগ জন্মিয়া, ছুত-স্পর্শ (contagion) দোষে, শেষে রোগ ছড়িয়া পড়ে, ইহাও অনেকের মত । এক্ষণে নূতন মত যাহা প্রকাশিত হইয়াছে, অধিক লোক সেই মতেই চলেন ও বিশ্বাস করেন—এমতে ওলাউঠার বীজ বা কাবণ জীবাণুবীজ । (cholera bacilli) ইহা রোগীর মলমূত্রে পাওয়া যায়, অণুবীক্ষণ-বাদীরা দেখিয়াছেন স্বীকার করেন । ওলাউঠার মলের ভিতর হইতে এই জীবাণুবীজ (bacilli) উৎপন্ন হইয়া শেষে ব্যাপিয়া পড়ে ও ওলাউঠা-মহামারীর (cholera epidemic) সৃষ্টি করে । খাদ্যের সহিত বা পানীয় জলের সহিত এই জীবাণু (bacilli) উদরস্থ হইলেও ওলাউঠা হয় । কোন পুকরিণী বা নদীতে ওলাউঠা রোগীর মলমূত্র নিক্ষেপ করিলে বা কাপড় ও বিছানা কাচিলে সেই জলে বেসিলাই বা ওলাউঠা-বীজ (cholera bacilli) উৎপাদিত হইবে

ওশু জল পান করিলে ওলাউঠাও হইবে, ইহাও তাঁহাদের মত । এই জীবাণুবীজ (Bacilli) ওলাউঠার প্রথম দিনের মলে জন্মায় না, ২।৩ দিনের পচুমলে জন্মায় ও ৭ দিন অতীত হইলে আর সে মলে জন্মায় না, ইহাও জীবাণুতত্ত্ববিদগণ (Bactreologists) নির্দেশ করিয়াছেন । এই সকল কথাই—স্বীকার করিলাম । ১৮৮৭ সালে (cholera Bacilli-Commission) ওলাউঠার জীবাণুবীজ আবিষ্কারকগণের অগ্রণী, জার্মান ডাক্তার কোঃ (Koch) কলিকাতায় ওলাউঠার জীবাণুবীজ আবিষ্কারের জন্য আসিয়া বহু পরিশ্রমের পর, একপ্রকার (Bacilli) জীবাণু আবিষ্কার করেন তাহাও সত্য । তিনি ঠিক করিয়াছেন যে, তাহার আবিষ্কৃত এই (Coma Bacilli) ক'মা-বাসিলাই ওলাউঠার বীজ । তিনি মহরতলীর স্থানে স্থানে, বিশেষতঃ ইটলী ও বেলিয়াঘাটার যেখানে যেখানে সেই সময়ে ওলাউঠার প্রাদুর্ভাব হইতেছিল, সেই সেই স্থানের পুকুরিণী ও কূপের জল হইতে ক'মাকৃতি বাসিলাই বা জীবাণু (coma sized Bacilli) প্রাপ্ত হইলেন ; ফলতঃ ওলাউঠা-রোগীর অঙ্গ, পাকস্থলী, মল ও বমন হইতে যে (Bacillus) জীবাণু প্রাপ্ত হইয়াছিলেন তাহার সহিত ইহাদের সাদৃশ্য থাকায় তিনি ক'মাকৃতি বাসিলাসকে (Coma Bacilli) ওলাউঠা-বীজ নির্ণয় করিলেন । কিন্তু ডাক্তার কোঃ (Koch) জানিতেন না যে, ইতিপূর্বে কলিকাতা-মেডিকেল-কলেজের অধ্যাপক ডাক্তার কনিংহাম (Dr Cunningham) আমাশয় ও পুরাতন অঙ্গীর্ণ-রোগ-গ্রস্ত-ব্যক্তিদিগের মুখের ভিতর এবং ঐরূপ রোগগ্রস্ত মৃত-ব্যক্তিদিগের অঙ্গে এই ক'মাকৃতি বাসিলাস বা জীবাণু (Coma Bacillus) মৃত্যু-পরীক্ষায় (Post Mortem) আবিষ্কার করিয়াছিলেন ।

যাহা হউক ডাক্তার কো'র (Koch's) এই আবিষ্কারের
 অল্প দিন পরেই, ইংলণ্ড হইতে ডাক্তার হিনিএজ্ (Dr. Heineage)
 ডাঃ গিবস্ (Dr. Gibbs) ও ডাঃ ক্লিন্ (Dr. Klein) ওলাউঠার বীজ
 অন্বেষণার্থে কলিকাতায় আগমন করিয়া, নানাপ্রকার পরীক্ষার পর
 দেখিলেন যে, ডাক্তার কো'র (Dr Koch's) ক'মাব্যাসিলাই (Coma
 Bacilli) কখনই ওলাউঠার বীজ হইতে পারে না—কারণ ডাঃ
 ক্লিন (Dr Klein) নিজের কতকগুলি ঐ ক'মাব্যাসিলাই (Coma
 Bacilli) জলের সহিত পান করিয়াও ওলাউঠায় আক্রান্ত হইলেন
 না। ডাক্তার গিবস্ (Dr. Gibbs) ও ডাঃ ক্লিন (Dr. Klein)
 আবার দেখিলেন যে যখন কোন পুষ্করিণীর নিকটবর্তী স্থানে ওলাউঠার
 প্রাদুর্ভাব হইয়াছে, তখনই ঐ পুষ্করিণীর জল ও তৎস্থানস্থ বায়ু ব্যাসি-
 লসে (Coma Bacillus) পরিপূর্ণ। আবার ওলাউঠার প্রাদুর্ভাবের যেমন
 হ্রাস হইতে লাগিল, ব্যাসিলস্ ও (Bacillus) কমিতে কমিতে একে-
 বারে অন্তর্হিত হইল। এক্ষণে ইহাও স্থির হইয়াছে যে ওলাউঠার
 প্রাদুর্ভাব হইলে, ঐ জীবাণু বা ব্যাসিলাই (Bacilli) পবে জন্মায়। এক
 কথায় ইহাও ওলাউঠার উৎপত্তির কারণ নহে—ওলাউঠাই ইহাদের উৎ-
 পত্তির কারণ; ইহা গিবস্ ও ক্লিন (Drs Gibbs & Klein) প্রমুখদল
 প্রমাণ দ্বারা একরকম সিদ্ধান্তও করিয়াছেন। জীবাণুবীজ-মত, (Bacilli-
 theory) স্মরণে কেমন করিয়া আর বিশ্বাস করিতে পারা যায়।
 গোয়ালন্দের ডাক্তার ভিন্সেন্ট রিচার্ডস (Dr Vincent Richards)।
 ওলাউঠা-বীজ আবিষ্কারাশয়ে ওলাউঠার ভেদ ও বমন শূকরের অন্ত্রে,
 ও শিরায় প্রবেশ করাইয়া, অনেকগুলি পরীক্ষার মধ্যে কেবল মাত্র
 দুইটি শূকরের ওলাউঠার ন্যায় ভেদ ও বমন উৎপাদনে সক্ষম হইয়া-

জিহ্বলন । সুতরাং ডাঃ কো'ই (Koch) বলুন—আর যিনিই বলুন—
ওলাউঠা-বীজ আর কৈ আবিষ্কৃত হইল ? * এইতো গেল, ইউরোপীয়
বৈজ্ঞানিক-গণের মত । কিন্তু আমরা এই দীর্ঘকাল ধরিয়া এই বোঁগের
চিকিৎসায় লিপ্ত থাকিয়া, ইহার কারণ-তত্ত্ব বিষয়ে সামান্য যাহা কিছু
বুঝিতে পারিয়াছি তাহা নিয়ে প্রকটিত হইল ।

ওলাউঠার কাবণ যে কোন বিশেষ বিষ, (poison) তাহাতে
কেহই সন্দেহ করেন না । তবে এই বিষ, যে, কি প্রকারে উৎপন্ন হয়
এবং ইহার প্রকৃতিই বা কি, সে বিষয়ে একটা স্থির-নিষ্পত্তি কিছুই হয়
নাই । আমরা প্রথমেই তাহা বলিয়াছি এবং ক্রমাগত নূতন নূতন
মতের প্রচারই তাহার প্রমাণ স্বরূপ । তবে অন্যান্য বহুব্যাপী
(Epidemic) পীড়ার ন্যায়—অপরিষ্কৃত ও দুর্গন্ধ স্থানে বাস, অস্বাস্থ্যকর
দ্রব্যাদি ভোজন, অতিরিক্ত শারীরিক পরিশ্রম, পূর্বাক্রান্ত পীড়াজনিত
রক্তস্রবতা ও দৌর্বল্য ইত্যাদি যে, ইহার পূর্ববর্তী কারণ (predis-
posing cause) চিকিৎসক মাত্রেই তাহা অনুধাবন করিতে
পারেন । আজ কাল, ওলাউঠা প্রায় সকল ক্ষতুতেই অল্প-বিস্তর হইতে
দেখা যায় ; তবে গ্রীষ্মাতিশয্যে সন্তাপের আধিক্য হইলেই প্রায় প্রবল
(violent) ও বহুব্যাপী (Epidemic) রূপে প্রকাশ পায় ।

বঙ্গদেশে, গ্রীষ্মকালের প্রথম হইতে বর্ষাকালের শেষ পর্য্যন্ত, ইহা
অধিকতর প্রবল হয় । ফলতঃ শীতকালেও আমরা দেখিতেছি ইহার
প্রাচুর্য্য বিরল নহে—একটা চলিত কথা আছে যে, শীতকালের
ওলাউঠায় মৃত্যুসংখ্যা অধিক হয় । কলিকাতায় সকল সময়েই ওলাউঠা
আছে ; তবে গ্রীষ্মকালে, বর্ষাকালে ও শীতের প্রথমে ও শেষে, অধিক
রোগী দেখিতে পাওয়া যায় । আমরা দেখিতেছি শেষ-রাত্রিতে

ওলাউঠার আক্রমণ অপেক্ষাকৃত অধিক। ডাঃ ওয়াকার (Dr Walker) বলেন যে, এই সময়ে শরীরের সন্তাপের অধিক হ্রাস হওয়াই তাহার কারণ।

অনেকের বিশ্বাস, গ্রীষ্মাধিক্য-কালে বৃষ্টি আরম্ভ হইলে, 'ওলাউঠার' আক্রমণসংখ্যা হ্রাস হইয়া বোগ ক্রমশঃ অন্তর্হিত হয়। কেবল বেনারসে নহে, উত্তর-পশ্চিমাঞ্চলে এবং বোম্বাই ও মাদ্রাস প্রেসিডেন্সীতে, বর্ষাকালে বরং রোগসংখ্যা অধিক হয়। আমরা দেখিয়াছি যখন অত্যন্ত গ্রীষ্ম, সে সময়ে ওলাউঠার চিহ্ন মাত্র নাই; কিন্তু যে দিন বৃষ্টি হইয়াছে, সেই দিনই ২।৪টা হইতে ৮।১০টা পর্য্যন্ত ওলাউঠা-রোগী পাইয়াছি। ইহা কোন নির্দিষ্ট বৎসরের কথা নহে, প্রায় প্রতি বৎসরেই ঘটিয়াছে। যশোহরে যে প্রথম মহামারী (fatal Epidemic or Pestilence) হয়, তাহা ভাদ্র মাসে হইয়াছিল। মিরাতে ১৮৬১ খৃঃ যে ওলাউঠার ভয়ঙ্কর মহামারী (fatal Epidemic or Pestilence) হয় তাহাও বর্ষাকালে আবৃত্ত হইয়াছিল।

উত্তাপ ও আর্দ্রতার সহায়তার দৈহিক পদার্থ সকল যে পচিয়া যায় তাহা স্থিরনিশ্চয়; এবং বায়ু—স্থির, অচল ও ঘন হইলে যে, ঐ সমস্ত পচা-দ্রব্য হইতে উথিত বিষ, বাষ্পাকারে (gas) ভূমির নিকটবর্তী হইয়া নিশ্বাসের সহিত শরীরে প্রবেশ করে, তাহার ভূরিভূরি প্রমাণ পাওয়া যায়। ১৮৫৪ খৃঃ ইংলণ্ডে যখন ওলাউঠা-মহামারী (Epidemic) হয়, তখন বৈজ্ঞানিকগণ দেখিয়াছিলেন যে বায়ু, ঘন ও স্থির এবং তাহাতে তড়িৎের (Electricity) পরিমাণ অত্যন্ত ও ওজোন (ozone) এককালে নাই। জল ও বায়ু যে ওলাউঠার বিষকে পরিবর্তন করে তাহা বেশ বুঝা যায়। ইউরোপ-খণ্ডে এ পর্য্যন্ত দুই বার মাত্র

ওলাউঠা মহামারী-রূপে (Epidemic) হইয়াছে ; কিন্তু এদেশে প্রায় প্রতিবৎসবই আছে—উপরন্তু ৬৭ বৎসর অন্তর অধিকতর প্রবল ও বহুব্যাপী রূপে দেখা দেয় । যে বৎসর ম্যালেরিয়া কম—সে বৎসর ওলাউঠা অধিক, আর ওলাউঠা কম—তো ম্যালেরিয়া অধিক । এই জন্তই অনেকে অনুমান করেন যে, ম্যালেরিয়া ও ওলাউঠা বিয়ের প্রকৃতি এক, তবে অবস্থা বিশেষে কপান্তরে প্রকাশ পায় । সমুদ্র বা নদী-তীরস্থ নিম্নতল-ভূমিতে ওলাউঠা অধিক পরিমাণে হয় । এই সমস্ত স্থান সচরাচর আর্দ্র, বায়ু-সঞ্চারণ-রহিত, এবং নানা কারণ বশতঃ অধিকতর অপরিষ্কৃত হয় ; এই জন্ত গঙ্গা নদীর মুখেব নিকটবর্তী-দেশ ও গঙ্গাতীরস্থ জনপদ-সমূহে এই রোগ অপেক্ষাকৃত অধিক হয় ।

উচ্চভূমি-বিশিষ্ট-দেশে যে এই বোগ হয় না, তাহা নহে, তবে নিম্ন-ভূমি-বিশিষ্ট-দেশ অপেক্ষা অল্প । এতদ্বারা দেখা যায়, আর্দ্রতা (humidity) ও সস্তাপ (heat) এই দুই পদার্থ—ওলাউঠা বর্দ্ধনে সহায়তা করে । তাহাব পর আর কয়টি কারণ যথা—অপরিষ্কৃত বায়ু ও অপরিষ্কৃত জল, মলমূত্রাদির ক্লেদ, অপরিষ্কৃত পয়ঃপ্রণালী হইতে উথিত (Sewar gas) দূষিত-বাপ । পচা-জীবাণিত-দূষিত-বাপ প্রভৃতিতে যে ওলাউঠা অধিক পরিমাণে হয় তাহাতে আর সন্দেহ নাই । কলিকাতার বস্তি সকল ইহার জাজ্বল্যমান প্রমাণ । এই সকল বস্তি যেমন অপরিষ্কৃত, মল-মূত্র-পূর্ণ, ও পয়ঃ-প্রণালী হইতে উথিত (Sewar gas) গ্যাস-পরিপূরিত তেমনি অধিক লোকের বসতি জন্ত দূষিত-বায়ু-পরিপূর্ণ । এই কারণে বসন্তও যেমন অধিক হয় ওলাউঠাও তেমনি অধিক হয় । বসন্তের মহামারীর (epidemic) পর ওলাউঠার মহামারী (epidemic) প্রায়ই

হইতে দেখা যায়। যে সকল গ্রামের পুষ্করিনীতে মৎস্য পচিতে আরম্ভ হয়, সেই সকল গ্রামে প্রায় সেই সময়ে বা তাহার পরই, ওলাউঠার প্রাদুর্ভাব দেখা যায়। আরো মৎস্য-পচা-জনিত-বিষ, যাহাকে ইংরাজীতে (Ptomaine poison) টোমেন বিষ বলে, তাহা ওলাউঠার উত্তেজক বলিয়া স্থিরীকৃত হইয়াছে। আমবাও দেখিতে পাই, বড় বড় বাগানের যেখানে বাশি রাশি মৎস্য জমে ও যে সকল বাড়ীতে ক্রিয়া-কর্মোপলক্ষে রাশি বাশি মৎস্য আইসে, সেই সকল স্থানে পরে মৎস্যের আইস ও পরিত্যক্ত-অংশ সকল পচিয়া ওলাউঠার প্রাদুর্ভাব হয়।

অপরিষ্কৃত জল, অপরিষ্কৃত বায়ু বায়, ওলাউঠার উৎপত্তিকে সহায়তা করে। ওলাউঠার ভেদ বমন, যে জলে মিশ্রিত হয়, তাহা পান করিলে ওলাউঠা হইবার সম্ভাবনা। এতদ্ব্যতীত, জলজন্তু মরিয়া বা পচিয়া বিষ (noxious gas) উদ্ভূত হইলে, বা অন্য কারণ বশতঃ জল দূষিত হইলে, তাহা পান করিলে যে, এ ব্যাধি জন্মিতে পারে তাহা কেহ অস্বীকার করেন না। যে বৎসরে জলকষ্ট হয়, লোকে জলাভাবে, অপরিষ্কৃত কর্দম-মিশ্রিত পচা ও দুর্গন্ধ জল পান করিতে বাধ্য হইয়া, ওলাউঠার হস্তে জীবন হারায়। বঙ্গদেশে জলকষ্টের বৎসরে ওলাউঠার খুব প্রকোপ।

ডাঃ মোরহেড্ (Morehead) বলেন, শরীর পূর্ব হইতে কোন পীড়া দ্বারা দুর্বল থাকিলে, ওলাউঠার আক্রমণের অধিকতর সম্ভাবনা। আমবাও বলিয়াছি ম্যালেরিয়ায় ভুগিয়া শরীর দুর্বল থাকায় ম্যালেরিয়া মহামারী (Epidemic) বা বসন্ত মহামারীর পর (Smallpox Epidemic) প্রায়ই ওলাউঠা মহামারীরূপে (in Epidemic form) হইতে দেখা যায়। ওলাউঠা সংক্রামক (contagious) বা স্পর্শক্রামক

(Infectious) ইহা বলা বড় দুঃস্থ । যদিও এক বাড়ীতে অনেক সময়ে একের অধিক এমন কি ৩৪ টি পর্য্যন্ত একই সময়ে বা একটির পর একটি হইতে দেখিয়াছি—আবার অনেক সময়ে মাতা পিতা, ভাই ভগ্নী স্ত্রীও অত্যন্ত আত্মীয়গণ যাহা বা আত্মহারা হইয়া কলেরা রোগীকে শুশ্রুষায় লিপ্ত থাকেন, তাঁহাদের কিছুই হয় না । তাঁহারা ওলাউঠার ভেদ-বমি হাতে, মুখে, গায় মাখিতেছেন বলিলেও অত্যাক্তি হয় না । ভয় ওলাউঠার একটি প্রধান কারণ—ইহা জানিবে ।

অনেকের বিশ্বাস, (antiseptics and disinfectants) জীবাণু-নাশক ঔষধি প্রভৃতিতে কিছুই হয় না । যখন অপরিষ্কার ও অপরিচ্ছন্নতা ইহাব একটি কারণ তখন উহাদের দ্বারা পবিকার করা ভাণ্ডাই বলিয়া বোধ হয়, তবে অত্যধিক মাত্রায় নহে ; কারণ উহাদের তাঁএ গন্ধে অনেকের বমন ও ভেদ হইতে দেখা গিয়াছে ।

ওলাউঠার সময় নিম্নলিখিত নিয়মগুলি পালন করা কর্তব্য ।

১। যে সময়ে ওলাউঠার প্রকোপ জন্ম, চতুর্দিকে সকলেই ভয়াকুল হইয়া উঠে, তখন অপরিষ্কৃত গৃহে বাস করা, অপরিচ্ছন্ন বস্ত্র পরিধান করা, কোন ক্রমেই উচিত নহে । অপরিষ্কারতা নিবন্ধন বায়ু দূষিত হইয়া যাইতে পারে ; অতএব যখন আমরা অপরিচ্ছন্নতার বিষময় ফল প্রত্যক্ষ করিতেছি, তখন উহা পরিহার করা নিতান্তই কর্তব্য ।

২। কি চিকিৎসক, কি পণ্ডিত, সকলেই জনকে জীবন বলিয়া

নির্দেশ করিয়া থাকেন। জলের দোষে আমাদের দেশে নানা প্রকার রোগ হইতে দেখা যায়। আমাদের দেশে জলদোষ, গলগণ্ড, গোদ ও কয়েক প্রকার চর্মরোগ কেবল জলের দোষেই ঘটিয়া থাকে; অতএব বিশুদ্ধ জল পান করা অত্যন্ত প্রয়োজনীয়। যে প্রকার স্থানে ও পাত্রে আমরা জল রাখি, তাহাতে জল অপরিষ্কৃত হইবার বিশেষ সম্ভাবনা। আজকাল যেন কলিকাতা ও কতিপয় সহরে জলের কল হইয়াছে, পল্লীগামে কিছু পুকুরিনী বা (যেখানে নদী আছে) নদীর জল ব্যতীত অন্য কোন উপায় নাই। ঐ সকল পুকুরিনী ও নদীর পা'ড়ের বিষয় মনে ভাবিলে বাস্তবিক ব'মি আইসে। ইহা জনসাধারণের মলত্যাগ করিবার স্থান বলিলেও অত্যাক্তি হয় না। উহাদের পা'ড় সকল যে জঙ্গলে পূর্ণ থাকে, তাহা জলে ডুবিয়া পচিয়া যায়। পুকুরিনীর পা'ড় ও জল-শূন্য গর্ত বিষ্ঠাতাগের ও সর্বপ্রকার আবর্জনা ফেলিবার স্থান। এতদ্ভিন্ন যে পুকুরিনীর জল পান করা যায়, তাহাতেই স্নান, শিশুগণের শয্যা ও মলমূত্রের নেকড়া কাচা, স্ত্রীলোকগণের মূত্রত্যাগ ও শিশুগণের মল পরিত্যক্ত হয়। বর্ষাকালে জল বাড়িলে, পানীয় জলে ঐ সকল পদার্থ মিশ্রিত হইয়া পানান্তে উদরে যাইয়া পীড়াকে আহ্বান করিবে ইহার আশ্চর্য্য কি। আবার গ্রীষ্মকালে যখন জল কমিয়া ঘোলা হয়, তখন সে জল পান করা নিতান্ত কষ্টকর হইয়া উঠে। অপরিষ্কৃত জল পীড়ার উত্তেজক, সুতরাং পান করা এক কালে অবিধি। এইজন্য প্রথমে জল আনিয়া ফিল্টারে পরিষ্কৃত করিয়া পুনরায় অগ্নিতে গরম করিয়া কলসীতে পুরিয়া ঠাণ্ডা হইলে পান করিবে। যেখানে ফিল্টার পাওয়া যায় না তথায় একটি বাঁশের কাটরা

তিনটি কলসী পর পর বসাইবে । প্রথম কলসিতে কয়লা ও দ্বিতীয়-
টীতে ভাল বাসি পুরিবে । নীচেরটি ব্যতীত, উপরের দুইটি কলসির
তলায় ১টি করিয়া ক্ষুদ্র ছিদ্র করিবে এবং প্রথম কলসিতে জল
পুরিয়া দিলে কয়লা ও বাসি দ্বারা উপর্যুপরি পরিষ্কৃত হইয়া ঐ
ছিদ্র দিয়া ফোঁটা ফোঁটা পড়িয়া নীচের কলসিতে জমিবে, তখন
ঐ জল পান করিবে ।

৩। যখন পল্লিতে রোগ উপস্থিত হইবে, বাতীর সমস্ত দ্বার
জানালা খুলিয়া দিবে । বাতাস ও রোজে দূষিত বায়ু থাকিতে
পারে না । যেখানে যাহা আবর্জনা আছে তাহা পরিষ্কার করিবে ;
প্রসাধনের স্থান ও আবর্জনা-স্থান (আঁস্তাকুড়ে) টাটকা গোবরের
ছড়া বা ফিনাইলের (Phenyle) জল দ্বারা পরিষ্কৃত রাখিবে । পয়ঃ-
প্রণালীর মুখ সকল আটকাইয়া পচা জল ও ময়লা জমিয়া গ্যাস
উৎপন্ন করিতে সমর্থ না হয়, সেই জন্ত খুব পরিষ্কৃত রাখিবে । পাইথানা
খুব পরিষ্কৃত রাখিবে ও ঐ প্রকারে ফিনাইলের জল মধ্যে মধ্যে
দিয়া পরিষ্কৃত করাইবে ।

৪। এই মহামারী দেখা দিলে বিশেষ বিবেচনা করিয়া আহার
করা উচিত । আহাৰ্য্য দ্রব্য বেশি ঠাণ্ডা হইয়া গেলে গরম না করিয়া
খাওয়া উচিত নহে । অধিক পরিমাণে টক, পচা তরকারী, পচা ফল,
স্নাউস চালের ভাত, কাঁচা ঘৃত ও ভেজাল-ঘৃত-পক্ক দ্রব্যাদি, অধিক
পরিমাণে মৎস্য মাংস * বিশেষতঃ পচা ইলিস মাচ ও আনাফের মধ্যে

* নিউ ইয়র্কের (New York) অন্তঃপাতী আলবানী (Albany) নামক নগরে
অনাথ বালকদিগের ভরণপোষণার্থ এক অনাথ-নিবাস সংস্থাপিত হয় । তথায় প্রথমে

বিলাতি কুমড়া প্রভৃতি যাহা খাইলে উদবাস্য হইবার সম্ভাবনা, ফল্গুনা
খাওয়া উচিত নহে। রাত্রি-জাগরণ, সুবাপান ও অধিকতর শারীরিক
ও মানসিক পৰিশ্রম কবাও উচিত নহে। রোগ হইলে শবীর বক্ষার্থে
সাবধান হওয়া কর্তব্য ; কিন্তু ভয় কবা কোন মতে উচিত নহে।
যাহাবা রোগ-ভয়ে ভীত, তাহাবাই যেন অগ্রে আক্রান্ত হয় ; মন
সর্বদা সুস্থ ও প্রফুল্ল রাখা উচিত। (কাসিমবাজারের বদাশ্রম
ভূম্যধিকারী ৮ অনুদাপ্রসাদ বার বাহাদুর কলেরার ভয়ে প্রায়ই স্থান
পরিবর্তন করিয়া মুন্সের চিবাপুঞ্জি প্রভৃতি উচ্চ পার্শ্বতীয় স্থানে
বসতি করিতেন। কলিকাতায় বা দেশের বাটাতে থাকিলে সদাই ভয়—
পাছে ওলাউঠা হয়। লাট সাহেবের দববারে রাজা বাহাদুর উপাধির

৪০,৮০ জন বালক অবস্থিতি করিত। তাহাদের মধ্যে নিম্নত ৪।৫।৬ জন করিয়া
ওলাউঠা পীড়ায় আক্রান্ত হইত এবং প্রায় প্রতিমাসে একজন মৃত্যুমুখে পতিত
হইত। পবে যখন তথাকার অধ্যক্ষেরা তাহাদের আশ্রয়ভোজন পরিবর্তন
করিয়া দিলেন তখন তাহারা রোগের হস্ত হইয়া মুক্তি পাইয়া সুস্থশরীরে কাল
যাপন করিতে লাগিল। মহাপ্রাতাপন ককণাধার হওয়ার্ড সাহেব (Howard the
Philanthrophist) যখন অনেকানেক ঘোরতর গড়কাক্রান্ত স্থানে গমন ও
অবস্থিতি করিয়াছিলেন, বহুতর অস্বাস্থ্যকর কারাগারে প্রবিষ্ট হইয়াছিলেন এবং
অনেকানেক বোগীর সহিত সংশ্লিষ্ট হইয়া বাস করিয়াছিলেন, তখন তিনি মদা
মাংস পরিবর্তন করিয়া কেবল নিরামিষ ভোজন ও জল মাত্র পান করিতেন।
ইহাতে রোগীদিগের সহিত এত সংশ্লিষ্ট থাকিয়াও সর্বস্থানে সুস্থ শরীরে থাকিয়া
মড়কের হাত হইতে পবিত্রাণ পাইয়াছিলেন। নিরামিষ ভোজনের গুণ তাহার
এ প্রকার হৃদয়ঙ্গম হইয়াছিল যে, অত্যাশ্র ব্যক্তিদিগকেও মড়কের সময় মৎস্য মাংস
পরিভোজন করিতে তিনি উপদেশ দিয়াছেন। আমরাও দেখি, হিন্দু-বিধবা ও
নিরামিষ ভোজীবা এ সকল পীড়ায় কম ভোগেন, তবে অত্যাশ্র কারণে অবশ্য পীড়া
হহতে পারে। এতদ্বারা আমরা একথা বলি না যে, নিরামিষ ভোজীদের এককালে
এ পীড়া হয় না।

সনাক্ত হইবার জন্য কলিকাতায় আসিলে তাঁহাব ওলাউঠা হইয়া মৃত্যু হয় । এবেলী-নিবাসী রাজা বাহাদুরের ডাক্তার ৮ শ্রীনাথ সেন মহাশয়ের নিকট ও বিখ্যাত ডাক্তার ৮ বিহারীলাল ভাঙ্কড়ী মহাশয়ের নিকট এই কথা শুনিয়াছি ।

৫ । অপরিষ্কৃত জলে যেমন এই পীড়া হইবার সম্ভাবনা, তেমনি বায়ুর দোষেও স্বাস্থ্যহানি সম্ভব । সেই জন্য নির্মল বায়ু সেবন কবাই বিধি । বায়ু দূষিত হইয়াছে দেখিলে, নিজ বাতীর নিকট কাষ্ঠাদি জালাইয়া, অগ্নি কবিয়া উহাতে কপূর বা গন্ধকচূর্ণ কিম্বা গুগুণ্ডল পোড়াইবে ।

৬ । ওলাউঠার প্রাদুর্ভাব কালে ছশ্চিন্তাকে মনে স্থান না দিয়া উৎকৃষ্ট পুস্তকাদি পাঠে মনকে সর্বক্ষণ সুস্থিৰ ভাবে রাখা কর্তব্য এবং প্রাতঃকালে ও সন্ধ্যাব পূর্বে আনন্দমনে কিঞ্চিৎ পবিত্রায় কবিবে ।

৭ । আমাদের দেশে অনেকে দিবসে নিদ্রা যান, কিন্তু এ অভ্যাস নিতান্ত মন্দ । যাহারা দিনে নিদ্রা যান, রাত্রিতে তাঁহাদের নিদ্রার ব্যাঘাত ঘন্থে এবং আলস্য তাঁহাদের দেহে সর্বক্ষণ অবস্থিতি করে ; সুতরাং মহামারীর সময়ে দিবসে নিদ্রা যাওয়া কোন ক্রমে উচিত নহে । তবে যাহারা দিবা নিদ্রায় অভ্যস্ত, দিবসে না নিদ্রা যাইলে কষ্টানুভব করেন—তাঁহাদের কথা স্বতন্ত্র ।

৮ । আজ কা'ল সকল দেশে, সকল আতিতেই, প্রায় চা ও কাফি ব্যবহার করিয়া থাকেন । অনেকে বলেন যে, এসকল দ্রব্য কোন মাদকতা গুণ নাই । তামাকে নিকোটিন, (Nicotine) কাফিতে কাফিন, (Caffeine) চা'তে থিন (Theine) নামক মাদক পদার্থ আছে ।

অবস্থাভেদে মনুষ্য-শরীরে ইহারা হানিকর ; ইহাদের সেবনে, পাক-

ক্ষীর বিশুদ্ধতা ঘটে ও সুধামান্য, পাককৃচ্ছতা ও অজীর্ণরোগ (Dyspepsia) হয়। অধিক চা পানে কোষ্ঠে বন্ধ হয়, কারণ ইহাতে যে ট্যানিক এসিড (Tannic acid) অধিক পরিমাণে আছে, তাহা অবরোধক (astringent)। কোষ্ঠবন্ধের পর, ভেদ হইবার সম্ভাবনা; একারণ বশতঃ ওলাউঠার প্রাদুর্ভাব কালে অধিক পরিমাণে এ সকল দ্রব্যের সেবন উচিত নহে।

৯। অপক ও অধিক পরিমাণে অন্নযুক্ত ফল পুষ্টিকর হইলেও অজীর্ণ রোগের উৎপাদক। ফল আহ্বারের পর, অধিক পরিমাণে জলপান করিলে, উদরাময় ও অজীর্ণরোগ হইবার সম্ভাবনা। আমরা কোন পীড়াতে বা সুস্থাবস্থায় কোন প্রকার সুরা ব্যবহার করি না ও করিবার কোন আবশ্যিকতা দেখিতে পাই না। সকল প্রকার সুরা ও মদ্য, সুস্থ ও পীড়িতদিগের পক্ষে সমান অপকারী। লেমনেড ও সোডাওয়াটার (Lemonade and Soda water) সতর্কতার সহিত ওলাউঠা রোগীকে কখন কখন পান করিতে দেওয়া যাইতে পারে। অনেক সময়ে বরফ ও জলের পরিবর্তে সোডাওয়াটার পান করিবার জন্য রোগী অতিশয় ইচ্ছুক হয়; জামবা এমন অবস্থায় সোডাওয়াটার ব্যবহারে রোগীদিগকে বিশেষ পরিতৃপ্ত হইতে দেখিয়াছি।

ওলাউঠার প্রতিষেধক চিকিৎসা।

১০। রোগ আরাম করা অপেক্ষা, রোগ হইতে না দেওয়া, আরো ভাল—বিশেষতঃ ওলাউঠার মত রোগ। জগদ্বিখ্যাত রাসায়নিক পণ্ডিত ডাক্তার ডুমাল (Dr. Dumas) বহুল অনুসন্ধানের পর সিদ্ধান্ত করিয়াছেন যে, বাহারা তাত্রকারের কার্য করে এবং তাত্র-খনিতে কার্য করে, তাহারা

প্রাণী এই রোগাক্রান্ত হয় না । হানিমানের মতেও গায়ে তামা রাখিলে ওলাউঠা হয় না । আমাদের এত দিনের অভিজ্ঞতার আমবাও ইহার বিশেষ পক্ষপাতী হইয়াছি । মোটামুটি ইহা জানিলেই হইল যে, ওলাউঠা সম্বন্ধে ইহা অপেক্ষা পাকা কথা আর নাই । সকলে যদি একটি পয়সা ছিদ্র করিয়া ঘুন্সী বা রেসমী হুতা দ্বারা কোমবে বা গলার পরেন, তাহা হইলে হয় তো ওলাউঠা শীঘ্র দেশ ছাড়া হইয়া যায় ।—(পরলোক-গত ডাক্তার ৮ লোকনাথ মৈত্র প্রায় ২০ শত লোককে এইরূপে পয়সা পরাইয়া ইহার গুণ উপলব্ধি করিয়াছেন ।)

ডাঃ হেরিং (Constantine Hering) বলেন যে, (Sulphur) “গন্ধক চূর্ণই ইহার নিশ্চিত প্রতিষেধক ; খানিক গন্ধকের গুঁড়া মোজার ভিতর বা জুতার ঢালিয়া প্রত্যহ নিজ-কর্মে প্রবৃত্ত হও, কিন্তু খালিপেটে কার্য্যে প্রবৃত্ত হইও না” । হেরিং আরো বলেন বাঁহারা তাঁহার এই পরামর্শ মতে চলিয়াছেন, তাঁহাদের মধ্যে কাহারও ওলাউঠা হয় নাই । আমাদের নিজেরও এ বিষয়ে অভিজ্ঞতা আছে যে, পরিশুদ্ধ গন্ধকের গুঁড়া প্রত্যহ জুতায় ফেলিয়া রাখা মন্দ নহে । কিন্তু ২৪ জন লোক আমাদের কথায় ঐরূপে গন্ধক ব্যবহার করিয়া, ইহাতে কোষ্টবদ্ধ হয় বলিয়াছেন । কোষ্টবদ্ধ হইলে গন্ধকটা ছাড়িয়া দিতে পার ; কিন্তু তামা গাজে ঝুলাইয়া রাখিবে । এগুলি হইল প্রতিষেধক উপায় । তাহার পর স্বয়ং হানিম্যান (Hahnemann) কুইন, (Quin) হাম্ফ্রেস (Humphreys) প্রভৃতি চিকিৎসকগণ কুপ্রম ও ভেরেট্রুমের ৩০ ক্রমের বটিকা (Cuprum and Veratrum 30 dil globules) প্রতিষেধকরূপে (as prophylactic) মহামারীর সময় (during an Epidemic) ব্যবহার করিতে উপদেশ দিয়াছেন । আবার ডাঃ রদারফোর্ড রমেন ও

হেম্পেল (Rutherford Russel and Ch. J Hempel) এই ঔষধ
 ঘরের প্রতিষেধক গুণ (prophylactic virtues) এককালে অস্বীকার
 করেন। এ বিষয়ে আঘাদেব অভিজ্ঞতাও হানিমান, কুইন্, ডড্‌জেন
 ও হম্‌ফ্রেস প্রভৃতির মতের পরিপোষক নহে। বলিতে কি আমরা
 ইহাতে বিশেষ ফল পাই নাই এবং কেন ফল পাই নাই তাহাও
 বুঝিতে পারিয়াছি। সকল ওলাউঠা মহামারী (Cholera epidemics)
 সকল বারে একরূপ হয় না। উপক্রমণিকায় তাহা আমরা বলিয়াছি ;
 সুতরাং এক ঔষধে সকল সময় সমান ফল পাওয়াও যায় না। অতএব
 ঔষধ রূপে প্রতিষেধক (medicinal prophylaxis) নিরাকরণ
 করিবার পূর্বে এপিডেমিকের স্বভাবটী (nature and character)
 সম্যকরূপে বোধগম্য হওয়া উচিত। উদাহরণ দ্বারা বুঝাইব যথা—
 সচরাচর দেখা যায় যে, কোন সময়ে ওলাউঠাক্রান্ত রোগীরা খিলধরা
 (cramps) বেশী ভোগ করে, কোন সময়ে বমনাদিক্য হয়, কোন
 সময়ে ২।১ ভেদের পর অবসন্নতা দেখা যায়, কোন সময়ে বা
 ভেদাধিক্যও দেখা যায়। প্রতিষেধক ঔষধ নির্বাচন কালে বিশেষ
 সতর্কতার সহিত এপিডেমিকের লক্ষণ সমূহের সমষ্টির সহিত ঔষধের
 সাদৃশ্য দেখিয়া ঔষধ নির্বাচন করিতে হইবে। ওলাউঠা বাস্তবিক
 পীড়িত ব্যক্তির কতকগুলি লক্ষণ সমূহের নাম ; সকল পীড়িত ব্যক্তি
 এক প্রকার ধাতুর নহে, সুতরাং সকল পীড়িতের লক্ষণ-সমূহ
 এক প্রকার হইতে পারে না ; হোমিওপ্যাথিক চিকিৎসায় এটি
 বিশেষরূপে জানা আবশ্যক। হানিমান্ ওলাউঠার অনেক এপিডেমিক
 নিজ চক্ষে দেখেন নাই, তাহা হইলে এপিডেমিকের এই
 বিশেষত্ব (genus Epidemicus) বুঝিতে পারিতেন এবং

কুণ্ঠ বা ভেরেট্রম সকল ওলাউঠার প্রতিষেধক বলিয়া প্রচার করিতেন না। এই জন্ত আমাদের মতে প্রত্যেক এপিডেমিকের লক্ষণ সমূহ তন্ন তন্ন করিয়া পরীক্ষা ও উপলব্ধি করিয়া প্রতিষেধক ঔষধ নির্বাচন করা বিধেয়। যেহেতু কোন পীড়ার, কোন একটি ঔষধ, হোগিওপ্যাথি মতে, পীড়ার নাম-স্বত্রে (nosologically) স্থির হইতে পারে না; সেইরূপ কোন পীড়ার একটি বিশেষ প্রতিষেধক ঔষধও হইতে পারে না। সদৃশ-মতে (By law of Simi-lars or Homœopathically) ওলাউঠার প্রতিষেধক চিকিৎসা যে সম্ভবপর তাহা বিশ্বাস করি ও স্বীকার করি; তবে—

১। প্রতিষেধক ঔষধ নির্বাচনের পূর্বে এপিডেমিকের প্রভাব (character) ও লক্ষণাদি (Symptoms) সবিশেষ আলোচনা পূর্বক সম্যকরূপে পরীক্ষা করিয়া পরিজ্ঞাত হওয়া কঙ্কব্য।

২। কোন এপিডেমিকের সহিত পূর্বাগত কোন এপিডেমিকের সদৃশ না থাকা সম্ভব; সুতরাং প্রতি এপিডেমিকের ঔষধ নির্বাচন ও পৃথকীকরণ কালে বিশেষ সতর্কতার প্রয়োজন।

৩। একটি এপিডেমিক প্রথমাবস্থা হইতে শেষাবস্থা পর্যন্ত একভাবে থাকে না—সুতরাং লক্ষণাদির পরিবর্তনের সহিত প্রতিষেধক ঔষধ পরিবর্তিত করা আবশ্যিক—নচেৎ প্রতিষেধক (prohylaxis) কার্যকরী হইবে না।

৪। প্রতিষেধক ঔষধের ক্রিয়ার কোনরূপ বিপর্যয় না ঘটে তজ্জন্ত স্বাস্থ্যের ও আহারের নিয়ম রক্ষা করা বিধেয়।

৫। প্রতিষেধক ঔষধ অতি অল্প মাত্রায় ও নিতান্ত অল্প পরিমাণে ও অধিক দিন ব্যবধানে ব্যবহার করা বিধেয়।

তবে আর এক কথা বলিয়া রাখি; বসন্ত-এপিডেমিকের সময়, ~~এন্টিম-টার্ট~~ টার্ট (antim-tart) ও ম্যালেরিয়া এপিডেমিকের সময় আর্সেনিক (arsenic) ওলাউঠায় বিশেষ ফলপ্রদ। এইরূপ ঔষধ সেবন দ্বারা প্রতিষেধক (medicinal prophylaxis) ব্যতীত একচেছদ পূর্বক ঔষধ প্রয়োগ করিয়া এক প্রকার প্রতিষেধক (prophylaxis by inoculation) চিকিৎসা বা প্রতিষেধক-টীকা আছে—ইহা লইয়া আজ কাল ছলছল পড়িয়া গিয়াছে। পীড়ার প্রতিষেধক চিকিৎসা অতীব প্রয়োজনীয়; সেই জন্য এই বিষয় লইয়া এত পরিশ্রম, এত গবেষণা ও এত উদ্যম সহকারে বৈজ্ঞানিকগণ প্রতিষেধক চিকিৎসা আবিষ্কারের চেষ্টা করিতেছেন। ১৮৮৪ খৃঃ স্পেন দেশীয় চিকিৎসক ডাক্তার ফেরান (Dr Ferran) ওলাউঠা বীজের টীকা প্রচলিত করিতে কতই যত্ন ও চেষ্টা করিয়াছিলেন। তিনি প্রচার করিয়াছিলেন যে, নিজ দেশে যে এক হাজার ছয় শত ব্যক্তিকে তিনি টীকা দিয়াছিলেন তন্মধ্যে এক ব্যক্তিরও ওলাউঠা হয় নাই; যদিও ঐ সময় দক্ষিণ ইউরোপ ও বিশেষতঃ স্পেন দেশে ওলাউঠার মড়ক হইয়া সহস্র সহস্র লোকের মৃত্যু হইতেছিল। ফেরানের এই আশ্বাসবাক্য শুনিয়া চিকিৎসক ও স্বাস্থ্যবিদগণের (Hygeinists) মহা কোতূহল বাড়িয়া গিয়াছিল, কারণ অধিকাংশ বিখ্যাত স্বাস্থ্যবিদগণ এই ওলাউঠার প্রতিষেধক আবিষ্কার করিবার জন্য মনপ্রাণ সমর্পণ করিয়াছিলেন। ফেরানের এই আশ্চর্য্য কথা শুনিয়া জার্মানি, ইতালি, ফ্রান্স ও রুসিয়া দেশস্থ বিজ্ঞানবিদগণ স্পেন দেশে নিজ নিজ প্রতিনিধি প্রেরণ করিলেন। এই প্রতিনিধিগণ অতি সাবধানতার সহিত পরীক্ষা করিয়া জানিলেন যে ফেরানের ওলাউঠা টীকায় কোন ফলই হয় না। এবং ফেরান তাঁহার

ওলাউঠা-বীজ কি—তাহা দেখাইতে বা প্রমাণ করিয়া দিতে স্বীকার করিলেন না বা সমর্থ হইলেন না। অগ্রেই ডাক্তার কো'র (Koch's) ক'মা নামক জীবাণু বা ব্যাসিলাই (Bacilli) যে, ওলাউঠা-বীজ নহে তাহা এক প্রকার সপ্রমাণ করাই হইয়াছে।

এক্ষণে রুসিয়া দেশীয় অধ্যাপক হাফ্কিন্ (Profr. Haffkain) ভারতবর্ষে ওলাউঠা বীজের নানা অনুসন্ধান করিয়া এক প্রকার বীজ আবিষ্কার করিয়া, তাহা দ্বাৰা টীকার ব্যবস্থা (inoculation by cholera virus) প্রচার করিয়া একটা খুব হুজুগ তুলিয়াছেন। আমাদের সম্পূর্ণ বিশ্বাস, এক্ষণে যাহারা উহার প্রশংসা করিতেছেন, তাহারাই অগ্রে উহার অসারত্ব প্রমাণ করিয়া উহা দ্বারা যে অনিষ্টাপাত সম্ভব—তাহাও প্রচার করিবেন। ওলাউঠা-বীজ দ্বারা ওলাউঠা নিবারণ চেষ্টা করা সদৃশ-প্রতিষেধক নহে—সম-প্রতিষেধক। (not Homoeo- pathic but Isopathic prophylaxis) ডাঃ বর্নেট্ (Dr. Burnett) বলেন যে, এইরূপ সম-প্রতিষেধক-টীকা দ্বারা উপকার অতি অল্প কিন্তু অনিষ্ট সম্ভাবনা অধিক। ফরাসী বৈজ্ঞানিক পাস্টের (Pasteur) ক্ষিপ্ত-কুক্কুব-দংশন-জনিত-জলাতন রোগ-নিবারণ (Hydrophobia) জন্ত ঐ বোগগ্রস্ত-ব্যক্তিগণের লাল হইতে বীজ প্রস্তুত করিয়া অনেক পরীক্ষা করিয়াও সফল হইতে পারেন নাই। কিন্তু আলোপ্যাথিক ভায়ারা তবু দেশ বিদেশে পাস্টেরের মতে চিকিৎসা-মন্দির (Pasteur Institute) প্রতিষ্ঠিত করিবেন। ভারতবর্ষীয় “থয়ের খাঁরা” নামক কসৌলিতে একটি ঐ চিকিৎসালয় খুলিয়াছেন। পাস্টেরের এই পরীক্ষা জন্ত কত শত মনুষ্য অকালে জীবন-ত্যাগ করিতে বাধ্য হইয়াছেন ও হইবেন তাহার সংখ্যা নাই। সম-মতে (Isopathically)

রোগ-বীজের ঢাঁকা দ্বারা সেই পীড়ার প্রতিষেধক উদ্ভাবন চেষ্টা করা
বৃথা—আমাদের মতে হোমিওপ্যাথিক-মতে রোগ প্রতিষেধকের বিধান
করাই যুক্তিযুক্ত।

আজ ৭৮ বৎসর হইতে আমরাও এ বিষয়ে অল্প বিস্তর চেষ্টা
করিয়া আসিতেছি—আমাদের চেষ্টাও বলিতে কি সফল হই-
য়াছে। রোগবীজের ঢাঁকা দ্বারা রোগ ক্রয় করা ও শরীরকে রোগ-
বীজের বা রোগ-বিষের আধার করা মাত্র—কিন্তু ত্বকচ্ছেদ করিয়া
পিচ্কারী দ্বারা (by hypodermic syringe) আর্সেনিক প্রয়োগ
এই ওলাউঠা রোগের সর্বোৎকৃষ্ট আরোগ্যকারী ও প্রতিষেধক চিকিৎসা
হইবে আশা করা যায়। আর্সেনিকের লক্ষণের সহিত ওলাউঠার লক্ষণের
অধিকতর সাদৃশ্য বলিয়া আর্সেনিক একটি ওলাউঠার ফলপ্রসূ ঔষধ।
আর্সেনিক প্রয়োগে ওলাউঠার জ্বর অনেক লক্ষণ উৎপন্ন হয়, ইহা
ইউরোপীয় বিজ্ঞানবিদ ভার্চু (Virchow) নিমায়ার (Nimeyer)
প্রভৃতি শারীরতত্ত্ববিদ পণ্ডিতগণ (Physiologists) স্বীকার
করেন। আর্সেনিকের বিষক্রিয়া (arsenic poisoning) দেখিলে
কলেরার সহিত প্রভেদ করা বড় সহজ নহে। এই উপায়ে যখন
পতনাবস্থায় কোন ঔষধে কিছুমাত্র উপকার হইতেছিল না, ত্বকচ্ছেদ
পূর্বক পিচ্কারী দ্বারা (hypodermically inject) আর্সেনিক প্রয়োগ
করিয়া আমি অনেকগুলি রোগী আরাম করিয়াছি। (যিনি এই উপায়ে
চিকিৎসা করিতে ইচ্ছা করেন, ৮৪ নং বারাগমী ঘোষের ষ্ট্রীট ডাঃ
অতুলকৃষ্ণ দত্ত এম, ডি'র নিকট আসিলে বা পত্র দ্বারা আবেদন
করিলে—আর্সেনিকের শক্তি ও মাত্রা যাহা ত্বকচ্ছেদ পূর্বক
ব্যবহার্য এবং দেহের কোন স্থানে ও কতবার প্রয়োগ (inject)

কণ্ঠে আবশ্যক—তাহা জানিতে পারিবেন। } আমরা জানি
হনিগবার্জার কলেরায় কি ঔষধ inject বা ঐরূপ ত্বকচ্ছেদ পূর্বক
প্রয়োগ করিতেন কিন্তু তাঁহার লিখিত “তাঁহার ভারতবাস” গ্রন্থে
তাঁহার কোন নিদর্শন পাওয়া যায় না। যে সকল লোকের মুখে শুনি
যাছি—তাঁহারা বলেন ডাঃ হনিগবার্জার কলিকাতায় অবস্থানকালে
ওলাউঠা রোগীর দেহে কোয়াসিয়া (Quassia inject) ত্বকচ্ছেদ-
পূর্বক ব্যবহার করিতেন ও তাহাতে অনেকে আরোগ্য লাভও করিত।
আমাদের কিন্তু বিশ্বাস, হনিগবার্জার এই আর্সেনিক (inject) ত্বকচ্ছেদ
পূর্বক ব্যবহার করিয়া কলেরা আরোগ্য করিতেন। ইহা ব্যতীত
কলেরার ঐরূপ একাধারে আরোগ্যকারী ও প্রতিষেধক ঔষধ আর
নাই—আমরা মুক্ত কণ্ঠে বলিতে পারি।

গোল্‌মেলে চিকিৎসার দোষ।

এই রোগেরই চিকিৎসায়, হোগিওপ্যাথির বিজয়-পতাকা উড়িয়াছে।
তাঁহারা নিতান্ত হোগিওপ্যাথির বিরোধী—বাটীতে কোন রোগ হইলে
সদাই হোগিওপ্যাথিক চিকিৎসা উপেক্ষা করেন—তাঁহারা পশ্চাত্ত ওলাউঠা-
রোগে হোগিওপ্যাথিক চিকিৎসা করান। অনেক আলোপ্যাথিক
চিকিৎসক সর্ব রোগে নিজ মতে চিকিৎসা করেন, কিন্তু ওলাউঠার
চিকিৎসার সময় একটি হোগিওপ্যাথিক বাক্স বাহির করিয়া বসেন।
এই রোগের চিকিৎসায় যেন আলো-হোগিও ব্যবস্থা কদাচ করা না হয়।
আমরা এই দীর্ঘকাল চিকিৎসা ব্যবসায়ে থাকিয়া ঐরূপ “খিচুড়ি-চিকিৎ-
সার” মন্দ ফল প্রায়ই দেখিয়াছি—সেইজন্য সাবধান করিতেছি। প্রথমে
নূতন ডাক্তার, ধারক (astringent) ও উত্তেজক (Stimulant)

ঔষধ দ্বারা চিকিৎসা করিয়া যখন আর “তাল সামলাইতে” পারেনা তখন হোমিওপ্যাথিক ঔষধ !! তা’ও—“জগা-খিচুড়ী করিয়া অর্থাৎ এই, একটা লক্ষণ ধরিয়া একটা ঔষধ দিলেন—আবার আর একটা লক্ষণ ধরিয়া আর একটা ঔষধ দিলেন—এইকপ ক্রমাগত রকম বিরকম ঔষধের প্রাক্ক করিয়া—খুব “জো’র চিকিৎসা” (Vigorous treatment) চালাইয়—(এরূপ চিকিৎসায় যা’হয় তা সকলেই বুঝিতে পারিতেছেন) রোগী আশ্রয়বর্গের নিকট খুব দাপটের সহিত নিজ বিদ্যাবুদ্ধির পরিচয় দিয় বলিয়া থাকেন যে তাঁহার দোষ কি ! তিনি হোমিওপ্যাথিক চিকিৎসা পর্য্যন্ত কবিয়াছেন !! হায় রে অর্থ ! ধর্ম্মের দ্বারে এ স্তোক টেকিবে কেন ? আমরা পূর্বেই বলিয়াছি অগ্রে আলোপ্যাথিক চিকিৎসা হইবে প্রায়ই রোগীর অবস্থা মন্দ হইয়া পড়ে—সেই কথা পুনরায় স্মরণ করিয় দিতেছি । কখন কখন এক একজন অলস ও পরিশ্রম-কাতর হোমিওপ্যাথিক চিকিৎসকও রোগীর অবস্থা পর্য্যবেক্ষণ করিতে আলস্ট্র করিয় হয়’তো ক্লোবোডাইন বা অন্য কোন ধারক ও অহিফেন-সংযুক্ত ঔষধ প্রথমাবস্থায় দিয়া শেষ বিপদে পড়িয়াছেন তাহা জানি । প্রত্যেক হোমিওপ্যাথিক চিকিৎসক এইরূপ গর্হিত কার্য্য করিতে লজ্জিত হইবেন । আব ঔষধের লক্ষণ-সমষ্টির সদৃশ বা হোমিওপ্যাথিক সিমিলিমম্—পীড়ার লক্ষণের সহিত সম্যকরূপে না মিলাইয়া, এক আদর্শ লক্ষণের উপর নির্ভর করিয়া “হুড়াহুড়” ঔষধ দেওয়াকে ও আমার হোমিওপ্যাথিক চিকিৎসা বলি না । প্রত্যেক লক্ষণ অনুধাবন করিয় ও রোগীর মানসিক লক্ষণ সকল (Mental Symptoms) এবং রোগ যন্ত্রণার হ্রাস বৃদ্ধির সময় ও উপায় (Aggravation and amelioration) বিশেষ করিয়া পর্য্যবেক্ষণ পূর্ব্বক ঔষধ নিষাচন করিয়া

চিকিৎসা করিলে হোমিওপ্যাথিক চিকিৎসার ফলে শত শত লোককে
“মৃত্যু-ক্রোড় হইতে” ফিরাইতে পারিবে ।

কিরূপে লক্ষণ পরীক্ষা ও পৃথক করিয়া চিকিৎসা করিবে ?

চিকিৎসার্থে আহুত হইয়া রোগী বা রোগীর আত্মীয়গণের কথায়
বিশ্বাস না করিয়া—নিজে ভেদ ও বমন স্বচক্ষে দেখিতে চেষ্টা করিবে ।
অনেক বৃদ্ধ আত্মীয় ও আত্মীয়া স্নেহ বশতঃ ওলাউঠা মানিতেই চান
না—এমন কি বলিতে শুনিয়াছি রোগীর পেটের সাড় আছে ও বাহ্যের
রঙও অল্প ছিল—অথচ স্বচক্ষে দেখিয়াছি আদত কলেরার বাহ্যে ।
তঁাহাদিগকে না জিজ্ঞাসা করিয়া রোগীকে সকল কথা জিজ্ঞাসা
করিবে ও স্বচক্ষে সকল লক্ষণ দেখিবে এবং মানসিক লক্ষণ
সকলের মর্শ্ব বোগীর নিকট হইতে জানিয়া লইবে । যেখানে আত্মীয়-
শুশ্রূষাকারীর নিকট না জিজ্ঞাসা করিলে নয়, খুব পরিষ্কার করিয়া
গাভীর্ষ্য ও মহানুভূতির সহিত প্রশ্ন করিবে । গাভীর্ষ্য কেন ? না—প্রশ্নের
শুরুত্ব বুঝাইবার জন্য—আর মহানুভূতি কেন ? না—তঁাহাদের মনে
আশার সঞ্চার হইবে ; তাহা হইলে ভয়ে বিহ্বল হইয়া উল্টাপাল্টা
উত্তর দিবে না । লক্ষণ পরীক্ষা এত সাবধানে ও যত্নের সহিত না
করিলে রোগের প্রতীকার হইবে না । গৃহস্থ—ডাক্তার ডাকিয়া অনেকটা
নিশ্চিত—এখন বাস্তবিকই চিন্তা ডাক্তারের । ভেদ ও বমি স্বচক্ষে
দেখিয়া জানিবে—ভেদ অধিক বা অল্প পরিমাণে হইতেছে ; তাহার পর
চাল ধোয়া জল বা কুমড়া পটানীর মত বা কলের জলের মত—ও ভেদ
বমির সহিত ভুক্ত-দ্রব্য বাহির হইতেছে কি না, ইহাও বিশেষ করিয়া

দেখিবে। (অনেক সময় ভেদে ভুক্ত দ্রব্য বাহির হইতেছে দেখিয়া ~~নিষেধ~~ সেবন করাইয়া অভ্যন্তর সময়ের মধ্যে রোগের উপশম হইয়াছে।)

আর ভেদের সহিত পেটে যন্ত্রণা আছে কি না—যদি থাকে—স্বমস্ত পেটে বা কেবল নাভি-মূলে বা নাভির চতুঃপার্শ্বে—এবং ঐ স্থলে চাপিলে যন্ত্রণার অসহ্য হয় বা রোগী আরাম পায়। (অঙ্গুলি দ্বারা ঠুকিয়া বুঝিবে কোন প্রদাহ (Inflammation) বর্তমান আছে কি না?) ভেদের পর বমি দেখিবে; বমনে কি উঠে তাহা দেখিবে—অর্থাৎ ভুক্তদ্রব্য বা শ্লেষ্মা, পিত্ত বা কেবল জলের ন্যায় বমন—আর সেই বমন সহজে উঠে—না অতিশয় কষ্টে উঠে? বমন নিবৃত্তি হইলে বিবমিষা বা বমনেচ্ছা থাকে কি না কিম্বা অত্যন্ত বিবমিষার সহিত বমন হয় কি না এবং বিবমিষা নিবৃত্তি পাউয়াও বমন হইতে থাকে কি না? বমন অধিক না কাটবমি অধিক, এ লক্ষণটীও বিশেষ করিয়া দেখিবে। ভেদ কিম্বা বমির সময় কপালে ঘাম হয় কি না? এবং ভেদ অধিক না বমি অধিক এটিও ভাল করিয়া বুঝিবে।

ভেদ বমির লক্ষণের পর পিপাসা—পিপাসা অধিক বা কম ও অল্প পরিমাণে ঘন ঘন পান করিলে তৃপ্ত হয়, কিম্বা অধিক পরিমাণে বিলম্বে বিলম্বে পান করিতে চাহে? পিপাসায় জল পান করা আর উঠা অর্থাৎ বমন হয় কি না—অথচ আবার জল জল কবে কি না?

খিলধরা ও খেঁচুনি—(Cramps) হা'তে পা'য়ের খিল ধরা'য় আঙ্গুল বাঁকিয়া পশ্চাতে যায়, না মুটা বাঁধে—অর্থাৎ এক্সটেনসার বা ফ্লেক্সার পেশী সমূহে (Extensors or Flexors) খিলধরা (Cramps) নিবদ্ধ থাকে? কেবল হা'তে পা'য়, খিল ধরে—না বুকে পেটে উরু অঙ্গেও ধরে—এটিও পর্য্যবেক্ষণ করিবে।

মূত্রের ভাব ও ভীতির লক্ষণগুলিও বুঝিতে হইবে। মূত্রাভয় হয় কি না—কেবল নিরাশ হইয়া রোগী “মোলেম মোলেম” বলে কি না—এই মূত্রাভয়—(Fear of death) একটি মানসিক লক্ষণ। চিকিৎসক জ্ঞেন করিবেন না যে, ভীষণ ওলাউঠা দ্বারা আক্রান্ত বলিয়া রোগী এই কথা বলিবে। (চিকিৎসার অভিজ্ঞতার সহিত চিকিৎসক বুঝিবেন, এই সকল মানসিক লক্ষণ বোগাবোগা বিষয়ে কিরূপ সহায়তা করে।)

অনন্তর দেখিবে রোগী কি ভাবে আছে অর্থাৎ স্থিরভাবে আছে, না বিছানায় গড়াগড়ি দিতেছে। এই গড়াগড়ি দেওয়া বা কেবল এ পাশ ও পাশ করা দেখিয়া, জিজ্ঞাসা করিয়া জানিবে যে গাত্রদাহ-জনিত এই গড়াগড়ি—না কি একটা আভ্যন্তরিক যন্ত্রণা—যাহা বলিয়া বোঝান যায় না—(Mental anguish) সেই জন্য। আর গাত্রদাহের জন্য গাত্রবস্ত্র রাখিতে চা’য়না ফেলিয়া দেয়? প্রস্রাব বন্ধ থাকিলে তাহার উপর লক্ষ্য রাখিবে। এই মূত্রবন্ধের জন্য পেট-ফাঁপ হয় কি না—পেটে টোকা মারিয়া দেখিবে। মূত্রবন্ধে মূত্রের চেষ্টাই হয় না, কিম্বা মধ্যে মধ্যে মূত্রবেগ হইয়া ও মূত্র বন্ধ থাকে? মূত্র-বেগেব সহিত রোগী হঠাৎ উঠিয়া বসে বা বসিবার জন্য জিদ করে কি না? প্রস্রাব বন্ধের কারণ মূত্রাবরোধ কি মূত্রাভাব—তাহা ও অঙ্গুলি দ্বারা চুঁকিয়া বুঝিবে। এ গুলি হইল সাধারণ লক্ষণ। জ্বর ও বিকারের লক্ষণ গুলিও বিশেষ করিয়া বুঝিতে হইবে। যথা—জ্বর হইলে প্রথমেই থারমোমিটার (thermometer) দ্বারা টেম্পারেচার (temperature) দেখিবে; ভুল কথা বলে কি না—যদি বলে, নিজের ব্যবসায় বা কার্যের বিষয়ে; না অন্য বিষয়ে—বিড়্ বিড়্ করিয়া বকে; না উঠেঃপরে চীৎকার করে? চুপ করিয়া পড়িয়া থাকিয়া হঠাৎ চীৎকার করিয়া

(shriek) উঠে কি না ? হাত পা ছোঁড়ে কি না ? কেবল চক্ষু জড়িয়া মাথাটা অচেতনাবৃত্তাবে এ পাশ ও পাশ করিয়া নাড়ে কি না ? সর্বশেষে একেবারে অচেতন্য ও শিবনেত্র ভাবে পড়িয়া থাকে কি না ? এই সময় চক্ষু-তারকা কুঞ্চিত (contracted) বা প্রসারিত (dilated) সেটি দেখিতে ভুলিবে না। এই বিকারের অবস্থায় ভেদ বমির অবস্থা ভুলিবে না। তখনো ভেদ বমি ও তজ্জনিত লক্ষণ সকল চলিতেছে বা বন্ধ হইয়া পেট ফাঁপিয়া দম সম্ হইতেছে ? নাড়ীর গতি প্রথম হইতে ভাল করিয়া দেখিবে। নাড়ীর গতির সহিত হিমাক্ষ বাড়িবে ও কমিবে—ইহা যেন স্মরণ থাকে। নাড়ী ছাড়িয়া গেলেই নিরাশ হইবে না। নাড়ী ছাড়িয়া গিয়া ২৩ দিন পরে ও আবার নাড়ী আসিয়া আরোগ্য হইয়াছে আমরা জানি। তাই বলিয়া, নাড়ী ছাড়িলে কিসে নাড়ী উদ্দীপ্ত হয়, সে বিষয়ে চেষ্টা করিতে ক্রটি যেন না হয়। নিতান্ত আশু-মারাত্মক লক্ষণ—শ্বাস প্রশ্বাসে কষ্ট। এইটির উপর বিশেষ লক্ষ্য, যেন সব সময় থাকে। শ্বাস-কষ্ট হইতেছে সন্দেহ হইলেই বক্ষঃ-পরীক্ষা করিবে; বক্ষঃশব্দ খুব বেগে হইতেছে বা নিস্তেজে হইতেছে, ইহা বক্ষঃ-পরীক্ষণ যন্ত্র দ্বারা শুনিয়া বুঝিবে—রোগ আক্কেপিক বা অবগাদক। নিশ্বাসে বা প্রশ্বাসে কষ্ট কিম্বা যেন বক্ষঃস্থল চাপিয়া ধরিতেছে ও নিশ্বাস আটকাইতেছে বোধ হয়—তাহা বিশেষ করিয়া দেখিবে। এতদ্ব্যতীত সূক্ষ্ম লক্ষণ সকল যথা ঠাণ্ডায় বা গরমে বোগের হ্রাস-বৃদ্ধি ও নিদ্রার উত্তোগে বা পরেই রোগের বৃদ্ধি—এগুলি ও ভুলিবে না। উপরিউক্ত লক্ষণ সমূহের পার্থক্য করিয়া এতাবৎ ওলাউঠা চিকিৎসা করিয়াছি; জগদীশ্বরের কৃপায় অনেক আরোগ্যও

করিয়াছি। একটি কথা ভুলিওনা—বোগীর সাক্ষাতে বা অসাক্ষাতে পুস্তক পড়িয়া লক্ষণ মিলাইতে কখন লজ্জা বোধ করিও না। যাহারা রোগী দেখিয়া—পুস্তক দেখিতে লজ্জা বোধ করে তাহারা নিতান্ত গর্বিত ও ভণ্ড ; বরং আলোপ্যাথিক ডাক্তারের সঙ্গে রোগ বিষয়ে পরামর্শ করিবে, তথাপি এ সকল ভণ্ডের সহিত কখনই করিবে না।

চিকিৎসা ।

চিকিৎসার সার রোগ ঠিক করা ; তা'র পর রোগের লক্ষণগুলি সবিশেষ যত্নের সহিত ঔষধের লক্ষণের সহিত মিলাইয়া ঔষধ দিলেই রোগ আরোগ্য হইবে ।

আক্ষেপিক ওলাউঠার প্রধান ঔষধ ও চিকিৎসা ।

- ১। কপূর চূর্ণ বা কপূরের আরক । (Spt or Trituration of Camphor)
- ২। অসিড্ হাইড্রোসিয়ানিক, ও ইহার (Acid Hydrocyanic)
ক্ষাব সায়ানাইড্ অব্ পটাস । (or Cyanide of Potass.)
- ৩। কুপ্রম্ মেট্ । (Cuprum Met)
- ৪। কুপ্রম্ আস । (Cuprum Ars)
- ৫। সিকেলি ও আর্গটিন্ । (Secale Corn or its active
principle Ergotine)
- ৬। আর্সেনিক আন্ডা (সেকোবিষ) (Arsenic alb)

কপূর চূর্ণ বা টিংচার—(Spirit Camphor or Camphor-Trituration) আগেই বলিয়াছি প্রথম হইতে আফ্রিক বা অবসাদক ওলাউঠা এদেশে বড় কম; কিন্তু একেবারে হয় না—তা নয়। রোগী দেখিতে আসিয়া সেইটী আগে লক্ষ্য করিয়া দেখিবে—যে গোড়া হইতে সেই আদত আফ্রিক ওলাউঠা কি না? যদি তাই হয়, তাহা হইলে উপরিউক্ত ঔষধের মধ্য হইতে লক্ষণানুযায়িক ঔষধ বাছিয়া দিবে। স্ববণ থাকে, এই বকম ওলাউঠায় প্রথম বাহ্যে বমি বড় হয় না।

একটা কথা আরো বলিয়া রাখি—ওলাউঠার নাম শুনিয়া কোন্ রকমেব ওলাউঠা না বুঝিয়া ও লক্ষণ নির্কচন না করিয়া অমনি ক্যাম্ফর দিয়া বসিও না। অনেক বোগী দেখিতে গিয়া শুনিয়াছি যে ক্যাম্ফর আগেই দেওয়া হইয়াছে। গৃহস্থ ডাক্তার আসিবার আগেই অনেকস্থলে নিজেই ক্যাম্ফর দিয়া থাকেন। গৃহস্থের ইহাতে বড় দোষ নাই। একটা চলিত বিশ্বাস হইয়াছে যে ওলাউঠার প্রথম অবস্থায় কণিণিব ক্যাম্ফর (“কপূর চূর্ণ বা টিংচার”) প্রকৃত মহৌষধ ও প্রকৃত হোমিওপ্যাথিক ঔষধ। এ বিশ্বাস হইবার কারণও যে নাই তাহা নহে; হানিয়ান যখন এই ক্যাম্ফর ওলাউঠার ঔষধ বলিয়া নির্দেশ করিলেন তখন প্রথম প্রথম ইহার ব্যবহার তত প্রচলিত হইল না। কিন্তু কিছুদিন পবে যখন নেপেলসেব (Naples) ডাঃ রুবিনী (Dr. Rubini) সাহেব ইহা ব্যবহারে শত শত রোগীর (একটির ও মৃত্যু না হইয়া) সকল গুলিকে আরোগ্য করিয়া—সেই আরোগ্য-ফল প্রচার করিলেন—তখন লোকে মোহিত হইয়া ক্যাম্ফরই কলেরার বা ওলাউঠার একমাত্র ঔষধ জানিয়া রুবিনী সাহেবের কথামত ওলাউঠার সর্বাবস্থায় তাঁহার প্রস্তুত “স্টাটুরেটেড টিংচার” (অর্থাৎ সমভাগ স্পিরিটে সমভাগ

কর্পূর ভিজাইয়া প্রস্তুত) ব্যবহার আরম্ভ করিলেন । সেই পর্য্যন্ত কর্পূরের আরক কবিনী সাহেবের নামে অভিহিত হইতেছে অর্থাৎ (Rubini's Saturated Spirit of Camphor) নামে বিখ্যাত হইয়াছে । তাহার পর অনেক এপিডেমিকে ব্যবহার করিয়া ইহাতে বিশেষ ফলও পাওয়া গিয়াছে । ক্রমে সেই জন্ত প্রথম অবস্থার ইহা খুব ভাল ঔষধ বলিয়া বিখ্যাত হইয়া পড়িয়াছে ।—

হোমিওপ্যাথি-মতে এক ঔষধ সর্বাবস্থায় বা কোন বিশেষ অবস্থায় একমাত্র ঔষধ হইতে পারে না । কবিনীর সময় হোমিওপ্যাথিক-চিকিৎসার প্রথম অবস্থা—তা ছাড়া কবিনী সাহেব, যে সকল ওলাউঠায় ক্যাম্ফর ব্যবহার করিয়া ইহার অমোঘ ক্ষমতা প্রচার করিয়াছিলেন—সম্ভবতঃ সে গুলি আক্সেপিক রকমের (Spasmodic variety) ওলাউঠার আক্রমণাবস্থা বা সমুদ্রজ্বর অবস্থার রোগ—এবং সেই জন্তই এই অসামান্য উপকার হইয়াছিল । তোমরাও যখন লক্ষণ গুলি পৃথক করিয়া এবং বেশ বুঝিয়া ক্যাম্ফর প্রয়োগ করিবে, কবিনী সাহেবের মত উপকার পাইবে । ভারতে হোমিওপ্যাথি চিকিৎসার গুরু রাজেন্দ্র-বাবু, জগদ্বিখ্যাত বৈজ্ঞানিক মহেন্দ্রলাল সরকার ও হেরিং-সদৃশ নিপুণ-চিকিৎসক বেহারিলাল ভাদুরী প্রভৃতি ও কাশীতে আমরা নিজে ও বন্ধুর লোকনাথ বাবু অগ্রে ক্যাম্ফর তাৎ মাত্রা দিয়া ওলাউঠার চিকিৎসা পূর্বে পূর্বে আরম্ভ করিতাম । ডাঃ সরকার স্বপ্রণীত ওলাউঠা পুস্তকে (Treatment of cholera, by M. L. Sirkar M. D.) এইমত প্রকাশ পর্য্যন্ত করিয়াছিলেন । আগাদের এই ভুল মতেব সংশোধক—যে ঘাট বলুন আর কেহই নহেন—ডাঃ লিওপোল্ড মালজার । ইহার প্রণীত কলেরা

চিকিৎসার পুস্তক—কলেরা চিকিৎসায় যুগান্তর উপস্থিত করিয়াছে বেরিণী সাহেব কলিকাতা ত্যাগ করিয়া চলিয়া যাইবার পর ডাঃ মালজার কলিকাতায় আসেন। প্রথম প্রথম তিনিও আমাদের এই ভুল মতে ক্যাম্ফর ব্যবহারের বিরুদ্ধে, কোন মতে প্রকাশ করেন নাই। কেন ক্যাম্ফরের এই ভুল প্রচলন ছিল, বুঝিলে। এখন তাহার লক্ষণ সমষ্টি মিলাইয়া ব্যবহার করিও—কলেরা বা কলেরা এপিডেমিকের সময়—ভেদ বমির বা ভেদের নাম শুনিয়াই ক্যাম্ফর দিও না—ক্যাম্ফর দিবার অগ্রে বক্ষঃপরীক্ষা করিয়া বুঝিবে যে বক্ষঃশক্তি খুব জোরে জোরে হইতেছে—সুতরাং আক্ষেপিক কলেরা।

কর্পূরের বা ক্যাম্ফরের প্রধান লক্ষণ হঠাৎ রোগ আক্রমণ ও সেই সঙ্গে শীত, গা ঠাণ্ডা এবং নীল, কিন্তু গাত্রে কাপড় রাখিতে চায় না; নিশ্বাস লইতে বা ফেলিতে কষ্ট। স্বরণ রাখিও—হৃৎপিণ্ড কম জোর হইয়া নিশ্বাসের কষ্ট হইলে কর্পূরে কোন উপকার

হইবে না। (অবসাদক ওলাউঠায় হৃৎপিণ্ড দুর্বল হয়, সেজন্য এন্টিগট্টা, একোন, ভিরেট্রুম ইঃ)। এই আক্ষেপিক রকমের (Spasmodic Variety) ওলাউঠার প্রথম অবস্থায় বাস্তবিকই ইহা বিশেষ উপকারী। হানিমান স্বয়ং নিম্নলিখিত লক্ষণে ব্যবহার করিতে উপদেশ দিয়াছেন। হঠাৎ ও শীঘ্র শীঘ্র অতিশয় বলক্ষয়—এমন কি রোগী দাঁড়াইতে অক্ষম, মুখশ্রীর পরিবর্তন, চক্ষু ব'সা, মুখ ঈষৎ নীলবর্ণ বিশিষ্ট ও বরফ সদৃশ শীতল, সমস্ত শরীর ঠাণ্ডা, নৈরাশ্র, উদ্বেগ ও শ্বাসবদ্ধ হইবার উপক্রম, আচ্ছন্নতা, অজ্ঞানভাব, গোঙানি, পাকশায়ে ও গলনলীতে জ্বালা, পায়ের ডিমে খিল ধরার ক্রায় বেদনা, এবং সেই স্থান টিপিলে বা স্পর্শ করিলে পেটের উপরিভাগে

বেদনা বোধ, তৃষ্ণা, বমনেচ্ছা, প্রস্রাব বন্ধ বা ক্লান্ত অল্প হওয়া । ভেদ বমি আরম্ভের অগ্রেই বা ২১ বার ভেদ হইয়াই এই সকল লক্ষণ আসিয়া পড়িলেও ভেদ, জলবৎ চাল ধোয়ানির ত্রায় বা পাতলা অথচ রঙ আছে ।

ক্যাম্ফরের মাত্রা ২—৫ ফোটা অল্প চিনির (Sugar of Milk) সহিত অর্দ্ধ ঘণ্টা হইতে ১ ঘণ্টা অন্তর—উপরিউক্ত লক্ষণ সকল ভীষণভাবে, অতি শীঘ্র আসিয়া পড়িলে আরো নিকট নিকট অর্থাৎ ১৫ মিনিট অন্তর ব্যবস্থা করিতে পার ; কিন্তু ইহার ৪৫ মাত্রায় কোন উপকার না হইলে আর ইহা দিবে না । যদি উপকার আরম্ভ হয়, সকল হোমিওপ্যাথিক ঔষধ প্রয়োগের ত্রায় বিলম্বে বিলম্বে অর্থাৎ অধিক সময়ের ব্যবধানে ইহা সেবন করাইবে । ক্যাম্ফর সেবনের পর গা গরম হইলে বা ঘর্ম্ম অল্প অল্প আরম্ভ হইলে উপকার আরম্ভ হইয়াছে মনে করিবে ও অল্পমাত্রায় ও বিলম্বে বিলম্বে ব্যবহার করিবে ; তাহা না করিলে মস্তিষ্কে অতি ক্লেশকর রক্তাধিক্য হইবার সম্ভাবনা । ওলাউঠার পর বিকারেও এই সকল লক্ষণ থাকিলে ইহা বিশেষ উপকারী । কারণ মূত্রাভাব-জনিত-বিকারের (Uraemia) লক্ষণের সহিত ইহার সঙ্গ আছে ।

সাল্ফার সাহেব আমাকে বলিয়াছিলেন তিনি নিজে (Camphor) কপূর জ্বল শরীরে, লক্ষণ বিকাশের নিমিত্ত খাওয়ায় (for proving) তাঁহার কাল রঙের (Black Colored and involuntary) অসাড়ো বাহে হইয়াছিল । কপূর সেবনানন্তর উপসর্গ (Aggravation) হইলে ২৩ মাত্রা ফস্ফোরস্ ৬ (Phosphorus 6) সেবনে সব উপদ্রব যায় ।

হাইড্রোসিয়ানিক এসিড—(Hydrocyanic Acid) হঠাৎ রোগের আক্রমণ, দেখিতে দেখিতে রোগ খুব বাড়িয়া পড়া— এমন কি আসন্নকাল নিকট হইয়া পড়ে, জলপানে গুল্ম হইতে নীচে নামিবার সময় গড়, গড়, শব্দ হওয়া, পেটে বেদনা, বুকটা ঘেঁষ চাপা রহিয়াছে, সেইজন্য আস্তে আস্তে খুব টেনে টেনে ফুস্ফুসকে পূরণ করিয়া তবে শ্বাস গ্রহণ করে আর ফেলিবার সময় ঘেঁষ আটকাইয়া যায়। একটা চলিত বিশ্বাস যে ওলাউঠার পতনাবস্থায় শেষ অবস্থায় হাইড্রোসিয়ানিক এসিড ভাল ঔষধ—গোড়াগুড়ি আক্কেপিক রকমের ওলাউঠার [যাহা এদেশে কম] প্রথম অবস্থায় ইহা বিশেষ ফলপ্রদ। প্রথম অবস্থা হইতে নাড়ী ঘেঁষ দমে যায়, গাত্রে শীতল চট্‌চটে ঘাম, অসাড় হাঙ্গ—বাহ্যের রং পাতলা সবুজ আয়ের ন্যায়, দৃষ্টি স্থির, চুপ করে পড়ে থাকা, অথচ একদৃষ্টে চেয়ে থাকে, আর চক্ষু-তারকা প্রসারিত, হিমাপ্র, প্রস্রাব বন্ধ, ভয়ানক পিপাসা, জল গিলিতে কষ্টবোধ, ও ওলাউঠার পতনাবস্থায় যখন নাড়ী নাই, বাহ্যে বমি বন্ধ—নিশ্বাস টেনে টেনে খাবি খাবার মত ফেলচে, ধনুষ্করের খেঁচুনির ন্যায় অল্প অল্প খেঁচুনি হচ্ছে, বরফের ন্যায় গা ঠাণ্ডা, চোখে জল পড়া ইত্যাদি লক্ষণ দেখা দেয়, তখনও ইহা উপকারী।

অনেকে বলেন হাইড্রোসিয়ানিক এসিডের গুণ বড় অল্পক্ষণ স্থায়ী ; ঔষধ দিবামাত্র উপকার হইল অর্থাৎ নাড়ী আসিল, অল্পক্ষণের পর আবার ছাড়িয়া গেল, আবার ঔষধ পড়িল সেবার নাড়ী অল্প আসিল বা আসিল না। এইজন্য হাইড্রোসিয়ানিকে উপকার পাকা না হইলে একেবারে হাইড্রোসিয়ানিক এসিডের বদলে সিয়ানাইড

অব পটাসিয়ম্ (Cyanide of potassium) * ব্যবস্থা । আমরা হাইড্রোসিয়ানিকের পর অর্থাৎ উহাতে ঐরূপ স্থায়ী-উপকার না হওয়ার পর সিয়ানাইডে বিশেষ উপকার অনেক রোগীতে পাইয়াছি । ক্যাম্ফর ও হাইড্রোসিয়ানিক এসিড এই দুই ঔষধেই—শীত, গা ঠাণ্ডা ও নীল রঙ হয় । দুই ঔষধেই বম্বুষ্ঠাকারের মত খেঁচুনি আছে তবে অনেক পরীক্ষায় ক্যাম্ফরেও ফল পাওয়া গিয়াছে বলিয়া আমরা ক্যাম্ফরই আগে দিতে বলি ; কিন্তু জলপানে যদি ঐ গড় গড় শব্দ আর নিশ্বাসের ঐ লক্ষণটি থাকে তবে তৎক্ষণাৎ হাইড্রোসিয়ানিক এসিডই (Hydrocyanic acid) দিবে ।

আর্সেনিক—(Arsenic) ইহার প্রধান লক্ষণ ছটকটানি ও অস্থিরতা—অস্থিরতা না থাকিলে আর্সেনিকের নামও মনে আনিবে না এখনই যে ভাবে থাকিলে ভাল লাগে, পরক্ষণেই তাহা ভাল লাগে না—পিপাসা প্রবল—কিন্তু অল্প অল্প করিয়া বার বার জল খায়—বাহে, বমি, গাত্রদাহ, সকল কুলক্ষণ গুলিই জলখাবার পর বাড়ে—আর একটি বিশেষ লক্ষণ—পেটে জ্বালা । ভেদ জলের ন্যায় কিন্তু বড়ই দুগন্ধ—খাঁসুটে গন্ধ । আক্ষিপিক রকমের রোগের প্রথম অবস্থায় ঐরূপ ভেদ থাকিলে—

* হাইড্রোসিয়ানিক এসিডের ক্ষারের নাম সিয়ানাইড অব পটাসিয়ম । কোন ঔষধে উপকার না হইলে সেই ঔষধের ক্ষারে অধিকতর উপকার সময় সময় রোগ বিশেষে হয় । যেমন দেখিয়াছি যে, আর্সেনিক বা ফস্ফরসে—উপকার হইল না, কিন্তু উহাদের ক্ষার Kali arsenic বা আর্সেনেট অব পটাস ও Kali Phos বা ফস্ফেট অব পটাসে উপকার হইয়াছে । ক্ষাবের ইংরাজী নাম পটাস্ এবং ডাক্তারি নাম Kali ক্যালি । সিয়ানাইড অব পটাসিয়মের ডাক্তারি নাম (Kali cyanide) ক্যালি সিয়ানাইড ।

রোগী ম্যালেরিয়া জ্বরে ভোগা হইলে—বোগীর সময়ে সময়ে পেটে জ্বালা হইয়া অসুখ হইলে, কিম্বা রোগীর শ্বাসশূল বা অন্য কোন শ্বাসর পীড়া ম্যালেরিয়া জ্বরের পর জন্মিয়া তখন পর্য্যন্তও থাকিলে আর্সেনিক দেওয়াই উচিত। রোগী একক খাবিতে চায় না ও বাঁচিবে না বলিয়া ভয় করে।

মল-মূত্র পচিয়া বা কোন জন্তু মরিয়া পরে পচিয়া—যদি সেখানে ওলাউঠা হয় একরূপ ক্ষেত্রে আর্সেনিকেই ভাল। এই আর্সেনিক রকমের রোগের প্রথম অবস্থায় যদি বাহ্যে একরূপ দুর্গন্ধময় হয় ও দুর্ভিক্ষের পর ওলাউঠা যদি মহামারী (Epidemic) রূপে হয় এবং জ্বরে ওলাউঠার লক্ষণ প্রকাশ পাইলে আর্সেনিকেই উপকার হওয়া সম্ভব।

কুপ্রম—(Cuprum Met) পেটে বেদনা হঠাৎ উপস্থিত হইয়া হঠাৎ চলিয়া যাওয়া আর খোঁচুনি, হাত পায়ে আঙ্গুলে প্রথম হইতেই আরম্ভ হয়, পরে যে সকল মাংসপেশীতে ইচ্ছা করিলে জোর দেওয়া যায় সেগুলি আক্রমণ করে, ও মুখ নীল রঙ হয়; বুকের নীচে চাপিলে খোঁচুনি বাড়ে—খোঁচুনি যেখানে ধরে, সেখানটা জোরে টানিয়া ঠিক করিয়া দিতে হয়—হাতে ধরিলে হাত মুঠা হইয়া যায় (সিকেলীর উন্টা অর্থাৎ পশ্চাতে বাঁকিয়া যায়)। যে নলী দিয়া খাবার জিনিশ পেটে যায় তাহা সঙ্কুচিত হইয়া রোগীর আওয়াজ বন্ধ করিয়া ফেলে; নাড়ী প্রথম হইতেই দুর্বল ও মাঝে মাঝে ২১টি স্পন্দন পাওয়া যায় না। (Intermittent pulse) রোগী খাবার জিনিশ ও জল গরম ভালবাসে। (হাইড্রোসীয়ানিক এসিডের ন্যায় জল গলা হইতে নীচে আঁসবার সময় গড়্ গড়্ করে)।

• কুপ্রম-আর্সেনিকম্—(Cuprum-Arsenicum) আর্সেনিকের সকল লক্ষণ ও কুপ্রমের সকল লক্ষণ বা ইহার কতকগুলি ও উহার কতকগুলি লক্ষণ থাকিলে দুইটী ঔষধ—অর্থাৎ কুপ্রম ও আর্সেনিক —পাণ্টোপাণ্টি না দিয়া কুপ্রম-আর্স দিবে। ইহা মালজাব সাহেবেব মত। মালজাব সাহেবেব এই মতে যেন দুইটী ঔষধ পাণ্টোপাণ্টি দিবার অপেক্ষা একটাতেই অধিকতর উপকার হয়। (কুপ্রমের বাহ্যে বমি খুব বেশী, তবে বাহ্যে অপেক্ষা বমি বেশী ।)

সিকেলী-কর্ণি উটম্—(Secale-Corn) খেঁচুনি ধরিয়া অঙ্গুলী সটান ফাক্ ফাক্ থাকে বা পিছন দিকে বাঁকিয়া যায়। (কিউপ্রমে উহার বিপরীত—মুঠা বাঁধে) গাত্রদাহ খুব—গায় তাপ লাগাইতে চাহে না ও কাপড় পর্যন্ত রাখিতে চায় না—(আর্সেনিকে চায়) গা ঠাণ্ডা ও নীল এবং চামড়া চুপ্‌ষে যাওয়ার মত দেখায়। জলপানের পরই বমি—প্রস্রাব বন্ধ, পিপাসা খুব, ভেদ একেবারে চাল-ধোয়া জলের মত। যে সকল স্ত্রীলোকের ঋতু-কাল শেষ হইয়া একেবারে বন্ধ হইয়া গিয়াছে (in Menopause) বা ওলাউঠা পীড়া কালে ঋতু দেখা দিয়াছে তাহাদের পক্ষে এবং ৫০।৬০ বৎসর বয়স্ক পুরুষের পক্ষে—ইহা অধিক উপকারী। সিকেলির লক্ষণ বর্তমানে উহাতে উপকার না হইলে সিকেলী ত্যাগ না করিয়া উহার তীক্ষ্ণ-সারাংশ (active principle Ergotine 3x or 6x) আর্গটিন্ ট্রাইটুরেশন ৩x বা ৬x দিবে।

ভেরেট্রম—(Veratrum) অবসাদক রকমের ঔষধ বটে, কিন্তু হৃৎপিণ্ডের দুর্বলতা দেখা দিলেই (যখন আফ্রিক কলেরা অবসাদক কলেরায় পরিণত হইতেছে বা হইয়াছে) বাহ্যের লক্ষণ মিলা-

হা ভেরেট্রুম দিবে। (লক্ষণ—অবসাদক রকমের ওলাউঠার চিকিৎসা দেখ।)

অবসাদক রকমের ওলাউঠার প্রধান ঔষধ ও চিকিৎসা।

- | | |
|--------------------------|---------------------|
| ১। এন্টিম্-টার্ট। | (Antim-Tart) |
| ২। ভেরেট্রুম-আল্বম্। | (Veratrum-Album) |
| ৩। একোনাইট্ বা মিঠা বিষ। | (Aconite-Nap) |
| ৪। অর্জেন্টম্-নাইট্রাস। | (Argentum-Nitras) |
| ৫। আর্সেনিক-আল্ব। | (Arsenic Alb) |

ভেরেট্রুম—(Veratrum) কপালে ঠাণ্ডা ঘাম বিশেষতঃ বাহ্যে
ও বমির সময় ও নড়িলে চড়িলে। ভেদ—পারমাণে খুব অধিক। পিপা-
 সাথ—খুব ঠাণ্ডা জল বা টক্ জল (acidulated water) খাইবার ইচ্ছা;
 একটু নড়িলে চড়িলেই বমি; বমি ও ভেদেব পর ভয়ানক দুর্বল বোধ—
 আব বোধ হয় যেন পেট খালি হইল। পেটে ঠাণ্ডা বোধ; (আর্সেনিকে
 পেটে জ্বালা) ভেদেব পূর্বে বেদনা; মনে হয় যেন নাভির কাছটা কাটিয়া
 ফেলিল; পেটে বেদনা প্রায়ই ভেদের পূর্বে; ভেদ চালধোয়া জলের
 মত (আর্সেনিকে কুসড়া পচার মত) বা দীর্ঘ সবুজ রঙের—ভেদে
বিশেষ গন্ধ নাই, (আর্সেনিকের ভেদে ভয়ানক গন্ধ) ভেদে যেন কি
 ভাসিভেছে বোধ হয়। হাতের তলা চূপ্ মে বাওয়া, হৃৎপিণ্ড দুর্বল,
 (বক্ষঃপরাফা করিয়া দেখিবে আর্সেনিকে তত নয়) নাড়ী দুর্বল, বা
 নাড়ী নাই, দুর্বলের একশেষ, সমস্ত শরীর যেন অবশ, কিন্তু মনের
 স্ফূর্তি যত কম উচিত, তত কম না—খোঁচুনি নাই যে তা নয়, তবে

কুপ্ৰাণ ও সিকেলী অপেক্ষা কম ; ছটফটানি থাকে (ভবে আসেনিকের অপেক্ষা কম ও এন্টিম টার্টের অপেক্ষা বেশী।) পিপাসা খুব বেশী—ঘটী ঘটী জল খায়। (আসেনিকে পৰিমাণে অল্প অল্প জল খায়, কিন্তু ভেবেট্রুমের অপেক্ষা শীঘ্র শীঘ্র।)

টার্টার এন্মেটিক—(Antim-Tart) পেটে খুব বেদনা, খুব পিপাসা, খুব কষ্টে বমি হয়, বাম্বর সময় কপালে ঘাম (ভেবেট্রুমের মত ঠাণ্ডা ঘাম নহে) হাত কাঁপা, ও মোহ, হৃৎপিণ্ড ক্রমে অবশ হইয়া আসে। (ভেবেট্রুমে কেবল হৃৎপিণ্ডে দুৰ্বলতা হয়) রোগী অধোর ও আদ্য যুগন্তের মত পড়িয়া থাকে—তাঁহাতে উদ্বিগ্ন কিছুমাত্র নাই এবং অস্থিরতাও নাই। এই লক্ষণ আসেনিকেব সম্পূর্ণ বিপরীত। ভেবেট্রুমের ন্যায় অনেক লক্ষণ এই ঔষধে থাকিলেও এইটী দেখিয়া প্রভেদ করিবে—যথা—ভেবেট্রুমে এত অবসাদক অবস্থা (paralytic Condition) নাই। বসন্তের মহামারীর সময় বা বসন্তে ভগিবার পর ওলাউঠা হইলে আন্টিম-টার্ট বড়ই উপকারী।

একোনাইট—(Aconite) বোগের স্রুতেই—একোনাইট দিলে রোগ শীঘ্রই থামিয়া যায়। (হহাতে রোগ না থাকিলে ভেবেট্রুম (Veratrum) টার্টার এন্মেটিক (Antim Tart) লক্ষণানুযায়িক দিবে।) ইহার প্রধান লক্ষণ—অস্থিরতা, নাড়ী একটু বেগ সম্পন্ন, গায়ের চামড়া শুষ্ক, খসখসে, পেটে একটা ভয়ানক বেদনা আর সেইজন্য অস্থি-বতা, কাতরতা ও মধো মধো শীত বোধ, এমন কি কাঁপুনি, আবার একবার গরম একবার শীতবোধ। অত্যাধিতে (Inflammation) প্রদাহ জনিত বেদনা ও টাটানি। ভেদ—অল্প হরিদ্রা বর্ণের কখন সবুজ বর্ণের, কখন, গল ও আগযুক্ত, কখন কুমড়া পচানার মত ও রক্ত

সংযুক্ত। এই ঔষধের মাত্রার টিংচার বা ১x ডাইলুশনে যত উপকার হয় অল্প ডাইলুশনে বা ক্রমে তত হয় না। একোনাইটের ঐ সকল বিশেষ লক্ষণ, পূর্ণ বা আংশিক ভাবে থাকিয়া কেবল রক্ত বাহ্যে হইলেও একো-নাইটই ব্যবস্থা। একোনাইটে প্রায় রক্ত বন্ধ হয়—যদি না হয়, মার্কিউরিয়স্ করোসাইভস্ দিলেই বন্ধ হইয়া যায়। একোনাইট ৩৪ মাত্রা সেবনে বোগী আবোগা হইয়া সম্পূর্ণ স্থগ্ন হয়; প্রায় দুই মাত্রা সেবনের পর অধিকাংশ রোগী নিদ্রিত হইয়া পড়ে।

আর্সেনিক—(Arsenic) (আর্সেনিক রক্তের ওলাউঠার চিকিৎসায় লক্ষণ দেখ।)

কুপ্রম—সিকেলী—কুপ্রম আস—(Cuprum—Secale—Cupr-Ars) অবসাদক ওলাউঠায় প্রায় খেঁচুনির জন্ম অল্প ঔষধের সহিত লক্ষণানুযায়িক পর্যায়ক্রমে ব্যবহৃত হয়। কিন্তু অল্প ঔষধের লক্ষণের সহিত রোগীর অবস্থা না মিলিলে কিউপ্রম কিংবা সিকেলী এই দুইটির যেটির লক্ষণের সহিত অধিক মিলিবে, সেইটি দিলেই খেঁচুনি আরাম হইবার সম্ভাবনা। কুপ্রমে স্থংপিও আশ্তে আশ্তে অবশ হইয়া আসে ও সেই সঙ্গে খেঁচুনি। কুপ্রমের ও সিকেলীর খিলধরার স্বকম স্মরণ করিয়া বুঝিবে কোনটি দিতে হইবে। আর কুপ্রমের খিলধরা ও আর্সেনিকের ছটফটানি, পিপাসা ও নাড়ীর গোলমাল থাকিলে কুপ্রম-আস। কুপ্রম-আস অন্য ঔষধের সহিত পালাক্রমে ব্যবহার করিও না।

আর্জেন্টাম-নাইট্রাস—(Argentum Nitras) জলপানের পরই অমনি ভেদ—জল পান করিবা মাত্র সেই জলই যেন নামিয়া বাহির হইয়া ভেদ হয়। গাত্রদাহ সামান্য, অবসাদ খুব, আর স্থংপিও যেন বসিয়া

যাইতেছে ; ঘন ঘন নিশ্বাস ফেলিবার চেষ্টায় বুকও যেন বসিয়া যাইতেছে ।

মনে থাকে এন্টিম-টার্ট ইহার সর্বাঙ্গোপকারী ঔষধ । ইহার লক্ষণ ও ভেরেট্রিমের সহিত ইহার প্রভেদ বিশদরূপে অগ্রে ও পরে বর্ণিতাবস্থার চিকিৎসায় বর্ণিত হইয়াছে ।

সারক ওলাউঠার চিকিৎসা ।

আগেই বলিয়াছি ওলাউঠার বিষের তেজে কখন কখন প্রথম হইতেই রক্তের জলভাগ দাস্ত ও বমির আকারে বাহির হইয়া যাইতে থাকে— ইহাকেই সারক-ওলাউঠা বলে—ইহার বিবরণ অগ্রেই দেওয়া হইয়াছে ।
এক্ষণে ইহার চিকিৎসা নিয়ে প্রকটিত হইল ।

ইহার প্রধান ঔষধ—রিসিনস্, (Ricinus), জ্যাট্রোফা (Jatropha), ইউফোর্বিয়া (Euphorbia), ইলাটিবিয়স্ (Elaterium); আর্সেনিক (Arsenic), মার্ক-কর (Merc : Corr), অক্সালিক-এসিড্ (Acid Oxalic), ক্যালি-ফস্ (Kali-phos) ও সলফর (Sulphur) ।

রিসিনস্—(Ricinus) রোগ আন্তে আন্তে আরম্ভ হইয়া ক্রমশঃ জাঁকিয়া উঠে, প্রথমটা অল্প অল্প পেটের অন্থ, কয়েক ঘণ্টা বা কিছুদিন চলিতে থাকে ; বেদনা বা খেঁচুনী কিছুই নাই, পরে হঠাৎ খুব দাস্ত বা খুব বমি হইয়া আদত রোগ আরম্ভ হইলেই প্রস্রাব ও মল সঙ্গ্রে বন্ধ হইল—অল্প সল্প খেঁচুনী ও দেখা দিল । ওলাউঠার মারাত্মক সময় চতুর্দিকে আমাশয় হইতে থাকিলে সেই ওলাউঠা ও সেই আমাশয়ে রিসিনস্ বিশেষ উপকারী । রোগ জাঁকিয়া উঠার সঙ্গে রক্ত মিশ্রিত জলের মত বাছে, পেটে বেদনার লেশ নাই (বেদনা থাকিলে

লক্ষণ ভেদে একোনাইটও মার্ক-কর) এরূপ অবস্থায় রিসিনস্ উপকারী।
 গা ঠাণ্ডা হইয়া নাড়ী ডুবিয়া গেলেও রিসিনস্ বিশেষ উপকারী। নাড়ী
না থাকিলেই কার্কো ও আর্সেনিক দিতে হইবে এমন কথা নাই—কিন্তু
তখনও ভেদ ও বমি বেশী থাকিলে রিসিনসই ঔষধ। ওলাউঠার লক্ষণ
 দেখা দিয়া সঙ্গে সঙ্গে জ্বর ও কামলা (Jaundice) যদি দেখা দেয় তাহা
 হইলে ইচ্ছাই একমাত্র ঔষধ।

জ্যাট্রোফা-করকাস—(Jatropha) অল্প অল্প পেটের অসুখ
 থাকিয়া পরে গা বমি বমি ক্রমে বাড়িতে বাড়িতে হঠাৎ খুব অধিক
 বমি হইয়া রোগ দেখা দিলে রিসিনস্ না দিয়া বা দেওয়ার পূর্বে
 ২৩ মাত্রা জ্যাট্রোফা দিবে। উচাব বমি দেখিতে হাঁসেব কাঁচা ডিমের
শাদা ভাগটার মত (albuminous) ও পেট খুব নীচু হইয়াও তাহাতে
জ্বালা, বেদনা এবং বোতল হইতে জল বাহির হইবার মত ভট্‌ভট্‌ শব্দ
বাহ্যে—এক কলসী বাহ্যে যেন স্রোতের ন্যায় নির্গত হয় ও বাহ্যের
সময় ঢক্‌ ঢক্‌ করিয়া পেটে আওয়াজ হইতে থাকিলে অবশ্যই এই
ঔষধটী ৩৪ বার দিবে।

ইউফরবিয়া—(Euphorbia) অল্প পেটের অসুখ থাকিলেও পরে
 গা বমি-বমি না করিয়াই খুব বমি হইয়া রোগ দেখা দিলে রিসিনস্
 দেওয়ার পূর্বে ইহা প্রযোজ্য; ইহাতে পেটে বেদনা নাই। রোগ হইবার
 আগে গায়ের চামড়া লাল হওয়া ও ছোট ছোট জলভরা ফুস্‌ফুড়ীর মত
 গায় বাহির হওয়া। (ক্রোটন টিগ্লিয়মেও এই লক্ষণ আছে, কিন্তু
 ক্রোটনের এই তিনটি লক্ষণ প্রধান—খুব হৃদে রঙের ভেদ—পিচ্-
 কারীর গায় বাহির হওয়া—পানাহারে বমি ও বাহ্যের বৃদ্ধি।)

ইলাটেরিয়াম—(Elaterium) অত্যন্ত পরিশ্রমের পর অর্ধ

স্থানে অবস্থান জন্ত যদ্যপি বোগ হয় । ১০।১৫ মিনিট অন্তর, অল্প মধ্যে অতিশয় কন্কনানি বা হানার জ্বায়া জ্বালা, জলবৎ ভেদ, পরিমাণ খুব অধিক—রঙ হল্‌দে বা সবুজের আভাগুক্ত বা জলবৎ ভেদ—সঙ্গে শাদা শাদা আম, বক্ত মিশ্রিত বা বৃজ্বজে খুণ্ডুর মত পদার্থ ভেদে থাকে ; বমি জলবৎ বা অল্প সবুজ বা হল্‌দে রঙের ; অধিক পরিমাণে বমি ; সদাই গা বমি-বমি । সবিরাম বা পাণাজরের সহিত ঐকপ ভেদ-বমি ও সেই সঙ্গে গা'র চাকা চাকা আঘাতের ন্যায় বাহির হইলে ইহাই একমাত্র ঔষধ ।

আর্সেনিক—(Arsenic) ওলাউঠা হইবার পূর্বে গা'য়েব চামড়ায় দাল চাকা চাকা হওয়া ও খুব চুলকানি (এপিসে ও এই লক্ষণ আছে—এপিসের অন্যান্য লক্ষণ শিশু ওলাউঠা চিকিৎসায় বিবৃত আছে) আর্সেনিকের অস্থিরতা বড় অধিক—এখন যে ভাবে থাকিতে ভাল লাগে, অল্পক্ষণ পরে আব সে ভাব ভাল লাগে না—পিপাসা খুব কিছু জল অল্প অল্প খায়—আর দাস্ত ও বমি এবং অন্যান্য ক্লেশজনক সকল জলপানের পর বৃদ্ধি হয় । পেটে জ্বালা, দাস্তে পচা মাংসের গন্ধ, অতিশয় অবসন্নতা, একক থাকিতে অনিচ্ছা । (আর্সেনিকের লক্ষণের প্রভেদ দেখ ।)

সলফর ও মার্ককর—(Sulphur and Merc : Corr) আক্রমণাবস্থার চিকিৎসায় ঐ দুই ঔষধের লক্ষণ দেখ ।

অক্সালিক-এসিড্—(Acid-oxalic) ভাঙা মলের সহিত ভেদ ; জলবৎ বা কাদার জলের মত ঘোলা ভেদ, পরিমাণ খুব অধিক, অকিরাম ভেদ যেন অনর্গল ঝরিতেছে—নাতির চারিদিকে বেদনা, প্রাতে পীড়ানিক্য—পাকস্থলীতে হাত দিবার যো নাই এত টাটানি । গা'য়ে খিলধরা কিন্তু বমি বড় নাই ।

বিস্মথ—(Bismuth) যদিও শিশুদিগের রোগে অধিক ব্যবহৃত হয়, পূর্ণবয়স্কের পক্ষেও বেশ উপকারী। অজীর্ণ ভেদ, প্রথমে মল হইয়া পরে জলবৎ ভেদ—অতিশয় দুর্গন্ধযুক্ত ও এককালে বেদনা বিহীন ; কিন্তু পেট-ডাকা আছে আর ভেদেব পব অত্যন্ত অবসাদ।^১ পিপাসা খুব— অধিক মাত্রায় জলপান করিলে তৎক্ষণাৎ বমন।^২ জিহ্বা শ্বেত বর্ণের লেপবিশিষ্ট—চক্ষু বসিয়া যাওয়া— অত্যন্ত কাট বমি, পেটটি পূর্ণ হইলেই বমি হয়— কিন্তু কেবল জল উঠে— ভুক্তদ্রব্য উঠে না। পেট ফোলা ; অত্যন্ত দুর্বলতা কিন্তু গা বেশ গরম (ভেরেট্রমে বা এন্টিমটার্টে গা ঠাণ্ডা) এই ঔষধ শিশুদিগের পীড়ায় যত অধিক ব্যবহারের প্রয়োজন—তাহা হয় না। কিন্তু আর্সেনিকের অপব্যবহার খুব হয়।

ক্যালি-ফস—(Kali-phos) হড় হড় করিয়া ভেদ ও বমি হইতেছে—প্রথমে রক্ত থাকিয়া পরে জলবৎ ও ক্রমশঃ চাল ধোয়া জল ও কুমড়া পচার মত ভেদ-বমি ও ভেদের সহিত অতিশয় অবসাদ, ছটফটানি ইত্যাদি। গাত্র ক্রমশঃ ঠাণ্ডা হয়, চক্ষু বসিয়া যায়। (কয়েকটি রোগীতে ভেরেট্রম, এন্টিম টার্ট, জ্যাট্রোফা ইত্যাদি ঔষধে উপকার কিছুমাত্র না হইলে ইহাতে উপকার হইয়াছে) স্মুলারের বাইওকেমিক-চিকিৎসা-মতে ইহা কলেরার অন্ত্যকষ্ট ঔষধ। (যাহারা কলেরা হইলেই এই ঔষধের বহুল ব্যবহার করিয়াছেন তাহারা ইহার বিশেষ সুখ্যাতি করেন।)

• ওলাউঠার অবস্থা ভেদে চিকিৎসা ।

পূর্বেই বলা হইয়াছে আক্ষেপিক ও অবসাদক রকমের ওলাউঠা অপেক্ষা উদরাময়িক রকমের ওলাউঠা এদেশে অধিক । এই উদরাময়িক রকমের ওলাউঠা, উদরাময় রূপে আরম্ভ হইয়া, ক্রমশঃ সারক ও আক্ষেপিক রকমে দাঁড়ায়—কিন্তু পরে অবসাদক রূপেও পরিণত হয় । কখন কখন মিশ্র রকমে (একাধারে আক্ষেপিক ও অবসাদক রকমে) ও বর্দ্ধিত হয় । একথাও বলা হইয়াছে যে, আহারের দোষে, রাত্রি জাগরণে, বা ক্রিমির দোষে, উদরাময় হইয়া পরে আদত আক্ষেপিক ও অবসাদক ওলাউঠার লায় বর্দ্ধিত অবস্থা হইতে পতনাবস্থায়ও উপনীত হয় । ওলাউঠার এপিডেমিকের সময় প্রায় অনেকেরই উদরাময় হয় এবং উহা প্রথমেই বন্ধ করা উচিত—নচেৎ ওলাউঠা প্রচণ্ডভাবে ধারণ করিলেই গোল—কারণ উদরাময়ে ২৩ দিন বা ততোধিক দিন ভুগিয়া শরীর আগে হইতেই দুর্বল হয়, তাহার উপর ওলাউঠার লক্ষণ প্রকাশ পাইলে শীঘ্রই অবসাদ আসিয়া পড়ে ।

মেটিরিয়া মেডিকা বা ঔষধ-গুণ-সংগ্রহই (Materia Medica) হোমিওপ্যাথির মেরুদণ্ড । ঔষধের লক্ষণ অর্থাৎ সুস্থ শরীরে ঔষধ সেবন করিয়া যে সকল লক্ষণ প্রকাশ পায়—যাহাকে ইংরাজীতে (Provings) বলে—তৎসমুদায়ই আমাদের ঔষধের লক্ষণ ও তৎসমুদায়ের সংগ্রহই আমাদের মেটিরিয়া মেডিকা । ঔষধের সেই লক্ষণের সহিত রোগের লক্ষণের সাদৃশ্যই হোমিওপ্যাথিক সিমিলিমম্ (Homœopathic Similimum) এবং তাহার মিল করিয়া ঔষধ প্রয়োগই ঠিক হোমিওপ্যাথিক মতে ঔষধ নির্বাচন ও প্রয়োগ ।

এই জন্ত গেটেরিয়া-মেডিকা রূপে সকল ঔষধের লক্ষণ বর্ণিত হইবে। উদরাময়িক ওলাউঠার প্রথমাবস্থা—যাহাকে আক্রমণাবস্থা অর্থাৎ ওলাউঠার প্রাথমিক-উদরাময় বলা হইয়াছে ও যাহা প্রথমে নিবারণ করিলে আর প্রকৃত ওলাউঠা হইতে পায় না—তাহারই চিকিৎসা প্রথমে লিখিত হইবে। ইহার মধ্যে (Cholericine) কোলেরিন ও শিশু ওলাউঠার (Infantile cholera) লক্ষণ সকলও সন্নিবেশিত থাকিবে। রোগের লক্ষণের সহিত ঔষধের লক্ষণ মিলাইয়া ঔষধ দিতে হইবে।

ওলাউঠার প্রথম বা আক্রমণাবস্থার চিকিৎসা।

বার্বার আবার বলি—বাছে ও বমি—নিজ চক্ষে দেখা উচিত। চা'ল ঘো'য়া জল বা কুমড়া পচার মত হইলে তো আর কথাই নাই—প্রথম হইতে যদি ঐ রূপ বাছে আরম্ভ হয়—সে রোগ দেখিতে দেখিতে ভীষণাকারে বর্দ্ধিতাবস্থা প্রাপ্ত হয়—অর্থাৎ প্রস্রাব বন্ধ, গাত্রদাহ, পিপাসা, ছটফটানি, নাড়ী-দগা, চো'ক মুগ্ ব'সে যাওয়া, ইত্যাদি লক্ষণ দ্বারা প্রকাশিত হয়। এই সকল রোগে আদত ওলাউঠার ঔষধ (True Cholera remedies) দ্বারা চিকিৎসা কর্তব্য। (বর্দ্ধিতাবস্থার চিকিৎসা দেখ।) চিকিৎসক গিয়া দেখিলেন, রোগ জোয়ারের বেগে চলিতেছে আর এক ঘণ্টার মধ্যেই ভীষণাকার ধারণ করিয়াছে—তখন অনেক গোঁড়া ডাক্তার হয়তো—কোন ফল, বা আংস বা স্নাত ও চর্কিযুক্ত খাদ্য আহার করিয়া এই পীড়া হইয়াছে ভাবিয়া সেই রূপ ঔষধের ব্যবস্থা করিতে উদ্যত—আমাদের বিশ্বাস ঐ

ধরনের রোগে ওসব ঔষধের কাজ নহে—উহাতে বৃথা সময় নষ্ট ও পীড়াকে বাড়িবার সুযোগ দেওয়া হয় মাত্র । তবে আমরা চায়নাব গুণ এই প্রকারের রোগে কয়েকবার প্রত্যক্ষ করিয়াছি ; সেই জন্ত বলিয়া রাখি—ভেদে ও বমিতে ভূক্ত-জবা বহির্গত হইলে (চায়নাব অন্ত্র লক্ষণ থাকিলে ত কথাই নাই) চায়না ৩x না দিয়া জন্ত ঔষধ দিবে না । তবে বেদনা-বিহীন বাহে (Painless Stools) হওয়া চাই—ইহা বলিলাম বলিয়া ঐরূপ খাদ্যদোষে ও রাত্রিজাগরণ জনিত এবং অন্ত্র কারণ সমুদ্ভূত রোগে ঐ সকল কারণ ও দোষনাশক ঔষধে উপকার হয় না—তাহা আমরা বলি না—উপকার বিশেষ হয় । তবে কোন্ অবস্থায় হয়—সেটা বিশেষ করিয়া জানা উচিত । আমাদের বিশ্বাস যখন রোগী আদত ওলাউঠার লক্ষণ (True Cholera Symptoms) দ্বারা আক্রান্ত—ঘড়ীকে ঘোড়া ছুটছে—প্রস্রাববদ্ধ—ছটফটানিতে এ পাশ ও পাশ কচে—দে'জল দে'জল কচে—তখন ঐ সকল ঔষধে উপকার হয় না । তবে যখন ভেদের অল্প মাত্রও রঙ আছে, প্রস্রাব হচে, কিম্বা ছবার বা প্রস্রাব হ'লো—ছ বার বা হ'লো না, বাহ্যের সঙ্গে আগে প্রস্রাব হ'য়েছে, শেষটা হলো না, কখন বা ফোঁটা ফোঁটাও হোচে—আর ওলাউঠার সেই সাগর-শোষণী পিপাসা এবং শব্দাকটকী ও ছটফটানি নাই—চোখ মুখ ন'মে, পাংশুবর্ণ বা নীল হ'য়ে যায় নাই । সেই যে অবস্থাটি আক্রমণাবস্থা বলিয়া অভিহিত বা যে অবস্থায় রোগী আরোগ্য হইলে সাধারণ লোকে বলে “হ্যাঁ, হয়েছিল বটে” রোগ, তবে আদত নহে কেবল খাবার অত্যাচারে ও পেট গরমে হয়েছে—অথবা যে অবস্থায় ভেদ বমি খুব হইলেও অতি শীঘ্রই প্রতিক্রিয়া আসে—আর ওলাউঠার পতনাদি অবস্থার বিকাশ পায়

না—সেই অবস্থায় উহা উপকারী। নিম্নে ঐরূপ বোগের কারণ ও তাহাদেব ঔষধ প্রকটিত হইল।

ক্রোধজনিত বোগ—একন্, ব্রাই, ইপিকাক, ক্যামো, নক্স-ভম।

বীষর-মদ সেবন-জনিত—(from Beer)— সল্ফিউর,

মিউরিয়াটিক এসিড, কেলি-বাইক্রম।

স্পিবিট মদ অর্থাৎ ব্র্যাণ্ডি ছইকী ইত্যাদি পানজনিত রোগে—

নক্স ভম।

বঁধাকপি অতিভোজনানন্তর—পেট্রোলিয়ম, ব্রাই।

রাত্রিজাগরণ প্রভৃতি (Night Keeping & debauch—

নক্স-ভম, এন্টিম-ক্রেড্।

ক্যাণ্ডর-অয়েল বা রেড়ীর তেলের জোলাপ লইবাব পর—

ব্রাই, নক্স-ভম।

আলোপ্যাথিক উগ্র ঔষধ সেবনের পর—নক্স-ভম।

অনেক দিন ধবিয়া আলোপ্যাথিক বা কবিরাজী বা টোটকা ঔষধ

সেবনের পর—নক্স-ভম।

প্রাত্যহিক খাদ্যের পবিবর্ত্তে অত্র খাদ্য ভোজনের পর—নক্স-ভম।

হঠাৎ ভীতি জন্য—ইথেরিয়া, জেলস্, ওপিয়ম, ভেরেট্রম্।

তবমুজ অধিক পরিমাণে আহাৰান্তে—জিজিবাৰ।

ফল অধিক পরিমাণে আহাৰান্তে—চায়না, আর্সেনিক।

টকু ফল অধিক পরিমাণে আহাৰান্তে—পডোফাইলম্।

অগ্নি বা সূর্যের উত্তাপে খুব ঘুরিবাব পর—কার্বো ভেজ।

অধিক কুল্পি বরফ খাইবার পর—আর্সেনিক, কার্বো, পল্‌স।

অধিক পরিমাণে গরমমসলাযুক্ত-মাংস—আহারের পর—নক্স-ভম।

হৃত-পক্ জ্বা ও পিঠা প্রভৃতি অতি মাত্রায় আহারের পর—পল্‌স ।
বসন্তের সময় ও অব্যবহিত পর বা উহার মহামারীর সময়—
এন্টিম-টার্ট ।

অধিক মিষ্ট—বিশেষতঃ মিছুরী খাইবাব পর—আজ্জেন্টম-নাইট্রাস ।
গোবীজ-টীকার (Vaccination) সময় ও পরে—সাইনিসিয়া, থুজা ।
অধিক গরম-খাদ্য আহারান্তে—ফস্‌ফরাস ।

আক্রমণাবস্থার ঔষধ সকলের লক্ষণ ।

একোনাইট—(Aconite) গা-বমি-বমিব সহিত ঘর্ম হইয়া ভেদ
আরম্ভ হইলে, ভেদ শ্বেতবর্ণ, মলত্যাগে মলদ্বার গরম বোধ হইলে অর্থাৎ
বোগী মনে কবে যেন গরম জল বহির্গত হইতেছে, আমাশয়যুক্ত
ভেদ, পাকায়ের নিয় দেগে ব্যথা, অসহ্য বেদনা, বাহ্যে হইলেও
বেদনা কমে না পেট যেন টাটিয়ে আছে, নাড়ী বেগপূর্ণ,
জ্বা ও ছটফটানি, আর মধো মধো শীত বা কাপুনি এই কয়েকটি
লক্ষণে একোনাইট অমোঘ । একোনাইটের ঐ লক্ষণগুলি থাকিলে
কখন ৩৪ মাত্রার অধিক দিতে হয় না । এই একোনাইট-কলেরায়
এ পর্যন্ত আমরা একটি বোগীতেও বিফল হই নাই, কিন্তু মাদার
টিংচার বা ১x ডাইলুসন ব্যতীত অন্য ডাইলুসনে কোন ফল হয় না ।
(অবসাদক ওলাউঠাব চিকিৎসা দেখ ।)

ইপিকাক্—(Ipecac) বমন অপেক্ষা বিনমিয়া বা গা-বমি-বমি
ইহার প্রধান লক্ষণ, বমন হইয়াও গা-বমি বমি ধার না, বাহ্যে হইলেও
গা-বমি-বমি করে, ঘাসের গায় সবুজ দণ্ডেব ঘেনা-যুক্ত বাহ্যে, কিম্বা
আমরক্তের সাহিত মল ও দুর্গন্ধ ভেদ, গুরুপাক আহার জন্ত পেটভার,

সব্জ বড় ব্যতীত চন্দে ছেকুড়া ছেকুড়া রঙের ভেদ এবং শিশুনিগের
স্তনপরিভাগ কালোন ভেদসহ চাংকাব ও ছটফটানি ।

নক্স-ভমিকা—(Nux-vomica) বোগোৎপত্তির শূর্বে যদি
অপরিমিত সুরাপান বা রাত্রি জাগরণ করা হয়, অধিক পরিমাণে মাংস-
হার, শুক পাক খাদ্য আহাব এবং খুব ঘৃত ও গরম মশলাপূর্ণ খাদ্যাহাব
করিয়া ভেদ আরম্ভ হইলে ; ভেদ—খুব দুর্গন্ধ, হবিদ্রাবর্ণের বা পিত্তজ-
বর্ণের ভেদ, ভেদ হইয়াও পেটের ভাব ঘোচে না শবীর বড়ই অদম ও
আবল্য-পূর্ণ হইয়া আসে । পেটে টাটান, ভেদের জন্ত বেগ, সময় সময়
বেগ ভাসিয়া ও বাহ্যে হয় না (ineffectual efforts to stool) বাহ্যে
অগ্রে ও সময় বেদনাব আতিশয্য, বাহ্যে চটলে, বেদনার
উপশম ; ভেদ আরম্ভ হইয়া মেজাজ খিটখিটে হওয়া, গা-বমি-বমি
বা বমি । প্রাতে বা দুপুরের আহাবের পর পিত্তহীন ও দুর্গন্ধ ভেদ ।
অন্নগ্রস্ত রোগীর (Dyspeptics) পক্ষে ইহা বিশেষ উপকাৰী ।

পল্‌সাটিল—(Pulsatilla) নক্সভমিকার যেমন খিটখিটে বা
চটা মেজাজ, পলসাটিলার তেমনি নম্র মেজাজ ও সামান্য কষ্টে অভিমান
করা ও কাঁদিয়া ফেলা, (আমবা দেখিয়াছি অনেক রোগী রোগের
অবস্থা বলিতে গিয়া কাঁদিয়া ফেলে, এবং কেবল এই লক্ষণটি
দেখিয়া পলসাটিল দিয়া কত শত বোগী আরোগ্য করিয়াছি ।)
পিঠা, তৈল বা ঘৃত ও দধি প্রভৃতি দ্রব্য বা উহাদের দ্বারা প্রস্তুত
খাদ্য আহারান্তে ভেদ—যাহা খাওয়া হইয়াছে সেই খাদ্যের শব্দ-
সহ ঘন ঘন উদগার, সবুজ হবিদ্রা বা শাদা বঙেব ভেদ, (No two
Stools are alike) দুটী বাহ্যে এক রকম নহে—অর্থাৎ এই একরকম
হ'লো আবার আর এক রকম বা ভিন্ন রঙের হ'লো ।) 'পেট-ফাঁপা,

চোঙা টেঁকুর উঠা, পেট-ডাকা, ও পেট কামড়াইয়া জলবৎ ছেকড়া ছেকড়া ভেদ, পরে আমাশয়যুক্ত—গা শীত শীত বা একবার শীত একবার গরম, জিহ্বা শ্বেতবর্ণ, বোগী গুঠ-মথো গরম বোধ করে ও খোলা জায়গায় ও চাপিয়া আঁচন বোধ করে—অথবা ভয় নাহি—কিন্তু জিহ্বা শুষ্ক, মুখে তিক্তাস্বাদ, মুখে জল উঠা বাত্মিকারোব ভেদ ও হামের পর রোগ আরম্ভ হইলে হহা বিণেয় উপকারী ।

ফস্ফরিক-এসিড—(Acid phos) ওলাউঠান এপিডেমিকের সময় ভেদ ; ভেদের রঙ :— সবুজ, কাল, ছধেন মত শাদা ও ছাইয়ের মত শাদা জলবৎ বা মলপূর্ণ । পেটে বেদনা নাহি—পরিমাণে খুব বেশী কিন্তু যে পরিমাণে ভেদ হয়, সে পরিমাণে দুৰ্বলতা দেখা যায় না—পেটে কল্ কল্ শব্দ, পেট ফাঁপ, জিব্ আটা আটা ।

ফস্ফরস্—(Phosphorus) ভেদ খুব পাতলা, পূর্বাতন উদরায়ণ হইতে ভেদ, পেট ফুলা, পেটের ভিতরে গড়্ গড়্ করা ও বায়ু নড়া চড়া, ভেদে চর্কির বাতির শুঁড়ার মত বা মাব্ব মত দানা ভাসা, জিব শাদা, পিপাসা খুব কিন্তু জল কিছুকাল পেটে থাকিয়া, গরম হ'য়ে বমি হওয়া আর জল খাবার পর হিকা । ফস্ফরিক এসিডে পেটে বেদনা নাহি ; ফস্ফরসে কিন্তু বেদনা আছে ।

চায়না—(China) ভেদে বা বমিতে ভুক্তদ্রব্য নির্গমন, ভেদ বেদনাবিহীন, রঙ হরিদ্রাবর্ণ, পরিমাণ অধিক, ডাঃ হিউজ্ (Dr. Hughes) বলেন বমি না থাকিলে, ভুক্তদ্রব্য-মিশ্রিত অজীর্ণ জলবৎ-ভেদে খুব উপকারী । রাতে বা আহাৰের পরক্ষণ ভেদ ; আহাৰের পর ভেদ ও অজীর্ণের মল—রাত্রি ভিন্ন অন্য সময় হইলেও উপকারী । চায়নার ভেদ

বেদনা-শূন্য। আমরা কিন্তু অল্প বেদনা বা কামড়ানি-সহ ভেদেও উপকার পাইয়াছি। ফল-মূল আহারের পর ভেদ; ডাঃ হিউজ (Dr. Hughes) চায়না ও ভেরেট্রম নিয়মতে ব্যবস্থা করেন। বমি না থাকিলে, চায়না। বমি থাকিলে ভেরেট্রম। ভেরেট্রমের ত্রায় ভেদ ও বমি, কিন্তু ভেদ ও বমিতে খাদ্যদ্রব্য বাহির হইতেছে দেখিয়া ভেরেট্রমে উপকার না হইলে, চায়নায় বিশেষ উপকার হইয়াছে।

ভেরেট্রম—(Veratrum) ভেদ, চালধোয়া জলের ত্রায়; সবুজ অভিযুক্ত পাতলা ভেদ; কলের জলের ত্রায় ভেদ; ঘোলা জলের ত্রায়, তাহাতে শাদা ছিব্ড়ে বা কুমড়া পচার মত ভাসে, ভেদকালে নাভিশূল ও পেটে খুব বেদনা। (সময়ে সময়ে পেটে বেদনা থাকেও না) কপালে ঠাণ্ডা ঘাম আর বমি—বাছে ও বমির পর দৌর্বল্য ও কপালে ঠাণ্ডা ঘর্ম। পিপাসা অত্যন্ত; জল অল্প পরিমাণে পান করিলে তৃপ্তি হয় না, সেই জন্য অধিক পরিমাণে জলপান করে, হাত, পা, মুখ, ঠাণ্ডা হওয়া। (বর্দ্ধিতাবস্থার চিকিৎসায় বিশেষ বর্ণনা দেখ)।

ক্রোটন-টীগ্লিয়ম—(Croton-Tiglium) অল্প পরিমাণে খুব ঘন-ঘন ভেদ, ঘোর হলুদ বর্ণের জলীয় ভেদ, পরিমাণ খুব বেশী আর যেন পিচ্কারীর বেগে ভেদ নির্গত হয়—পানাহার মাত্র ভেদ-বমির বৃদ্ধি; হলুদ বর্ণের বা শাদা ও হরিদ্রা রঙ মিশ্রিত বমন—পানাহার মাত্র বমি কখন বা কাট্ বমি। পেট টিপিলে তলপেট হইতে গুহ্বার পর্য্যন্ত একটা বেদনা।

আইরিস ভাসিকলর—(Iris Versicolor) আমেরিকায় এই ঔষধটির বিশেষ চলন। ভেদ জলীয়, ঘোলা, রক্ত ও আম মিশ্রিত; বর্ণ হরিদ্রা ও সবুজ। অসাড়ে ভেদ, পরিমাণ—অধিক। ভেদে

ভাবের গন্ধের মত গন্ধ । বাহ্যের আগে—পেট ডাকা, তল্‌পেট কাম্‌-
ডান ; বাহ্যের সময়—পেটে বেদনা, বেগ, মলদ্বার জালা ; বাহ্যের পর—
মলদ্বারে মেন আশুপের মায় জলন । পিপাসা, গাত্রদাহ হিমাঙ্গ বা গা-
• গরম ; অত্যন্ত টক বমি—তাহাতে গলা হাজা ও টাটানি ;
(excoriation) গা-বমি বমি, বমি ; গলা ও বুক জালা—গলা হইতে
মলদ্বার পর্য্যন্ত জালা । মাথা ধরা বা মাথা-ব্যথা একটি প্রধান লক্ষণ ।
(বাবু মন্যথনাথ মিত্র—যিনি পশু-চিকিৎসার কলেজে পরীক্ষায় সর্বপ্রধান
হইয়াছিলেন—বাল্যকালে কলেরায় আক্রান্ত হন । রোগীর পিতা যোগেন্দ্র
বাবু ও ২১৩ জন চিকিৎসক চিকিৎসা করেন । ডাঃ ভাট্টা অস্ত্রান্ত
লক্ষণের সহিত মাথা-ব্যথা (headache) দেখিয়া আইরিস-ভাস
দিতেই রোগ আরাম হইল ।

কার্বো-ভেজ—(Carbo-veg) আশুপে বা রৌদ্রের উত্তাপে
খাটয়া রোগ হওয়া ; এই জন্ত পাচক, কৃষক, কর্মকার প্রভৃতির
রোগে উপকারী । ভেদ—রক্তময়, কেবল থান থান বক্ত—এবং পেট
অত্যন্ত ফাঁপ, ঢেকুর বা বায়ু নিঃসরণে—তাহার সামান্য উপকার ।

রিসিনস্—(Ricinus) ডাঃ সাল্‌জারই এই ঔষধ ব্যবহারের
প্রথম উপদেশ দেন । যদিও হেল্‌ সাহেবের নূতন ঔষধাবলী
গ্রন্থে (Hale's New-Remedies) ইহার বর্ণনা আছে, আমরা
কিন্তু সত্য সত্য ইহার ব্যবহার সাল্‌জার সাহেবের নিকট শিক্ষা
করিয়াছি । আমাদের মতে ইহাকে রুবিনীর কাম্‌ফরের মত
সাল্‌জারের রিসিনস্ নাম দিলে ভারতবর্ষীয় হোমিওপ্যাথিক
চিকিৎসক-মণ্ডলী আপনাদের মর্যাদা রক্ষা করিতে পারিতেন ।

• রিসিনসের ভেদ ধীরে ধীরে বাড়ে, অথচ দুর্বলকালী ; পেটে বেদনার

লেশমাত্র নাই। [all along painless] (আমরা কিন্তু সাধুনা
বেদনাসহ আমযুক্ত ভেদে রিসিনস্ দ্বারা উপকার পাইয়াছি।) রোগ
প্রবল বেগে বাড়িবার আগে জলের তায় শোণিত-মিশ্রিত ভেদ।
কোন ঔষধের লক্ষণের সহিত রোগ-লক্ষণ না মিলিলে, ওলিয়ম
রিসিনাই (Ol Ricinii) এক হইতে ৬x ডাইলুসনে আমরা অনেক
রোগী আরোগ্য করিয়াছি। (বর্দ্ধিতাবস্থার চিকিৎসায় রিসিনসের
লক্ষণের বিশেষ বিবরণ দেখ।)

সল্ফর—(Sulphur) এ'টি হোগিওপ্যাথির স্পর্শ মণি, এমন
ক্রত-কার্যকারী ঔষধ আর নাই। যদি লক্ষণগুলি বুঝিয়া ঠিক দেওয়া
যায়, যেন মন্ত্রযোগে রোগ আরোগ্য হয়। রাত্রি দুপ্রহরের পর বা
শেষ রাত্রি হইতে পীড়ার আরম্ভ। ঘুম ভাঙ্গিয়া বাহ্যেব চেষ্টা ও বেগ,
যেন বাহ্যে সামান্য যায় না, ভেদ জলের মত ও হঠাৎ হওয়া—পরিমাণ
বেশী। হাত পা জ্বালা, মাটিতে বা ঠাণ্ডা বিছুতে হাত পা রাখিতে ও
শুইতে ইচ্ছা ও তাহাতে আরাম বোধ। চক্ষু নাসিকা কণ্ঠ হইতে
যেন গরম ভাব নির্গত হইতেছে। এই ঔষধ এক বা দুই মাত্রার
অধিক কখন দিবে না—সল্ফর-কেস্ হইলে ইহাতেই নিশ্চয় উপকার
হইবে।

কল্ চিকম্—(Colchicum) হোগিওপ্যাথিক চিকিৎসক
মাত্রেই আগাশয় ও রক্তমাশয় রোগে ইহা বিশেষ উপকারী বলিয়া
জানেন। কয়েক বৎসর হইল, ডাঃ মালজার সেইবা'রকার কলেরা-
মহামারীর “বিশেষ ঔষধ” (Genus Epidemicus) বলিয়া ইহা নির্দেশ
করেন। উপকার অনেক স্থলে বেশ হইয়াছিল, কারণ কল্ চিকমের অধি-
কাংশ লক্ষণ লইয়াই অনেক রোগ আরম্ভ হইয়াছিল—আমরা দেখিয়া:

জিলাগি । কিন্তু যেই সালজার সাহেবেব প্যাম্ফ্লেট বা পুস্তিকা প্রকাশিত হইল—একটী বা দুইটী রোগী কল্‌চিকমে আরাম হইল কি না, তাহাব ঠিক নাই—বড় বড় চিকিৎসকগণ পর্য্যাপ্ত হানিমানের হোমিওপ্যাথির সারতত্ত্ব—পীড়ার লক্ষণের সাহিত ঔষধের লক্ষণের সাদৃশ্য বা সিমিলিমম্—ভুলিয়া গিয়া কলেরার নাম শুনিয়াই কল্‌চিকম্ ব্যবহার আরম্ভ করিলেন । আমরা এ প্রকার চিকিৎসার ঘোর বিরোধী—আমরা হানিমানের হোমিওপ্যাথির নিয়মে লক্ষণ দেখিব ও মিলাইব ; লক্ষণ সকল যত্নসহকারে মিলাইলেই (picture of Genus Epidemicus) এই “বিশেষ-ঔষধের” ছবিই মনে হইবে । কল্‌চিকমের বিশেষ লক্ষণ সকল—প্রথমে অন্ততঃ ২১বার অল্প পরিমাণে বমন আরম্ভ হইয়া ভেদ পরিমাণে অধিক হইয়া রোগ অতিশয় প্রবল হয়, ইহাতে মল অনেকক্ষণ বর্ণহীন হয় না—কিন্তু পরে বর্ণহীন ও জলবৎ হয়, এবং অসাড়ে মলত্যাগও হয় । ক্রমশঃ বমির পরিমাণ ও বার অধিক হয়—পর্য্যায়ক্রমে ভেদ ও বমি—কখন কখন কষ্টকর কাটবমি হইয়া পরে বমি—আর প্রত্যেক নড়ন চড়নে বমি । পীড়ার বৃদ্ধি (Aggravation) সন্ধ্যা ও রাত্রি—বাতগ্রস্ত লোকের কলেরার পীড়া হইলে এই ঔষধে অধিক উপকার হয় ।

মার্কিউরিয়স্-করোসাইভস্—(Mercurius Corr) ভেদ আরম্ভ হইয়া শেষ রক্ত বা রক্তাভ ভেদ । একোনাইটে পীড়ার অনেক লাঘব হইয়া রক্ত বা রক্তাভ বাহে (একোনাইটেই প্রায় যায়) সম্পূর্ণ না কমিলে মার্ক-কবে জ্বরায় আরোগ্য হয় । যাহাদের বগলের ও কুচ্‌কীর গ্রন্থি-ক্ষীতি প্রায়ই হয় বা যাহাদের থোস পাঁচড়া বড়ই হয় বা যাহাদের গম্বির ব্যারাম (উপদংশ) হইয়া গিয়াছে বা আছে,

তাহাদের পক্ষে ইহা বিশেষ উপকারী। মার্কিউরিয়মে পেটের যান্ত্রিক, বাহ্যের অগ্নে, বাহ্যের সময়, ও বাহ্যের পরে হইয়া থাকে। (নক্সে বাহ্যের পর বেদনা কমে। রিসিনমে রক্তবাহ্যে আছে—কিন্তু পেটে বেদনা এককালে নাই ও রোগ মার্কিউরিয়মের দ্বারা হঠাৎ না হইয়া ক্রমশঃ অধিক হয়।)

এন্টিম-টার্ট—(Antim-Tart) ভেদের পূর্বে পেটে খুব বেদনা, (সময়ে সময়ে বেদনা থাকেও না) পরিমাণ অধিক, রঙ ঘোলা, হৃদে আভাযুক্ত, সবুজের আভাযুক্ত, পরে চাল ধোয়ার মত। রোগাধিক্য রাত্রিকালে। বমি—কিন্তু বমির অপেক্ষা বমনেচ্ছা অধিক; অতি কষ্টদায়ক বমি ও সেই সময় কপালে ঘাম—পিপাসা নাই। কিন্তু গাত্র খুব ঠাণ্ডা; রোগী চুপ করিয়া পড়িয়া থাকে ও ঘুমঘুম ভাব। (এই লক্ষণে ও পিপাসা না থাকায় ইহা ভেরেট্রিমের বিপরীত; নচেৎ ভেদ ও বমন ভেরেট্রিমের মত) বসন্তের এপিডেমিকের সময় বা অব্যবহিত পরে ওলাউঠা হইলে ইহা উপকারী।

ক্যাম্ফর—(Camphor) অগ্নে আক্ষেপিক কলেরার লক্ষণ সমূহ ও হৃৎপিণ্ডের অবস্থা পর্যবেক্ষণ করিয়া ক্যাম্ফর দিতে বলা হইয়াছে কিন্তু একটি কথা—মলপূর্ণ বা খুব জলবৎ ভেদ, কোন অস্ত্রখের ভাব আগে কিছুমাত্র নাই—হঠাৎ ভেদ, নাড়ীর অবস্থা ঠিক আছে অথচ হঠাৎ তিমিষ্ণ—নীতবোধ অথচ গাত্রে কাপড় মছে না—ভয় হতাশ ও নৈরাশ্য ভাব থাকিলে ইহা অমোঘ।

পডোফাইলাম—(Podophyllum) কলেরার নাম শুনি-
লেই চিকিৎসক ও গৃহস্থ না দেখিয়া শুনিয়াই ভেরেট্রিম বা আর্সনিকের ব্যবস্থা করেন। শত শত রোগী প্রথমাবস্থায় পডোফাইলমে নিশ্চয়ই

আমরা যা হইবে—অল্প ঔষধের প্রয়োজন হইবে না । রিসিনসের ঔষ পডোফাটলমের ভেদ, বেদনা-বিহীন—ইহার বাহ্যিক পরিমাণ বড়ই অধিক—এই এক কলসী বাহ্যে হইল, মনে হয়—যেন যাহা পেটে ছিল সব নির্গত হইয়াছে কিন্তু পরক্ষণেই আবার পেট-ভরা ও কোথা হইতে কলসী কলসী ভেদ হইতে লাগিল। ভেদ জলবৎ, বর্ণ অধিকাংশই হল্‌দে, কখন সামান্য হরিদ্রার আভাযুক্ত । ভেদের পূর্বে পেট্‌ গড়্‌ গড়্‌ করিয়া ডাকা, পীড়ার আধিক্য বা বৃদ্ধি (aggravation) প্রাতেই বেশী, শেষ বাত্রিকালেও হয় । গ্রীষ্মকালে ছেলেদের পীড়ায় অধিক উপকারী । ক্রমশঃ অসাড় ভেদ ও বমি—বমি যেন গরম, বমিতে অজীর্ণ খাদ্য, পিত্ত, গৌজলার ঔষ পিত্তাভাযুক্ত পদার্থ মিশ্রিত ও সবুজ বা ঘোলা জলের ঔষ । কাটবমি ও কষ্টকর অক্‌-উঠা । (empty retching and gagging) পেটের ভিতরে যেন কি এক খোলা পড়া ভাব—মনে হয় সব যেন বাহির হইয়া যাইবে । ক্রমশঃ হাতে পায় খিল ধরা, ঘুম-ঘুম ভাব কিন্তু ঘুম হয় না ও ছট্‌ফটানির সহিত অল্পমাত্র ঘুম হইলেও চক্ষু আদ-বুজন্ত, হাই-উঠা ও আড়া গোড়া খাওয়া এবং উহাতে ছট্‌ফটানি ও সংকল কষ্টের লাঘব হওয়া ।

কলোসিন্থ—(Colocynth) ডাঃ বিহারিলাল ভাট্টা কেন বলিয়া গিয়াছেন যে, পূর্ণবয়স্কদিগের ইহাতে উপকার হয় না, তাহা আমরা জানি না—ইহা কি বালক, কি পূর্ণবয়স্ক সকলের পক্ষে সমান উপকারী । ক্রোধ বা বিরক্তি জনিত রোগে, পিত্তময় বা জলবৎ ভেদ—২।৪ বার বমন হইয়া পরে অতিশয় বমনোদ্ভেক ও সঙ্গে সঙ্গে অল্প অল্প নির্গমন, ইহাতে মল পাতলা হইলেও কিন্তু এককালে জলবৎ ও বর্ণবিহীন হয় না এবং স্পষ্ট পিত্তমিশ্রিত থাকে ও মল-

ত্যাগের পূর্বে অসহনীয় শূলবৎ বেদনা—পেটের ব্যথা থাকিয়া থাকিয়া বাড়ে।

উপরিউক্ত ঔষধগুলি ব্যতীত এই অবস্থার চিকিৎসায় আরো অল্পাংশ ঔষধও প্রয়োজন হইতে পারে ; সেগুলি শিশু-কলেরার চিকিৎসা-স্থানে সন্নিবেশিত হইল। তাহারা শিশুকলেরা চিকিৎসায় অধিক উপযোগী ; তবে পূর্ণবয়স্কের রোগ লক্ষণেব সহিত সিমিলিমস্ থাকিলেই তাহাদের পক্ষেও সমান উপকারী। এপিস্, ক্যামোগিলা, রিসম প্রভৃতি ঔষধগুলির লক্ষণ শিশু-কলেরা-অধ্যায়ে দেখিবে।

প্রতি ঔষধের পার্থক্য বুঝাইয়া

ওলাউঠার বর্দ্ধিতাবস্থার চিকিৎসা।

দেখিতে পাই, অনেক চিকিৎসক কলেরা বীতিমত হইয়াছে দেখিলেই—ভেরেট্রুম ও আর্সেনিক ব্যতীত অন্য ঔষধে তত বিশ্বাস করেন না—এই বাধাবাদি বা রুটিন চিকিৎসা (routine-treatment) হোমিওপ্যাথিক চিকিৎসকের নিকট পরিত্যাজ্য। সর্বাগ্রেই বলিয়া রাখি—যদি রোগ রাত্রি ছপরের পর আরম্ভ হয় ও নিতান্ত গাত্র-জ্বালা ও হাত'পা জ্বালার দরুন রোগী মাটিতে হাত'পা রাখিতেছে বা ঠাণ্ডা জিনিস ধরিতে চাহিতেছে বা মাটিতে গড়াগড়ি দিতেছে অথচ ভেদ বমি খুব চলিতেছে তখন অগ্রেই সল্ফর দিবে।

অক্রমণাবস্থা গিয়ে বদ্ধিতাবস্থায় যদি ভেদ—ফেনেব মত হয় আর সেই সঙ্গে সঙ্গে বমি খুব বেশী আর ইপিকাকেব লক্ষণ (Characteristic) গা-বমি-বমি যদি থাকে—তবে ইপিকাক দিবে। বমির আধিক্য যেমন ইপিকাক, তেমনি বমির অপেক্ষা ভেদ অধিক হইলে—ভেরেট্রুম। বমি ও ভেদে বিশেষ তারতম্য না থাকিয়া যদি দুই প্রবল হয়—তাহা হইলেও ভেরেট্রুম। এই অধিক ভেদ—চাল-ধোয়া জল বা পচা কুমড়ার থোপার মত হইলেও ভেরেট্রুম। (এই দুই ঔষধে অধিক সংখ্যক রোগী আবাম হয়।) যদি এই অবস্থায় ভেরেট্রুম ও ইপিকাকে উপকার না হয় আর খাল ধরা না থাকে—অন্য ঔষধ দিবার আগে সলফুর দিবে—কিন্তু ৩০ ক্রমের নীচে নহে। খাল ধরিলেই অনেকে অগ্নি কুপ্রম বা মিকেলি একক বা পর্যায়ক্রমে দিতে আরম্ভ করেন। ইহা নিতান্ত ভুল; ভেরেট্রুমে খেঁচুনি ও খিল-ধরা আছে সুতরাং লক্ষণানুসারে ভেরেট্রুমই দিবে। এই স্থলে ইপিকাক, এন্টিম্ টার্ট, ভেরেট্রুম ও বিস্মথের প্রভেদ বলিব।

ভেরেট্রুমে—পিপাসা প্রবল—মলতাগ কালে কপালে ঠাণ্ডা ঘাম হয় আর বোগা অতিশয় চৌনবল হয়।

এন্টিম-টার্টের অনেক লক্ষণ ভেরেট্রুমেব সহিত মিলে। ভেদ ও বমি প্রায়ই এক প্রকার—তবে এই প্রভেদ যে—এন্টিম-টার্টের কপালে ঘাম হয় কিন্তু (ভেরেট্রুমেব স্থায় ভেদ-সময়ে নহে—বগল-সময়ে) এবং রোগীর বড়ই নিদ্রাবল্য হয়। এন্টিম-টার্টে বগনেচা (nausca) অনববত, সেই সঙ্গে কাট-বমিও থাকে; গা বাম বাম ও কষ্টকর বমি, ও নিদ্রাবল্য-কালে উক হহার বিশেষ লক্ষণ।

ইপিকাকে ও খুব গা-বমি-বমি আছে বটে—কিন্তু রোগী এন্টিমটারের রোগীর স্থায় নিজীব নহে—এইটি আবার বলি—
(ভেরেট্রুম ব'ল ইপিকাক্ ব'ল—অল্লাবস্তর ছটফটানি ও পিপাসা আছে—কিন্তু এন্টিমটারে পিপাসা বড় নাই আর ছটফটানি এককাণেই নাই এবং এত অবসাদ যে কথা বলিতে চাহে না ।)

ভেরেট্রুম ও এন্টিমটারে—ক্রমশঃ গা ঠাণ্ডা হইয়া আসে কিন্তু বিসমথে—ভেদ, বমি, কাটবমি, (painful and Convulsing gagging) ও পিপাসা সবই আছে—তবে পিপাসায় জলপান করিলে জলটুক উঠে, ভুক্ত দ্রব্য উঠে না—(কিন্তু গা ভেরেট্রুমের স্থায় ঠাণ্ডা নহে,) বেশ সহজ, বরং গরম ।

ট্যাবেকম্—উপরের লিখিত ঔষধে যদি ভেদ বন্ধ হইয়া বমির কোন উপকার না হয় অথবা বমি আরো বৃদ্ধি হইতে থাকে, আর সেই সঙ্গে গা'য় ঠাণ্ডা ঘাম হয়, পাকাত্মে কেমন-কি-একটা কষ্ট বোধ করে—পিপাসা একেবারে না থাকে ও হিমাজের সহিত পেট-ফাঁপা থাকে এবং শ্বাস-কষ্ট আরম্ভ হয়, নাড়ী দমিয়া যায় বা নাড়ীর গতি সবিরাগ (intermittent) হয় তাহা হইলে ট্যাবেকম্ দিবে ।

কুপ্রম—হা'তে পা'য় যদি খিল-ধরা দেখা দেয়—অগ্নি ঔষধ বদল করিয়া কুপ্রম বা আসেনিক দিয়া বসিও না । খিল-ধরায়—মনে কর—প্রথমেই কুপ্রম, আসেনিক, প্রভৃতি ঔষধ দেওয়া নিষিদ্ধ । ভেরেট্রমেই খিল ধরার লক্ষণ আছে, সুতরাং ভেরেট্রমেই ভেদ বমির লক্ষণ মিলিলে উহা যাইবে । যদি ভেরেট্রমে খিল-ধরা না কমিয়া, বৃকে

পিঠে ঝরিতে আরম্ভ করে, তাহা হইলে কুপ্রম দিবে—কিন্তু এইটি
বুঝিতে হইবে যে, কেবল কুপ্রম ব্যবহারে যদি ভেদ বা ভেদ বমনের
কোন ফল হইতেছে না, তখন ভেরেট্রম ও কুপ্রম পর্যায়ক্রমে
(alternately) দিবে । খিলখিল কুপ্রম ও সিকেলির প্রভেদ মনে
বাখিতে হইবে । যদি কুপ্রমে উপকার না হয়, অথচ আঙ্গুল খেঁচুনিতে
পঞ্চাৎ দিকে বেঁকিয়া যায়—(কুপ্রমের খেঁচুনিতে হাত মুটা করে)
তখন সিকেলি দিতে হইবে ।

সিকেলি—এই এত দিনের চিকিৎসার অভিজ্ঞতায় বুঝিয়াছি যে,
বমন ও খেঁচুনি অধিক থাকিলে—কুপ্রমে (অবশ্য খেঁচুনিতে হাত মুটা
করিবে) এবং ভেদ ও খেঁচুনি অধিক থাকিলে, (অবশ্য আঙ্গুলগুলি সোজা
হওয়া ও পঞ্চাৎ বেঁকিলে) সিকেলিতে বিশেষ সফল ফ'লুে ।
আর ভেদ, বমি, খেঁচুনি, তিনই অধিক থাকিলে, সেট সজে
তরায় বলক্ষয়, হা'তে চিগ্টি কাটিলে চামড়া যদি খুঁচি গত হ'য়ে
থাকে, তাহা হইলে ভেরেট্রম । অনেক চিকিৎসক দেখি কুপ্রমে
উপকার না হইলে তবে সিকেলি (উভয়ের পার্থক্য না করিয়া) দেন ।
ইহাকেও আমরা রুটিন-চিকিৎসা (routine practice) বলিব ।
সিকেলির লক্ষণ সকল সক্ষোচক-ওলাউঠার চিকিৎসায় বিরূপ হইয়াছে
এখানেও লিখিত হইল । যথা :—

“ভেদ জলের মত ; পরিমাণে খুব বেশী ; পেটে বেদনা নাই, (কুপ্রমে
আছে) হাত পায়ে বিন্‌বিন ধরে, আবার শীঘ্রই ছাড়িয়া যায় ; বুক জালা
ও বকের ভিতর কেমন করে, বোগী বুক গেল—বুক গেল—বলে—
“জীলোকেরা যাহাকে প্রাণ কেমন ক'রা বলে । (এই লক্ষণটী জীলোক-

সিমিলিমম্ ঠিক করিয়া না দিলে—উপকার না হইয়া অনিষ্ট হয়—আমরা
এবিষয়ে পূর্বেই আমাদের সহিত ডাক্তার ব্রজেন্দ্রনাথ বন্দ্যোপাধ্যায়ের
চিকিৎসিত একটি রোগীর উল্লেখ করিয়া এই কুফলের বিষয়
দেখাইয়া দিয়াছি। কিন্তু আমরা দেখিতে পাই—কলেরার নাম শুনিতেই
ভেরেট্রম্ ও আর্সেনিক পর্যায়ক্রমে দেওয়া একটা কেমন রোগ; এমন
কি—ডাঃ সরকার ও তাঁহার কলেরা পুস্তকে ঐরূপে আর্সেনিকের
ব্যবস্থা করিতে উপদেশ দিয়াছেন। বাস্তবিকই আর্সেনিকের বড়ই
অপব্যবহার ওলাউঠা রোগে হইয়া থাকে। আমাদের এই এত দিনের
অভিজ্ঞতায় বুঝিয়াছি যে, যে পর্য্যন্ত বর্দ্ধিতাবস্থায় ভেদ বমি অধিক
পরিমাণে হয়, সে পর্য্যন্ত আর্সেনিক ব্যবহার নিষিদ্ধ। নিশ্চয় জানিও
ইহা ব্যবহার করিলে অল্প উপসর্গ আসিবার সম্ভাবনা। (আর্সেনিকের
লক্ষণ সকল অগ্রে বর্ণিত হইয়াছে দেখ—) একোনাইটেও আর্সেনিকের
অনেক লক্ষণে মেলে—তবে তাহাদের প্রভেদ বুঝ। একোনাইটে মৃত্যু-
ভয় এবং যন্ত্রণা ও কাতরতা-ব্যঞ্জক শব্দের ভাব অধিক আর আর্সেনিকে
অস্থিরতা ও ছটফটানী অধিক। আর্সেনিক ও ভেরেট্রমের পিপাসার
তারতম্য এই যে, ভেরেট্রমে দূরে দূরে ঘটা ঘটা (সময় সময় বন বন
অথচ পরিমাণে অধিক) জল খায়, আর আর্সেনিকে পুনঃ পুনঃ অল্প
অল্প জল খায়। আর্সেনিক ও সিকেলীতে ও অনেক লক্ষণ—মেলে যথা—
আর্সেনিকের গাত্রদাহে—গাত্রবস্ত্র রাখে—আর সিকেলীতে—গাত্রবস্ত্র
অসহ্য চয় বলিয়া, ফেলিয়া দেয়।

এহ বর্দ্ধিতাবস্থায় যদি নাড়ী লোপ হইয়া রোগী হিমাজ হয়—এই
সকল ঔষধ ঐকপ লক্ষণ-ভেদে ব্যবস্থা করিলে নিশ্চয়ই ফল হয়—এমন
কি উহাতেই মৃত্যু পর্য্যন্ত হয়।

প্রতি ঔষধের পার্থক্য বুঝাইয়া পতনাবস্থার চিকিৎসা ।

পতন অবস্থায় অত্যন্ত দৌর্বল্য বাড়ে এবং এই দৌর্বল্য-জনিত মল্ল্য হয় বলিয়াই—ইহার নাম পতনাবস্থা । পতনাবস্থায় প্রায় ভেদ বসি কম পড়ে ।

আসেনিক—এই সময় নাড়ী খুব শীঘ্র যদি দমে, বা বিলুপ্ত হয়, বা স্রুতার মত সৰু হইয়া যায়, কিম্বা সদিরাম গতি, (Intermittent) হয় আর সেই সঙ্গে ঘন ঘন তৃষ্ণা, আর সেই তৃষ্ণায় অল্প জল পানে তৃপ্ত হইলে, জলপান মাত্র সঙ্গে সঙ্গে বমন হইতে থাকিলে, জীবনে হতাশ হইয়া যায় হতাশ—করিলে, একক থাকিতে—রোগী ভীত হটলে, গাত্র ঠাণ্ডা বরফের মত—অথচ বেস ঘাম হইতে থাকিলে—সেই সঙ্গে ভয়ানক অন্তর্দাহ এবং পেটের মধ্যে অসহ্য জ্বলন থাকিলে, (যেন আগুন জলিতেছে)—এবং ছটফটানিতে এগোড় ওগোড় করিতে থাকে—এক দণ্ডের জন্ত স্থির নাই—যদি এই সকল লক্ষণ দেখিতে পাও,— আসেনিক দিবে—হাতে হাতে ফল পাইবে ।

কার্বোভেজ্—কিন্তু যদি দেখ, ইহাতেও উপকার না হইয়া—রোগ বৃদ্ধি পাইয়া পূর্ণপতন (Collapse) আসিয়া পড়ে, ও সেই সঙ্গে নাড়ী এককালে পাওয়া যায় না—এত শক্তিকর ও অবসাদ যে—রোগীর আর পাস্ ফিরিবার সামর্থ্য নাই, খিলধরা ক্ষান্ত পায় বা যদিও থাকে, তাহাও সামান্য ও কেবল উরু অথবা জজ্বা ব্যতীত অন্য স্থানে থাকে না—ভেদ ও বমন বন্ধ বা কম হইয়া রোগী যেন তদ্রূপীভূত হইয়া কখন সজ্ঞান, কখন অজ্ঞান, এইভাবে থাকে, আর নিশ্বাস অতি ধীরে ধীরে ফেলে ও ফেলিতে কষ্টানুভব করে ও পাথার বাতাস খাইতে চাহে ;

অবস্থায় অত্যন্ত যে সকল ঔষধের ব্যবহার হয়, তাহাদিগেরও লক্ষণ সকল প্রভেদ করিয়া দিতেছি সেগুলি কখন বিস্মৃত হইও না। (আমেরিকান ওলাউঠার চিকিৎসায় সবিস্তার লক্ষণ ও প্রভেদ বিবৃত হইয়াছে।)

হাইড্রোসিয়ানিক এসিডে—নিশ্বাস সহজে লইতে পারে ফেলিতে বিষম কষ্ট।

আসেনিকে—ঠিক হাইড্রোসিয়ানিকের বিপরীত। অর্থাৎ নিশ্বাস সহজে ফেলে, কিন্তু লইতে বিষম কষ্ট।

কোব্রা ও ল্যাকেসিস্—আর পতনাবস্থার নিদানকালে কঠাগত শ্বাস হইলে হাঁপের তায় ঘন ঘন শ্বাস বহিতে থাকিলে, আর হৃৎপিণ্ড সহজে বা সবলে স্পন্দিত হইলে কোব্রা বা ল্যাকেসিস্ দিবে। এই দুইটাই সর্পবিষ একটি গোথুরা জাতীয় অপরূপ আমেরিকার ট্রিগুনোপিফিলিস্ জাতীয় (Trigonophalus Lachesis) একটি বিষাক্ত সর্পের বিষ। তবে ল্যাকেসিস্ ও কোব্রার একটি বিশেষ প্রভেদ আছে—কোব্রায় মৃত্যুভয়—আর ল্যাকেসিসে মরণে উৎসাহ।—ল্যাকেসিস্ ও কোব্রার প্রভেদ হইল; আসেনিক ও হাইড্রোসিয়ানিক এসিডের প্রভেদও বলিয়াছি, এক্ষণে লক্ষণ মত ল্যাকেসিস্, আসেনিক বা হাইড্রোসিয়ানিক-এসিডের প্রয়োগে উপকার না হইলে আমরা কোব্রা ব্যবস্থা করি। (ডাঃ চন্দ্রশেখর কালী বলেন তিনি এখানে গোথুরা সাপের বিষ সংগ্রহ করিয়া যে কোব্রা প্রস্তুত করিয়াছেন তাহাতে বিলাতী ও আমেরিকার কোব্রা হইতে অধিক ফল পান—একথা খুব ঠিক জানিবে।) এই ঔষধগুলির সকলেরই ক্রিয়া-শ্বাসযন্ত্রের উপর তাহা গোড়ায় বুঝাইয়া তো দিয়াছি উপরেও একের সহিত অন্নের প্রভেদ বিশদরূপে বুঝাইয়া দিলাম।

আর্জেন্টম্-নাইট্রাস্—তবে এই শ্বাস-কষ্ট স্থলে বুক খুব ক'মে ধরা থাকিলে যেমন কোব্রা ও হাইড্রোসিম্যানিক-এসিড উপকারী তেমনি ক'মে ধরা না থাকিলে অথচ যেন দম্ আটকে থলে “আর্জেন্টম্ নাইট্রাস্” দিয়া বিশেষ ফল পাওয়া যায় । (আফেপিক ওলাউঠার চিকিৎসায় আর্জেন্টম্ নাইট্রাসের সবিস্তাব লক্ষণ বিবৃত হইয়াছে)—

হিমাঙ্গ অবস্থায় হৃৎপিণ্ডের ও মজ্জার অবসাদের সহিত যদাপি অত্যন্ত তন্দ্রা ভাব থাকে তাহা হইলে পূর্বে যে বলিয়াছি এন্টিমটার্ট ও ট্যাবেকম্ উপকারী তাহা ও এই অবস্থায় মনে রাখিও । আর যদি আন্টিম-টার্ট ও ট্যাবেকমে ফল না হয় নিরাশ না হইয়া “ক্লোর্যাল হাইড্রেট” দিবে ।

ক্লোর্যাল বলিতে অবসাদক ও নিদ্রা-উৎপাদক সেই এলো-প্যাথিক চিকিৎসার ঘুমের ঔষধ (Sleeping Draught) ও ক্লোরালের (Chloral) সেই অপূর্ব নিদ্রা ও তাহার পরের নেসাব ভাব মনে পড়ে । ঔষধের এই প্রাথমিক-ক্রিয়া (Primary & Material action) যে রোগ নিবারণে অক্ষম, অনুপকারী ও পরোক্ষে নানাক্রপ মন্দফলপ্রদ, হোগিওপ্যাথিক-চিকিৎসক মাত্রেই ইহা জানেন—সুতরাং আর বলিয়া দিতে হইবে না—যে ষষ্ঠ-ক্রমের (6th dilution) নীচে ক্লোর্যাল ব্যবহার করিবে না ।

পতনাবস্থার সহিত যে বিকার হয়

তাহার চিকিৎসা ।

মস্কেরিন—(Muscarin) এই পতনাবস্থায় যদ্যপি বিকার হইয়া রোগী ঝঁকে ঝঁকে উঠিতে চায়—মাতালের স্থায় ব্যবহার করিতে আরম্ভ করে—আবার পরক্ষণেই নিদ্রিত হইয়া পড়ে—ও সেই সঙ্গে মূত্রাবরোধ ও হাত পা ঠাণ্ডা এবং শ্বাস-কষ্টও অধিক থাকে, তাহা হইলে—বিকারের চলিত ঔষধ বেলাডোনা, হায়স, ট্রামন ইত্যাদি—অগ্রেই না দিয়া মস্কেরিন দিবে (বিকারের চিকিৎসা পরে বিবৃত হইয়াছে দেখ) । এই মস্কেরিন—আমাদিগের এগ্যারিকস্-মস্কেরিয়স্ (Agaricus-Muscarius) নামক ঔষধের উগ্রবীৰ্য্য বা (Active principle) ; তাই বলিয়া “মধু অভাবে শুভং দদ্যৎ” অর্থাৎ মস্কেরিনের অভাবে এগ্যারিকস্ দিয়া বসিও না । আর এই পতনাবস্থায় বিকারাদি না হইয়া রোগী যদি বেড়াহবার চেষ্টা করে, অথচ অত্যন্ত দুর্বলতায় তাহা না পারে, তাহা হইলে কুপ্রমই শ্রেষ্ঠ ঔষধ ; কিন্তু দুর্বলতা সঙ্গে লক্ষ্যহীন ভাবে রোগী ইতস্ততঃ বেড়াইতে থাকিলে কুপ্রম না দিয়া হাইড্রোসিয়ানিক-এসিড দিবে ।—(সালজার সাহেব বলেন, এই অবস্থায় হাইড্রোসিয়ানিকে উপকার না হইলে মস্কেরিন দেওয়া যায় ।

পতনাবস্থায় অল্পশূল ।

কতকগুলি রোগীর এই হিমাঙ্গ অবস্থায় (পতনাবস্থায়) এক রকম

অন্ধশূল (Colic) হয় ও তাহাতে কাতর হইয়া ছট্‌ফট্‌ করে । আগে আমরা এই “কলিকের” জন্য অনেক ঔষধ দিয়াছি অথচ কোন উপকার হয় নাই । কিন্তু বতদিন কুপ্রাম-সল্‌ফ (Cuprum-Sulph) দিতেছি, আর অন্য কোন ঔষধ দিবার প্রয়োজন হয় নাই—অথচ কখন বিফলও হই নাই ।

প্রতিক্রিয়াবস্থার চিকিৎসা ।

পতনাবস্থায় যদি রোগী মারা না যায়, তবে আন্তে আন্তে আবার রোগীর গা গরম হইবে, নাড়ী পাওয়া যাইবে ও একটি একটি করিয়া কুলক্ষণ দূর হইবে । কিন্তু মনে করিওনা, রোগীর বিপদ একেবারে কাটিয়া গেল—এ অবস্থায়ও অসম্পূর্ণ বা অসম্যক প্রতিক্রিয়ায় নানারকম উপদ্রব হইয়া বোগী মারা যাইতে পারে ।

এ সময়ে রোগীর আবার বাহ্যে আরম্ভ হইতে পারে, কিন্তু নিশ্চয় জানিও এ সময়ের দান্তে প্রায়ই গল থাকে ও পিত্তের ভাঁজ দেখা যায় । সাবধান ! এ দান্ত কোন ধারক (Astringent) ঔষধ বা অহিফেন-সংযুক্ত-ঔষধ দ্বারা বন্ধ করা না হয়—করিলে দুর্জয় বিকার আসিবেই আসিবে । এসময় প্রস্রাব অধিক হওয়া কোন দোষের নহে ।

তবে যখন রোগের প্রায় শান্তি হইয়া আসিয়াছে—কেবল মাত্র পাকশয়ের অল্প বিস্তর উপদ্রব আছে—তখন এক বা দুই মাত্রা সল্‌ফর দিবে—তাহা হইলেই প্রতিকার হইবে । শেষের দুর্বলতা সল্‌ফারেই প্রায় যায়—তবে ধাতু-বিশেষে অর্থাৎ গাণ্ডমালা-ধাতু-বিশিষ্ট ও পেট্‌ গৌড়গৌড় ছেলেদের জন্ত ক্যালকেরিয়ারও (Calcareæ) প্রয়োজন হয় ।

হোমিওপ্যাথিক মেট্রিয়া-মেডিকায় সকলেই এক্ষরে বাল্যতরুণ
যে, অধিক পরিমাণে রক্ত বা তরল পদার্থ শরীর হইতে নিষ্কাশিত হইলে
চায়না মর্ছোষধ। কলেবায় কত অধিক পরিমাণে—তরল পদার্থ
নিষ্কাশিত হয়—তাহা সকলেই জানেন—সুতরাং প্রতিক্রিয়াবস্থায় ও
রোগাবস্থানে দুর্বলতার জন্য চায়না (China) মর্ছোষধ।

অসম্পূর্ণ প্রতিক্রিয়াবস্থায় ভেদেব চিকিৎসা।

আগেই বলা হইয়াছে, তরল-পদার্থ-নিষ্কাশন জনিত দুর্বলতায় চায়না।
সেই সঙ্গে পেটফাঁপা, পাতলা হুলদে দান্ত, বেদনা নাই—কখন
বা বাহ্যে অভ্যন্ত দুর্গন্ধ, জিহ্বা ণাদা বা হুলদে ও মুখে তিক্ত আস্বাদ
থাকিলে এই চায়নাই ঔষধ—অধিকাংশ বোগীতে চায়নাই দিয়াছি
অন্ত ঔষধের প্রয়োজনই হয় নাই। তবে ফস্ফোরস্—(Phos)
এসিড-ফস্ফোরস্ (Acid phos) ক্রোটন-টিগ্লিয়াম,
(Croton-Tig) পডোফাইলম্ (Podophyllum) প্রভৃতি পিত্তজ
উদরাময়ের ঔষধ লক্ষণভেদে দিতে হইবে। যদি সামান্য উদরাময়
হয়, তাহা হইলে ঔষধ না দিলেও চলে। (এই সকল ঔষধের
লক্ষণ আক্রমণাবস্থার চিকিৎসায় দেখ)

তবে যদি অধিক পরিমাণে তাজা রক্ত নিঃসরণ হয়, তাহা হইলে
কার্বো-ভেজ দিবে। তাহাতে ঊগকার হইবেই হইবে;
না হইলে ফেরম-ফস্ দিবে। বদ্ধিতাবস্থার চিকিৎসায় বন্ধিয়া
গিয়াছি যে, আক্রমণাবস্থা বা বদ্ধিতাবস্থায় কেবল রক্ত বা রক্ত-মিশ্রিত
ভেদে প্রায়ই অন্য কোন ঔষধ দিতে হয় নাই—মার্কিউরিয়স্-

করোসাইভসেই উপকার হইয়াছে । কিন্তু তাই বলিয়া সেই কথাটি যেন এখানে খাটাইও না । এ অবস্থায় কার্বেৰা ও ফেরম-ফস অবশ্য বেদনাবিহীন তাজা রক্তভেদে (Bright red) অব্যর্থ ;—তবে যদি রক্তের সহিত আম, রক্ত ও কোথপাড়া খুব বেশী থাকে, তাহা হইলে মার্কিউরিয়স্-করোসাইভস্—আব দাস্ত পাতলা, পিচ্ছিল, অল্প স্নায়ু রক্তের ছিট মিশান, (অধিক রক্ত থাকিলে মার্ক-কর) মুখে ছুর্গন্ধ, যকৃতের স্থানটা চাপিলে বেদনা আর কোথপাড়া অল্প থাকে, তাহা হইলে মার্কিউরিয়স্-সল (Merc-Sol) দিবে । (মার্কিউরিয়সের ঘর্ম ও ঘর্মসঙ্গে কোন লক্ষণের উপশম না হওয়া, আর জিহ্বা শুষ্ক নহে বরং লালাপূর্ণ অথচ পিপাসা থাকে—এই গুলি থাকিলে—ভো মোনায় মোহাণা । ঔষধ-প্রয়োগ কালে প্রত্যি ঔষধের এইরূপ বিশেষ-লক্ষণ (Characterestic symptoms) গুলির উপর নৃষ্টি রাখা চাই) ।

রিসিনস্—এ অবস্থায় মন্দ নহে—মাংস ধোয়া জলের মত ভেদ, আম ও রক্তযুক্ত দাস্ত—কিন্তু সেই পূর্কপরিচিত বিশেষ-লক্ষণ—কোন রকমের বেদনা বা কোথপাড়া নাই—এইটি থাকা চাই—এই মাংস ধোয়া জলের মত ভেদ রসটক্কেও আছে । যতদিন রিসিনসের প্রয়োগ আমরা জানিতাম না, ততদিন রসটক্কাই (Rhus-ox) ব্যবহার করিয়াছি । তবে এক্ষণে আমরা রস-টক্কা ও রিসিনস প্রয়োগের প্রভেদ ঠিক করিয়াছি—যথা রিসিনসে ঐরূপ ভেদেব সঙ্গে জ্বর বা অস্থিরতা নাই—আর রস-টক্কা নাড়ীতে অল্প হউক বেশী হউক জ্বর আছে ও অস্থিরতা আছে । আর একটি ঔষধের ব্যবহার যদিও কচিং কখন দরকার হয়, তাহাও বলিতেছি—

ইলাপ্স ইহার রক্তবাহের রঙ কাল ও খুব পাতলা। লেপ্টোথার বাহে—কাল আলকাত্তার জায় কখন তরল কখন জমা-জমা—কিন্তু উহা রক্ত নহে।

অসম্পূর্ণ প্রতিক্রিয়াবস্থায় বমির চিকিৎসা।

যেমন ভেদেব কথা বলিলাম, তেমনি ঐ অবস্থায় বমনও হইয়া থাকে। ইহার উপরও বিশেষ নজর রাখিতে হইবে—কারণ বমন বাড়িয়া গেলে রক্ষা নাই;—যন্ত্রণা তো বাড়িবেই, সেই সঙ্গে অবসাদ আসিয়া জীবনের আশঙ্কা পর্য্যন্ত আনিবে।

বমনেচ্ছা-সহকারে (nausea) বমন হইলে নক্স-ভমিকায় নিবারণ হয়। নক্স-ভমিকায় বমনের পর বমনেচ্ছা আর থাকে না—আর ইপিকাকে সর্বদাই গা-বমি-বমি আছে; বমির পরও আছে। (ইপিকাকের অবিরাম গা-বমি-বমি মনে রাখিও—বিস্তৃত লক্ষণ আক্রমণাস্থার চিকিৎসায় দেখ)। এই দুই ঔষধে উপকার প্রায় হয়—যদি না হয় পডোফাইলমে নিশ্চয়ই হইবে তবে যদি বমি অধিক হয় কিউপ্রাম্ ও আর্সেনিক্ ভুলিবে না। (বিস্তৃত লক্ষণ পূর্বে বর্ণিত হইয়াছে দেখ)। আর্সেনিক ও কিউপ্রামের বমির একটি প্রভেদ মনে থাকে যেন—(কিউপ্রামে গরমজল ভাল লাগে; আর্সেনিকে ঠাণ্ডা জল ভাল লাগে। কিন্তু কিউপ্রামে ঠাণ্ডা জল থাইলে বমি কমে; আর আর্সেনিকে ঠাণ্ডা জল থাইলে বমি বাড়ে)। যদি জল পান মাত্র বমি হয় অর্থাৎ জলপান না করিলে বমি না হয় তখন ইউপ্যাটোরিয়মে উপকার হইবে। জল

- পানরক্ষানিক পরে যেন সেই জল উষ্ম হইয়া বমি হইতোছে একপ
লক্ষণে ফস্ফোরাস্ । ভয়ানক বমি—কেবল জল উঠে অথচ
ভুক্তজব্য উঠে না—ভয়ানক গা-বমি-বমির সহিত কাট বমি, উকীওঠা,
• অকতোলা থাকিলে বিস্ময়খণ্ডি ভুলিও না—' (পডোফাইলম ও
বিস্ময়, এই কাট-বমি ও অক-উঠার শ্রেষ্ঠ ঔষধ—তবে বিস্ময়ে গা
ঠাণ্ডা নহে—বরং গরম ।

বিবমিষা ও বমির বিশেষ লক্ষণ সমূহ

ও তাহাদের ঔষধ ।

(NAUSEA & VOMITTING.)

বিবমিষার সহিত উকি-উঠা ও কাট-বমি—(Nausea with
gagging retching)—এণ্টিমটার্ট, বিস্ময়, ইপিকাক্, পডোফাইলম্,
ক্রীয়োজোট ।

খাদ্যের দর্শনে বা ঘ্রাণে বিবমিষা—কল্‌চিকম্ ।

পাতলা বাহ্যে হইয়া বমির নিষ্পত্তি—টেরিবিষ্টিনা ।

গা-বমি-বমি অথচ খুব ক্ষুধা—ইগ্নেশিয়া ।

বিবমিষায় মুখ ফেকাসে (Pale) ও হাঁপ বন্ধ হইলে—ইপিকাক্ ।

ভয়ানক পিপাসার সহিত বিবমিষা—খ্যাপ্‌টিসিয়া ।

বুকও গলনলীতে অত্যন্ত জ্বালার সহিত বমি—আইরিস-ভাসিকলব ।

• পেটটি পূর্ণ যেমন হইল অগ্নি বগন—বিস্ময় ।

পিত্তজ বগন—এণ্টিম ক্রুড্ ।

কাল রঙের বগন—আসেনিক, হেলেবোরস্ ।

আহার ও পানের পর বমি কম হওয়া—ফস্ফোরস্।

পান করিবার অব্যবহিত পরে বমন—আস', বিস্মথ্, জিন্ক,
ক্রোটন টিগ্।

কষ্টকর বমন—এন্টিম-টার্ট।

যাহা পান করে তাহা বমন—এন্টিম ক্রুড্, আস', বিস্মথ্, ভেরেট্রম্।

পানান্তে উদরে যাইয়া গরম হইয়া বমন—ফস্ফোরস্।

বমন—সহজ অর্থাৎ কষ্টকর নহে—কল্‌চিকম, সিকেলী।

আহারের অব্যবহিত পরে বমন (immediately after food)
—আসেনিক্, ইপিকাক্, সিকেলী। (পানের অব্যবহিত
পরে অগ্রে দেখ)

আহারের অব্যবহিত পবে টক বমন—ক্যাল্‌কেরিয়া, পলসার্টিল।

বমন খুব ঘন সবুজ বা কাল রঙের—কার্বলিক-এসিড।

ভয়ানক বমনের উদ্যোগে খুব চেষ্টার উঠা—(efforts to
violent vomitting resulting in enormous forcible
eructations)—আইরিস্-ভাস'।

অনেক আগে যে খাদ্য আহার করা হইয়াছে তাহাও বমন—
ক্রিয়োজেনট।

গেঁজলার দ্বায় বমন—ভেরেট্রম্, ইথুজা, এন্টিম-টার্ট।

বমন—রঙ সবুজ ও আশ্চর্য তিক্ত—মার্ক-কর।

প্রথম অল্প সবুজ (greenish) আরম্ভ হইয়া পরে বর্ণহীন
(colorless) বমন—গ্রাটিওলা।

বমন—উষ্ণ বা গরম (hot)—পডোফাইলম।

দুগ্ধ বমন—ইথুজা, ক্যাল্‌কেরিয়া-ফস্।

জমা-দুধ-বমন—ইথুজা, এন্টিম ক্রুড, ক্যান্কেরিয়া ।

জমা দুধ থুব্ থান্ থান্ (curdled in large lumps) ইথুজা ।

মাই-দুগ্ধ-পানেও বমন—মাইলিসিয়া ।

মাব টক্ থাওয়া দকণ মাই থাওয়া ছেলের বমন—ক্যান্কেরিয়া ।

মার কোধ-উদ্দীপনায় মাই-থাওয়া-ছেলের বমন—ভ্যাগেরিয়ান্ ।

বমি নাল-নাল রকম (mucus)—ইপিকাক্ ।

বমি নাল-নাল ও ডিমের ভিতরের পদার্থের ঝায় (albuminous)
—জ্যাটোফা ।

বমি নাল-নাল ও দুর্গন্ধ—ইপিকাক্, সিকেলী ।

বমি—নাল-নাল ও সবুজ—ইথুজা, ইপিকাক্, পডো, ভেরেট্রুম ।

বমি নাল-নাল জেলির ঝায় (Jelly like)—ইপিকাক্ ।

বমি নাল-নাল ও ঈষৎ হরিত্রাবর্ণ (yellowish) ইপিকাক্, ভেরেট্রুম,
আসেনিক, কল্‌চিকম ।

বমি তৈলাক্ত (oily) ইথুজা ।

বিবমিষা নিবারণ হইয়া অনবরত বমি (vomiting persistent
after nausea ceases)—এন্টিম-ক্রুড্ ।

নিদ্রার পর বমি (vomiting after sleep) ইথুজা, কুপ্রম ।

„ „ ও তাহাতে অবসাদ (exhaustion after) ইথুজা ।

বমন—কঠিন পদার্থেব ও তরল পদার্থ বহিয়া যাওয়া—অর্থাৎ

না উঠা (vomiting of solids and liquids retained)

—বপ্যাটিসিয়া ।

উহার বিপরীত ; অর্থাৎ তরল পদার্থ উঠা ও কঠিন পদার্থ রহিয়া

যাওয়া—বিসমথ ।

ভয়ানক বমন—মাথায় বেদনার সহিত—গ্রাটিওলা, অাইলিস ক্লাস।

বমন—অন্ন সবুজ পিত্তজ পদার্থ—ভয়ানক দুর্বলতার সহিত

(vomitting of greenish bilious matter with great

exhaustion (এন্টিমটার্ট ।

বমন—হাত্ কাঁপুনির সহিত মোহ (vomitting with trembling

of hand and fainting)—ভেরেট্রম্, এন্টিম-টার্ট ।

পেট-ফাঁপার চিকিৎসা ।

যেমন ভেদ ও বমির কথা বলিলাম, তেমনি পেট ফাঁপিয়াও রোগীর বড় কষ্ট হয় ও ঐ ফাঁপ অতিশয় বৃদ্ধি পাইয়া হৃৎপিণ্ডের উপর চাপ পড়িয়া নিশ্বাস প্রশ্বাসে কষ্ট হয় । অনেকবার বলিয়াছি, এই পীড়ায় নিশ্বাস প্রশ্বাসের কষ্ট ও হৃৎপিণ্ডের কোনরূপ বিকৃতি অতিশয় আশঙ্কা-জনক ; সেই জন্য এই পেট-ফাঁপের দিকে বিশেষ দৃষ্টি রাখিবে । যদিও এলোপ্যাথিক ঔষধ ও অহিফেনমিশ্রিত-ঔষধ সেবন না করিলে পেট ফাঁপ প্রায় হয় না ; কিন্তু আমরা মধ্যে মধ্যে প্রথম হইতে হোমিওপ্যাথিক মতে চিকিৎসিত রোগীদের মধ্যেও এই কুলক্ষণ দেখিতে পাই । ইহার প্রধান ঔষধ ওপিয়াম । লক্ষণগুলি পর্যবেক্ষণ করিয়া ওপিয়াম দিয়া প্রায়ই বিফল হই নাই ।

ওপিয়াম—(Opium) তলপেট একেবারে অমাড় হইয়া মল নাতির করিবার শক্তি থাকে না । সুতরাং মল জমা হইয়া পেট ফাঁপিয়া উঠে ; এমন কি শ্বাস প্রশ্বাস পর্যন্ত কষ্টকর হয় ও বাহ্যে প্রস্রাবের চেষ্টা বা ইচ্ছা একেবারে হয় না । এই

লক্ষণগুলি পাইলে ওপিয়মের ৬ × ডাইলুসন ১৫ মিনিট বা অল্প ঘণ্টা পর পর দিবে।

রোগী আফিও খোর হইলে বা রোগেব প্রথমাবস্থায় কাঁচা আফিও কি এলোপ্যাথিক ঔষধের সহিত আফিও খাওয়ান হইয়া থাকিলে, (ক্লোরোডাইনে আফিও আছে মনে রাখিও) কুপ্রম ব্যবহার করিতে অনেক চিকিৎসক ব্যবস্থা দেন। তাঁহারা বলেন, ইহাদের পক্ষে হোগিও-প্যাথিক ডাইলুসনের ওপিয়মে আর কি হইবে। আনবা আফিও-খোরের পীড়ায় পেট ফাঁপিলে ওপিয়ম দিয়াও উপকার পাইয়াছি।

কুপ্রম—তবে পেট-ফাঁপের সহিত বমি, বৃকের নিয়ন্ত্রণে বেদনা, চাপিলে ঐ বেদনার বৃদ্ধি ও অত্যন্ত পিপাসা এবং কুপ্রমের অন্ত কোন লক্ষণ যদি বর্তমান থাকে, তাহা হইলে আমরা কুপ্রমই দিয়া থাকি। কুপ্রমে উপকার না হইলে নিকোটিন দিতে সাল্জার সাহেব পরামর্শ দিয়াছেন। এই ঔষধ বিষয়ে আমাদের নিজের কোন অভিজ্ঞতা নাই। তবে পেট ফাঁপ থাকিলে বা না থাকিলে ও যদি পেট গড়গড়্ করে তাহা হইলে, জ্যাট্রোফায় উপকার হয়। এই নূতন ঔষধগুলি খুব উপকারী, সেই জন্ত আগেই সেই গুলির কথা বলিলাম। কিন্তু পুরাতন ঔষধগুলি তাই বলিয়া ভুলিও না।

নক্স-ভম্—পিত্তাধিক্য বশতঃ পেট ফোলা, গা-বমি-বমি, বিশেষ নিচের পেটে ব্যথা।

কার্বেরা-ভেজ—অল্প অল্প ভেদ, কিন্তু প্রায় পেট-ফাঁপ ও উপরের পেট-টন্টনানি, বায়ুনিঃসরণে উপকার।

লাইকোপোডিয়ম—খুব পেট ফোলা, মুখে জল উঠা, অম্ল ঢেঁকুব উঠা, ঠাণ্ডা জিনিষ বা জল পটী পেটে দিলে কিংবা পেটে হাত দিয়া টিপিলে আবাম বোধ করা ইত্যাদি লক্ষণে অব্যর্থ।

কুমির উপদ্রব ও রক্তহীনতা।

কর্ণমূল-ফোলা ও কণিয়া-ক্ষত—ওলাউঠার রক্তহীনতায় ঘটিয়া থাকে, সুতরাং সল্ফর, চায়না, ক্যাল্কেরিয়া বিশেষ উপকারী। অভিজ্ঞতায় কিন্তু আমরা কণিয়া-ক্ষতে পল্‌মাটিলা দ্বারা অধিক উপকার পাইয়াছি। ৩৪ মাত্রা ঔষধে যদি ফল না হয়, তাহা হইলে এই অবস্থায় ২।১ মাত্রা সল্ফর দিলে পূর্ব ঔষধের ক্রিয়া প্রকাশ পায়।

কুমির উপদ্রব জন্ত প্রতিক্রিয়া বহু স্থলে অসম্পূর্ণ বা অত্যধিক পরিমাণে হয়। (প্রতিক্রিয়াবস্থায় তাহার বিস্তৃত বর্ণনা দেখ)। অনেকের বিশ্বাস কুমির উপদ্রবেও বিকার হইয়া পড়ে। প্রতিক্রিয়াব পব পুনরায় ভেদ বমি আরম্ভ হইলে পাকস্থলীর উত্তেজনাই (irritation) তাহার কারণ এবং ঐ উত্তেজনা কুমি দ্বারাই ঘটিয়া থাকে। এ অবস্থায় সিনা এক মাত্র ঔষধ। শিশু-ওলাউঠার চিকিৎসায় সিনার প্রধান লক্ষণ দেখ। ৬x বা ৩০ ডাইলুসনে উপকার এককালে হয় না, তাহা আমবা বলি না। কিন্তু আমরা ২০০ ডাইলুসনই ব্যবহার করিয়া উৎকৃষ্ট ফল পাই। একটি কথা চলিত আছে যে ২০০ ডাইলুসনের ঔষধ এক দিনে ১ মাত্রার অধিক ব্যবহার করা যায় না; এ কথা আমরা পুরাতন পীড়ায় (Chronic Disease) মানিয়া থাকি বটে, কিন্তু কলেরার এ অবস্থায় ২০০ ডাইলুসনের সিনার এক মাত্রায় উপকার না হইলে আমরা ২।৩ মাত্রা দিয়াছি ও চিরকাল দিব। ইহাতে

বিশেষ ফল পাইয়াছি, তাই এত জোব করিয়া বলিতে পারিতেছি ।—
সিনায় যেমন কুমি-জনিত কতকগুলি লক্ষণ প্রকাশ পায়, সেইরূপ
কুমি কারণ না হইয়াও কতকগুলি বিশেষ-লক্ষণ দেখা দেয় ; সেগুলি
বিকারের চিকিৎসায় লক্ষ্য করিবে ।—ছেলেদের পীড়ায়
অধিকতর উপকারী বলিয়া শিশু-ওলাউঠার চিকিৎসা-ভাগে বর্ণিত
হইয়াছে—প্রয়োজন মত দেখিয়া লইবে ।

মূত্রাভাব ও মূত্রাবরোধের চিকিৎসা ।

পূর্ণভাবে প্রতিক্রিয়া আসিয়া নাড়ী ও গাত্র-তাপ বেশ স্বাভাবিক
হইয়াছে, বা ভেদ বমির নিবৃত্তি হইয়া পিত্তজ ভেদ যখন হইতেছে, অথচ
প্রস্রাব হয় নাই—এ অবস্থায় কিছুক্ষণ প্রকৃতি দেবীর (nature)
উপর নির্ভর করিয়া ঔষধ না দিয়া দেখিবে—কিন্তু খুব তবল স্মিক্
বার্লির জল দিবে—তাহাতে যদি প্রস্রাব না হয়, তাহা হইলে ঔষধ দিতে
আর বিলম্ব করিবে না । মূত্রাবরোধ ও মূত্রাভাবে ক্যান্থারিস,
টেরিবিঙ্ক কেলিবাইক্রম খুব ভাল ঔষধ—কিন্তু ওপিয়াম, নক্স-ভম্
অথবা ক্যানোবিসেও খুব উপকার দেখায় ।

ক্যান্থারিস্—(Cantharis) প্রস্রাবের বেগ হয় অথচ প্রস্রাব
হয় না, মূত্রাভাব জনিত আক্ষেপ, প্রলাপ ও অচৈতন্য । মূত্র-বন্ধ অথচ
আমরক্ত মিশ্রিত বাহ্যে ।

টেরিবেঙ্কিনা—(Terebenthina) সকলেই লেখেন ক্যান্থা-
রিসে উপকার না হইলে ইহা দিবে—আমরা কিন্তু এই কথার অর্থ
জানি না—আমরা বুঝি—খুব পেট-ফাঁপার (Tympanites)

সহিত মূত্র-বদ্ধ ও মূত্রকোষে মূত্র নাই অথচ খুব বেগ (ওপিয়ামে বেগ নাই) থাকিলে হুহা অবশেষ উপকারী।

কোলি-বাইক্রম—(Kali-Bichrom) মূত্র না জমিলে তাহা উৎপাদনে এই ঔষধ বিশেষ সহায়তা করে।

ওপিয়াম—(Opium) মূত্রাশয় মূত্রপূর্ণ অথচ বেগ নাই—ইচ্ছা পর্য্যন্ত নাই। আমরা কিন্তু নক্সাভমিকা অথ্রে না দিয়া অন্য ঔষধ দিই না—

নক্সা-ভমিকা—মূত্র জমিয়া পুনঃ পুনঃ বেগ হইতে থাকে, অথচ প্রস্রাব হয় না বা ২১ ফোঁটা করিয়া হয়; তলপেটে তাহার সহিত বাথা থাকে।

ক্যানাবিস—প্রমেহাক্রান্ত রোগীর পক্ষে উপকারী বটে।

এপিস্—এককালে অপ্রয়োজনীয় নহে। একটি রোগীর হৃৎ হৃৎ করিয়া বাহ্যে আরম্ভ হইয়া রোগ শীঘ্র শীঘ্র খুব বাড়িয়া পড়ে—জ্যট্রোফায় তাহা আবোগ্য হয়। কোন রূপ মন্দ লক্ষণ আর নাই—কেবল প্রস্রাব হয় নাই—চেপ্টাও নাই। ওপিয়াম দেওয়ার উপকার হয় নাই—পরে এপিস্ দিতেই প্রস্রাব হইয়া গেল। মূত্র না হইয়া কোন মন্দ লক্ষণ না দেখা দিলে এই ঔষধ ব্যবহার করিবে; কিন্তু কোন মন্দ লক্ষণ বা বিকার হইয়া পড়িলে মূত্র-বিকারের চিকিৎসা করিবে।

ইউরিমিয়া বা মূত্র-বিকারের চিকিৎসা।

ওলাউঠার এই ইউরিমিয়া (Uraemia) বা মূত্রবিকার বড় আশঙ্কার বিষয়—ইহার চিকিৎসাও বিশেষ যত্নের সহিত করা চাই। মূত্রাভায়ে

বা হৃৎকরোধে বিকার জন্মিলে, প্রথম মাথাধরা ও বমি দেখা দেয় ।
ক্রমশঃ ভুল-বকা, মাথা-ভার ও চক্ষু-লাল হয় । নিশ্বাসে ও বমনে
এমোনিয়ার (নিষাদলের) গন্ধ বাহির হয়, এককালে চৈতন্যহীনতা,
• খেঁচুনি শ্বাস-কষ্টও হয়—এই কয়েকটীর কোন ২।১টী লক্ষণ দেখিলেই
অগনি বুঝিবে “মূত্র-বিকার” ; তখন আর বিলম্ব করিবে না—ত্বরায়
ঔষধ নির্বাচন করিয়া ঔষধ খুব ঘন ঘন দিতে থাকিবে । মূত্র-বিকার
সান্নিপাতিক বিকারের সহিত গোল করিয়া ফেলিও না । মূত্র-বিকারের
প্রধান ঔষধ আর্সেনিক, কুপ্রম, আসিড্-হাইড্রো, ক্যানাবিস্-ইণ্ডিকা,
এমন-কার্ক, নিকোটিন এবং ক্যান্ফর । অচৈতন্যে—আর্সেনিক ।—
উপকার না হইলে ওপিয়াম দিতে পার । খেঁচুনিতে—কুপ্রম ;
শ্বাসকষ্টে—নিকোটিন বা হাইড্রোসিয়ানিক এসিড । (আমরা
নিকোটিন্ অগ্রে দিই, উপকার না হইলে তবে হাইড্রোসিয়ানিক-
এসিড দিয়া থাকি ।)

আর্সেনিক—বমন, প্রলাপ, অস্থিরতার সহিত শ্বাসকষ্ট ।

কুপ্রম—খেঁচুনি, হাঁপানর সহিত মুখ নীল হ’লে, বুড়ো আঙ্গুল
চেপে হাত মুটো বাধিলে, দৃষ্টি স্থির, চক্ষু যেন বাহ্যগত প্রায়, নিশ্বাস
ও জিহ্বা হিম, ঘর্ষা, দুর্বলতা, চীৎকার ও তন্দ্রা ।

(তবে মনে থাকে কুপ্রমে প্রলাপ বকা নাই—আর্সেনিকে
আছে) ।

নিকোটিন্—প্রতিক্রিয়ার লক্ষণ না প্রকাশ পাইয়া কপাল ঠাণ্ডা
আর ভেদ, বমি সব বন্ধ, বলিতে কি সকল যন্ত্রের যেন অসাড়তা, দান্ত
ও বমি নাই কিন্তু পেট যেন জলে পরিপূর্ণ, (Full of fluids) মর্ক-
নিমগ্ন তদন্ত ও পিপাসা না থাকা ।

হাইড্রোসিয়ামিক-এসিড—বুক ঘড়-ফড় করা, দম আটক-
ইয়া যাওয়া, নাড়ী মোটা ও কোমল, হৃৎপিণ্ড প্রথমে দ্রুত চলিয়া পরে
ক্রমে ধীরে চলে ও অবশ্য হইয়া যায় ; বুক ঘড়-ফড় ও সেই যাতনার
জন্ত প্রথমটা খেঁচুনি থাকিতে পাবে, কিন্তু পরে শরীর অবশ্য হইয়া যায় ।
শ্বাস ধীরে ও কষ্টে চলে ও সেই সময়ে রোগী গৌ গৌ করে, গলা
ঘড়-ঘড়ি হয় ; রোগী কিছুবই ভাবনা রাখে না, নিশ্বাস ও নিশ্বাস হইয়া
পড়িয়া থাকে ।

তবে একটি কথা বলি—প্রায় উপরিউক্ত লক্ষণভেদে ঔষধ প্রয়োগেই
আরোগ্য হয় । কিন্তু যদি না হয়, আমি ওপিয়ম্ টেরিবিট্রিনা বা
ক্যান্থারিস উপরিউক্ত একটি ঔষধের সাহিত (লক্ষণ মত) পর্যায়ক্রমে
ব্যবহার কর । আর দেশী-টোট্কা লুনাশাকের প্রদোপ ও জলের ভালার
ক্যান্ড্যানি ও পেটে দেই । অনেক সময়ে মূত্র খালিতে সোরার জলও দিয়া
থাকি । কিন্তু মাথায় বরফের থলি (Ice bag) তো নয়ই, তবে অল্প অল্প
জলপটী দিয়া থাকি ।—হাইড্রোসিয়ামস্, এমেনকার ও ক্যানাবিস্
ইণ্ডিকা এ অবস্থায় ফলপ্রদ ঔষধ ।

হাইড্রোসিয়ামস্—সান্নিপাতিক বিকার ও জ্বর বিকারে অধিক
ফলপ্রদ ; তবে যদি মূত্রাবরোধ হইয়া ফোঁটা ফোঁটা প্রস্রাব হয়
(Scanty urine) বা অসাড়ে মূত্র ত্যাগ ও তাহাতে কাপড়ে দাগ বা লীর
ন্যায় দাগ বা ছোপ লাগে (leaving streaks of red sand on the
sheet) ও সেই সঙ্গে বিকার ভাব হয় তাহা হইলে ইহা উপকারী ।
(সান্নিপাতিক বিকারের চিকিৎসায় উহার লক্ষণের পার্থক্য দেখ) ।

এমন-কার্ব—অজ্ঞান, আচ্ছন্নতা ও শ্বাসনলীতে খুব ঘোরে

“বুড়-বুড় করিয়া গলা ঘড়-ঘড়-কবে । ইউরিমিয়ায় মূত্রস্থ ইউরিয়া বাহির হইতে না পারিয়া রক্তে কার্বনেট-অব-এমোনিয়া উৎপাদন কবে ও ক্রমে রক্তশোতের সহিত মস্তিষ্কে উঠিয়া মূত্রবিকারের সৃষ্টি করে । কার্বনেট-অব-এমোনিয়া হইতে কার্বনিক-এসিড-গ্যাস উৎপাদিত হইয়া, রক্ত দূষিত করিয়া, উহার বিষ-লক্ষণ সকল প্রকাশিত করে । এই জন্ত মূত্রবিকারের শেষাবস্থায় গলা ঘড়ঘড়ী হইলে এবং চোঁঠ জিহ্বা নীল বা বেগুনে হইয়া গেলে, ইহাতে বিশেষ উপকার হয় । শেষ রাত্রে বা ভোর তিনটার সময় রোগ-বৃদ্ধি এমন-কার্বের লক্ষণ । ডাঃ ন্যাশ (Dr. Nash) অল্প কথায় বেস্ বুঝাইয়া দিয়াছেন :—Ammon-carb is indicated in somnolence or drowsiness with rattling of large bubbles in the lungs, grasping at flocks, bluish or purplish hue of the lips from lack of oxygen in the blood and brownish color of the tongue. You recognise in these symptoms some condition of blood-poisoning from the presence of Carbonic-acid. This may be in uræmia or in any other diseases &c &c.

ক্যানাবিস-ইণ্ডিকা—(Cannabis-Indica) আগেই বলা হইয়াছে যে, প্রমেহাক্রান্ত রোগীর পক্ষে ইহা বিশেষ উপকারী । কিন্তু ইহার একটি বিশেষ লক্ষণ আছে—মূত্রবিকারে প্রস্রাব করিবার প্রবল ইচ্ছা, কিন্তু মূত্রনলীতে জ্বালা, আর সেই সঙ্গে ভয়ানক মাথা ব্যথা ; এমনি মনে হয় যেন, মাথার খুলি একবার খুলিতেছে একবার বন্ধ হইতেছে ।

ক্যাম্ফর—(Camphor) এ অবস্থায় ও ডাইলুসনে ইহা একটি অতি ফলপ্রসূ ঔষধ । বিশেষ লক্ষণ—হঠাৎ সর্বাস্থ হিমাস্থ, নাড়ীর পতন, অচৈতন্যভাব ইত্যাদি ।

সান্নিপাতিক-বিকারের চিকিৎসা ।

প্রচুর পরিমাণে প্রস্রাব হইয়া বাইবার পরও যদি রোগী অজ্ঞান ভাবে থাকে ও বিকারের লক্ষণ প্রকাশ পায়, তাহা হইলে বুঝিবে, রক্তাধিক্য বা রক্তস্রাবতার দরুন বিকার হইয়াছে । মূত্রক্ষারের (Urea) অবরোধে যে বিকার জন্মায় তাহাকে মূত্রবিকার (Uraemia) বলে । প্রায়ই—এই বিকারাবস্থার সহিত অর থাকে না—যদিও কখন থাকে, তাহা অতি অল্প ।

বেলাডোনা—(Belladonna) শিরঃশূল, মস্তিষ্কে রক্তাধিক্যের সহিত মুখ চোখ লাল, মস্তক গরম, হাত পা নীতল, জিহ্বা শুষ্ক এবং পিপাসা । অজ্ঞানে দাঁত কিড়মিড় করা, তন্দ্রাভিভূত, শিবনেত্র, চোঁচাইয়া প্রণাপ বকা, মস্তক ঘন ঘন নাড়া, শয্যা হইতে উঠিয়া বসিতে চাওয়া, নিদ্রিতাবস্থায় চম্কে উঠা, বিছানা বা কাপড় ছেঁড়া, লোক জনকে মারিতে চাওয়া, নাড়ী বেগবতী ও স্থূল ।

হাইওসিয়ামস্—(Hyoscyamus) মস্তিষ্কে রক্তাধিক্য অথচ মুখ বা চক্ষু অধিক লাল হয় না, রোগী বিড় বিড় ক'রে, নিজ মনে ব'কে, কখন বা এককালে অচেতন, অথচ কিছু জিজ্ঞাসা করিলে প্রত্যুত্তর ঠিক দেয়, আবার পর ক্ষণেই অচেতন হইয়া পড়ে । বিছানা খুঁটিতে থাকে, হাত পা কাঁপে, কাপড় ফেলে দেয়, অসাড়ে, মূত্রত্যাগ, নাড়ী ক্ষীণ (Small pulse) ও নাড়ীর গতি সবিগ্রাম (intermittent)

ক্যান্দিবিস্—(Cannabis-ind) রোগী যদি গা ও লিঙ্গ চুলকায়ে, নানারূপ উদ্ভট খেয়াল দেখে ও বলে, কখন আহ্লাদ ও হাঁসি,

কখনো কখনো ও ক্রন্দন, গান, হাস্য, জোরে চীৎকার, মত্ততা, বাচালতা, এবং মুখ, জিহ্বা, ওষ্ঠ অতিশয় শুকাইয়া যায় ।

(কিন্তু আমরা ওপিয়ম-কেসই অধিক দেখি বলিয়া মনে হয় ।

বেল, হারম, ও ষ্ট্রামোনিয়মের রোগী কম দেখি ।)

ওপিয়ম—(Opium) তন্দ্রা, ঘোরমোহ, মুখশ্রী নীলিম, শিবনেত্র, নীচের চোয়াল ঝুলে যাওয়া, ঘোর অচেতনতা-ভাব, গাত্র গরম অথবা ষণ্মাক্র, নাকে ঘড় ঘড় শব্দ ও জোরে জোরে নিশ্বাস ফেলা । কোন (কোন স্থলে এই সকল লক্ষণের সহিত কপালে ঠাণ্ডা ষণ্ম দেখা যায় ; এরূপ স্থলে ওপিয়মে কোন ফল না পাইয়া আমরা কপালে খুব ঠাণ্ডা ষণ্ম এইমাত্র লক্ষণের উপর নির্ভর করিয়া ভেরেট্রিমের ব্যবস্থায় রোগী আরোগ্য করিয়াছি ; সেই জন্য প্রতি ঔষধের বিশেষ-লক্ষণ সকল জানা বড়ই দরকার)—নাড়ী স্থূল ও বেগবতী (full and quick)

সহযোগী-জ্বর ও জ্বর-বিকারের চিকিৎসা ।

প্রতিক্রিয়া-অবস্থায় যদি উগ্র জ্বর হয়, সেই সঙ্গে গাত্রতাপ খুব হয়, আর মূত্ৰাভয়, ব্যাকুলতা, ষণ্মের অভাব, অস্থিরতা, গাত্রের শুষ্কতা । যদি অধিক পরিমাণে থাকে ও নাড়ী স্থূল (full) কঠিন (hard) ও বেগবতী (quick) হয়—তাহা হইলে একোনাইট (Aconite)—কিন্তু ষণ্ম দেখিলেই বন্ধ করিবে । এই জ্বর যদি ক্রমশঃ বিকারে পরিণত হয়, তাহা হইলে বিকারের ঔষধ সকল লক্ষণভেদে অবশ্য দিতে হইবে । বিকার ও প্রলাপ যদি খুব প্রবল থাকে তবে বেলাডোনা । (বেলাডোনা ও হাইওসিয়ামসের লক্ষণ পূর্বে বর্ণিত হইয়াছে দেখ)—যদি বেলাডোনার

মত উগ্র-বিকার ও প্রলাপ থাকে। কিন্তু বেলাডোনার মত (Con-
gestion) না থাকে, চক্ষুও লাল না হয়—সেস্থলে ভেরেট্রিম দিলে
বিশেষ উপকার হয়। জ্বর হইয়া হঠাৎ বিকারে পরিণত হইয়া প্রলাপ;
তৎসঙ্গে পেট ফাঁপা, অতিসার, মাংসদোয়ানি জলের মত বা
ফিকে রক্ত-মিশ্রিত ভেদ, অতিশয় দুর্গন্ধ ভেদ, অস্থিরতা, রাত্রে
রোগের বুদ্ধি, চুপ করিয়া থাকিলে অধিক কষ্ট অনুভব ও তজ্জন্ত
এপাশ ওপাশ করে, এই সকল লক্ষণে রসটক্স—(ব্রাইওনিয়াতে

—রসটক্সের অস্থিরতার পরিবর্তে স্থিরভাব, ও অতিসারের পরিবর্তে
কোষ্ঠবদ্ধ। চুপ করিয়া থাকিতে ইচ্ছা ও অস্থিরতার পরিবর্তে নড়িলে
চড়িলে বরং কষ্টানুভব, গা-বমি-বমি, অথবা উঠিতে গেলে বমনেচ্ছা
ও মাথা না চাপিয়া ধরিলে কষ্টানুভব, সেই জন্ত চুপ করিয়া
থাকিবার ইচ্ছা—আর কাসি ও ফুস্ফুসের প্রদাহ। (এই শেষ
লক্ষণটী ফস্ফরাসেও আছে)।

কখন কঁাদা, কখন একে তা'কে কামড়াইতে যাওয়া, প্রলাপ বকা,
চক্ষু বাহির হইয়া পড়া, তারকা ছোট হওয়া, কপালে ঠাণ্ডা ঘাম, ঘুম-ঘুম
ভাব, কখন বা মোহ, জিব শুষ্ক, জিবে কাল কাঁটা-কাঁটা, একপস্থলে—
সাবধান। বেল, হায়স, ষ্ট্র্যাগোনিয়ম না দিয়া রসটক্স দিবে—কামড়াই-
তেছে কেবল এই লক্ষণ দেখিয়া যেন ষ্ট্র্যাগোনিয়ম দিয়া বসিও না।

অতিসারের উগ্র-জরে রসটক্স আর কম জরে ফস্ফরিক-এসিড—
রসটক্সের অস্থিরতা খুব, আর ফস্ফরিক-এসিডে অস্থিরতা এককালে
নাই, যেন বোকার মত এক স্থানে পড়িয়া থাকে—রসটক্সের আর এক

কথা ~~জলা~~ হয় নাই—ইহাতে সর্ব-শরীর লাল হয় :—চক্ষু লাল হয়, জিহ্বা লাল, গাল লাল, কাশী থাকিলে লাল-রক্ত-মাথান-কফ—এক্ষণে বুঝিয়া দেখ, ইহা ফস্ফরিক-এসিডের ঠিক বিপরীত । যাহারা নূতন হোমিও-প্যাথিক-চিকিৎসা আরম্ভ করিয়াছেন, তাঁহারা রসটেকোর এই লক্ষণ-গুলি দোথিয়াও মনে করিবেন একো নাইট ও বেলাডোনা পর্যায়ক্রমে না দিলে রোগী বুঝি ভাল হইবে না । সাবধান—বিকারে এইরূপ চিকিৎসায় অনেকে সর্বনাশ করিয়াছেন ।

আর্সেনিক—জ্বর খুব বেশী, পেট ফাঁপা, পেট গড়গড় করা, ও আর্সেনিকের অবশুস্তাবী পিপাসা ও অস্থিরতা আর রোগীর গা'য়, মুখে, মাথায়, একটা ছুর্গন্ধ ও দেহের যে কোন রক্ত হইতে রক্ত পড়া ।

কপূর—খুব প্রলাপের পরক্ষণেই পাথরের মত গা ঠাণ্ডা—
(এই অবস্থায় ইহা খুব ঘন ঘন এমন কি ৫ মিনিট অন্তর দিবে) ।

কুপ্রম—জ্বর বেশী নয়, রক্ত খারাপ হইয়া নাক দিয়া রক্ত পড়া ও গায়ে লাল চাকা চাকা বাহির হওয়া ।

সিকেলী—থেঁচুনি, হাত পা অবশ, দেহের যে কোন স্থানে পচাধরা, কাল চাকা চাকা গায় বাহির হওয়া ।

বিকারের ঔষধ-গুলির বিশেষ-প্রভেদ ।

ব্রাইওনিয়া ও রসটেকোর প্রভেদ একরকম বলা হইয়াছে । এক্ষণে বেলাডোনা, হাইওসিয়ামস ও ট্র্যাগোনিয়ম এই তিনটির প্রভেদ বলি ।

বেলাডোনা—বিকার একটু জোর জোর, অর্থাৎ রোগী মারে,

কামডায়, মুখ-চোখ ভাব, টম্ টমে ও দাল; আর বগ্ খব ফোন্সেটিপ্
টিপ্ কবে। কখন বা চক্ষু বৃজাহযা খেয়ালেব কথা বিবক্তিব সাহিত
বলিতেছে, কখন বা চক্ষু খাণিয়া একদৃষ্টে চেয়ে আছে। বোগীব
যুম্ যুম্-ভাব অথচ যুগাইত অক্ষমতা। (যদি অজ্ঞানভাব ভ্রম
তাহা হইলে বঝিতে হইবে যে উহা মাত্রিক বকাধিক্য বা প্রদাহজনিত)
আব সেই সঙ্গে একবার প্রকাশ একবার বা অজ্ঞান অথবা অজ্ঞানভাব
হইতে হঠাৎ উঠিয়াই একবারে চিৎকার কবে বা হাত পা চোঁড়ে।

হাইওসিয়ামস — বেনাডোনার দায় পাহবা। ইচ্ছা প্রবণ,

বোগী মাঝিতে বা কামডাইতে চেষ্টা কবে বেনাডোনার দায়
কাপড় ফোঁপিয়া দিবা উন খাঁ দাত উজা কবে, কিন্তু বগ্ টিপ্ টিপান
নাহ, আর মূবেব লাগ ও অম-সমান ভাব কন — হাইওসিয়ামসে
বোগী আগোব উগব বিাত্ত আব মনে কবে কে বেন তাহাট বিব
খাওয়াতীব বা বিপদে কেনিবে বেস চুপ কবে ও। আছে হঠাৎ
একেবারে উঠে বস্গো আ। ব বা চাৰ্ভাদেব কাণাক যেন দোখতে
পাইবে আশায় ডাকাততে থাক। কিন্তু অশ্বাকারী এ চটোবাব বাহা
অম্মি বিনা গকাগো আব গড়ে বা দ্যায় গড়ে। বেনাডোনার মজাগ
ভাব, হাইওসিয়ামনে এং নীগা ভা। আবাব অঘোর। হাইওসিয়ামস
বোগীব হাত পা বাঁপে এং বোগী বোহায়, কাদে ও ড'ড' কবে।

• • বেলাডোনা ও হাইওসিয়ামসের ক্রিয়া

সম্বন্ধে অভিজ্ঞান ।

বেলাডোনা—বিকারের প্রথমাবস্থায় অর্থাৎ যখন খুব জোর
বিকার, চক্ষুশূল ও মূব টমটাস ।

হাইওসিয়ামস—একটু “লো-টাইপে” (Low type) উপযুক্ত ।

বিকারের প্রথমাবস্থায় পবে যখন অজ্ঞান ভাবটা বেশ এসে পড়েছে,
যখন বোথা বিছানা হাওয়াছে, বিছানার খোট ধাব টানছে, কিনা
নিজের আঙ্গুল খুঁটে, চুঁচুচ বা নামনে হাত বাড়বে কি যেন বসতে
বাচ্ছে—জিহ্বা শুষ্ক কিন্তু নাগ, বাহে বনি অসাড় হচ্চে—ঠিক
এই সকল লক্ষণ পাইয়া হাইওসিয়ামস দিবা সময়ে সময়ে বলা উ
পায় যা যায় না ইত্যাদি অনেক বার দেখিয়াছি, কিন্তু ঠিক করিয়া উঠিতে
পারি নাই—কেন এমন হবে। হাইওসিয়ামস খুব (deep acting)
ওযব নহে, সেই জন্য বোঝা হয় লক্ষণ বর্তমানেও উপকার হয় না।

ঠিক উপায়উক্ত লক্ষণে হাইওসিয়ামসে উপকার হয় নাই বিস্ত
ল্যাকেমিসমে আশাতাবিক্ত ফল পাইয়াছি—তবে একটু লক্ষণ থাকা
চানি, যথা ঘনাইবার পব পলাপ বকা ও সব লক্ষণের বুদ্ধি বা
দুমাটতে গিয়া যম না হইয়া ববি বা উঠা।

থ্র্যামোনিয়ম—* ইহাব লক্ষণ বেলাডোনা ও হাইওসিয়ামস
এই দুটো ওযব হইতেই পূনক। রোগী মনে ববে ঘরের কোণে বে
রহিয়াছে ও উঠিয়া নেই দিকে যাইতে চায়। কেবল কথা বলিতে ইচ্ছা

১ বিকারের চিকিৎসা-ভাগে থ্র্যামোনিয়মের উল্লেখ ববাই হয় নাই। থ্র্যামো
নিয়মের নাম। সকল এই ভাগে দেখিয়া লহবে।

হয় স্ততরাং লোক চায়, (বেলাডোনা হাইওসিয়ামসে লোক থাকে ভাল বাসে না) ভয়ানক জোরে কথা কয়, গান করে, হাঁসে, আর হাঁসি গানের সহিত এক টানে করযোড়ে প্রার্থনাই করে বা কতকগুলো শপথই করে ফেলে। ইহাতে কামড়ান, সতত লিঙ্গ ধরিয়া টানা এবং বিছানা হইতে পলাইবার ইচ্ছাটা খুব থাকে। মাঝে মাঝে হঠাৎ বালিস হইতে মাথাটা তুলে, এ দিক ও দিক দেখে আবার মাথা নাবায়।

আবার সময় সময় একেবারে ঘামিয়া যেন নৈ'য়ে উঠে, অথচ রোগী কোন শান্তি পায় না—বোগেরও কোন লাঘব হয় না। হাইওসিয়ামসেব স্নায় উলঙ্গ হইবার ইচ্ছা ইহাতে আছে—তবে হাইওসিয়ামসে কেবল জননেদ্রিয় (sexual organ) খুলিতে চায়—এ'তে সমস্ত গা খুলিতে চায়। জিহ্বা নরম এমন কি দাঁতের দাগ ব'সে যায়। বুমিয়ে হিকাব সহিত চৈচিয়ে উঠে; মুখ চোখ লাল বটে কিন্তু বেলাডোনা যত রক্তাধিক্য (Congestion) ইহাতে তত নহে।

ওপিয়মে—মস্তিষ্কে যেন পক্ষাঘাত হয় (threatening paralysis of the brain), আর নীচেব চোয়াল (Dropping of the lower jaw) ঝুলিয়া পড়ে, ঘোর অজ্ঞানতাব, জোরে জোবে নিশ্বাস পড়া, মুখের লাল ও ঘোরাণ লাল, ও ইহা যত বেশী হইবে তত ওপিয়মের লক্ষণ বৃদ্ধিতে হইবে। ইহা ঘোর রক্তাধিক্যের ফল (It is a secondary effect of the intense congestion of that organ)। (হাইওসিয়ামসেও নীচেব চোয়াল ঝোলা, রোগীর কাঁপুনি ভাব ও দুর্বলতা আছে; তবে পেশীসমূহের কুঞ্চন (twitching of muscles) এই লক্ষণটি হাইওসিয়ামসে থাকা চাই)।

ওপিয়ম, ষ্ট্র্যামোনিয়ম ইত্যাদির ক্রিয়া সন্মুখে অভিজ্ঞান ।

ওপিয়মে গরম ঘাম আছে—ষ্ট্র্যামোনিয়মেও হঠাৎ খুব ঘাম আছে ।
এ ঘাম ভাল লক্ষণ নহে ; তবে যে একেবারে সেই নিদানের ঘাম তাও
নয় । ওপিয়মের ঘোর অজ্ঞানভাব (coma) ওপিয়মে না গেলে
এপিসে যায় । বেলাডোনার প্রলাপ (delirium) যত প্রবল (violent)
ল্যাকেসিসের তত প্রবল (violent) নহে । ল্যাকেসিসের
(paralytic condition of the brain) যে—সেটি চিনিবে কিসে ?
জিহ্বা বাহির করিতে কষ্ট ও দাঁতে জিব লেগে যাওয়া ।
ল্যাকেসিসে বকে বটে, কিন্তু খানিকটা বক্বাব পর যেন নিস্তেজ
হ'য়ে পড়ে । এই বেশী বকাটা ষ্ট্র্যামোনিয়মেও আছে, তাব ষ্ট্র্যামো-
নিয়মের মুখ চোক লাল বেশী । (এপিসে জিহ্বা লাল তবে ল্যাকেসিসের
ন্যায় বাহির করিতে গেলে দাঁতে ঠেকে না । ষ্ট্র্যামোনিয়ম ও
ল্যাকেসিস—দুই ঔষধেই বক্বানি (loquacity) আছে কিন্তু
প্রভেদ এই যে—ষ্ট্র্যামোনিয়মে গড় গড় ক'রে যা ইচ্ছে একটানা
ব'কে যাচ্ছে—ল্যাকেসিসে একবার এক কথা একবার সে কথা আবার
অন্য কথা একেবারে jumping from subject to subject, আন
ঘুমায়েবার পব বা ঘুম আসিতে না আসিতে বিকাব লক্ষণের বৃদ্ধি ।

এগেরিকস—(মস্কেরিন) বোগ-প্রাবল্যে (in violence)

ল্যাকসিস্ ও ট্র্যাগোনিয়মের মাঝামাঝি ভাব ; তবে কোঁকো, কোঁকক উঠিয়া বসাতী বিশেষ লক্ষণ ।

হিকার চিকিৎসা ।

হিকায় বোম্বার অপারসাম দৃষ্ট হয় । অবিরত হিকা হইতে থাকিলে নাড়ী ক্ষাণ হইয়া পালন-সংশয় হইয়া উঠে ।

কুপ্রাম—(Cuprum) এক দিন চিকিৎসা করিতেছি—কুপ্রামেই আনকশি হিকা মানিয়াছে । হিকার সঞ্চিত আক্ষেপ, বমন, কাট-বমি, বারবার উদ্যার উঠা ও বিলক্ষণ পেটে ডাক । অথবা হিকা পবেক বমন থাকিলে কপম দিবে হয় ।

বেলাডোনা—(Belladonna) দাব দায় অতি প্রবল হিকা—এক জোব হিকা যে স্মারিত থাকিলেও বিজানা হইতে রোগকে উঠাইয়া ফেল এবং প্রবল কমন প্রবল বমিও বনিয়া থাকে ।

হাইড্রসিয়ামস—(Hyocyamus) পেটে গের্চনি ও পেট ডাকার সঞ্চিত হিকা, মেই মাজ অমাত প্রবল ও মখে গাঁজনা উঠে ।

সাইকুটা—(Cicuta Virosa) ডাচ-অকালিশ হিকা অথবা চিকাম খব লক্ষ হয় । প্রাণে ও আহারাৎ বমনেচ্ছা, অত্যন্ত অন্ধুবা, অঙ্গার বাতিতে ইচ্ছা, পাকালনে চাপ বোব ও জায়া ।

ইগ্নেসিয়া—(Ignatia) সন্ধ্যার সময় বা পান আহার করিবার পর হিকা ও মাঝে মাঝে দম্ব আটকান ।

• কার্বো-ভেজিটেব্লিস্—(Carbo-Veg) প্রাতি নড়ন
চড়নে হিকা ।

স্ট্যাফিসেগ্রিয়া—(Staphysagria) গা বমি বমি ও নিদ্রা-
লুতার সহিত হিকা ।

ফস্ফরাস —(Phosphorus) আহাবের পর প্রবল হিকায়
পাকশযের (Stomach) উপর টাটানি অনুভব ।

নক্সভম্—(Nuxvom) খালি-পেটে হিকা ।

(ফলতঃ রোগীর আর আর লক্ষণ যদি কিউপ্রাস, আমেনিক, কার্বো-
ভেজ্, টাবেকম, সিকেলী ও হাইড্রোসিয়ানিক-এসিডের লক্ষণের
সহিত মিলিয়া যায়, তাহা হইলে উহাদের মধ্য হইতে যে ঔষধটির
অধিক লক্ষণ মিলিবে সেইটা দিবে। ফল কথা—একাউঠার আদত
ঔষধ জ্বনি (Cholera remedies) ভুলিও না) ।

অনেক সময়ে হিকার কিছুতেই নিবারণ হয় না—এমন কি ঠিক লক্ষণ
মিলাইয়া ঔষধ দিয়াও সময়ে সময়ে কোন উপকার হয় নাট। অদৃষ্ট
হিকা কিছুতেই বন্ধ না হইলে আশঙ্কার বিষয় বটে ; কিন্তু লক্ষণানু-

যায়ক ঔষধ দিয়াও কোন উপকার হইল না বলিয়া রোগীর জীবনের

আপা ভাঙ্গ করিয়া চলিয়া যাউও না। এমনত অবস্থায় পেটের উপরি-

ভাগে (Epigastrium) বা পাকশযের উপর (Stomach) বাত-

সারিয়ার বেলেঙা দিয়া (mustard plaster) অনেক স্থলে হাতে

হাতে উপকার পাওয়ায়ি। আবার কখন কখন ক্লোরোফর্ম

(chloroform) ৫ ফোঁটা মাত্রায় সেবন করাইয়াও উপকার পাই-

যাছি। চিকিৎসা-ব্যবসায় বড়ই দায়িত্ব-সম্পন্ন— কারণ মনুষ্যের জীবন
 মৃত্যু চিকিৎসকের হাতে। সুতরাং “যতক্ষণ শ্বাস ততক্ষণ আশ”
 এই প্রাচীন গ্রাম্য কথাটি স্মরণ রাখিয়া কিসে রোগী আধোগা লাভ
 করিবে তদ্বিষয়ে সতত দৃষ্টি রাখিবে। চিকিৎসককে হতাশাস দেখিলে
 রোগীর প্রাণে বড়ই ভয় হইবে—সেই ভয়ে নাড়ী দমিয়া মৃত্যু হইবার
 সম্ভাবনা। কিছুতেই যখন কোন উপকার না হইবে তখন স্বক-চ্ছেদ
 করিয়া (by hypodermic syringe) ঔষধ দিয়া দেখা উচিত।
 কোন কোন চিকিৎসকের মত যে মুখে ঔষধ গিলিয়া খাইয়া (taken
 by mouth) উপকার না হইলে ঐরূপ স্বকচ্ছেদ পূর্বক লক্ষণানুযায়িক
 হোমিওপ্যাথিক ঔষধ ব্যবহারে উপকারের সম্ভাবনা। আমরা এ মতের
 অনুমোদন করি ; তবে কখন নিজে চিকিৎসায় ঐরূপে ঔষধ ব্যবহার
 করিবার সুযোগ পাই নাই সুতরাং এসম্বন্ধে কোন অভিজ্ঞতা নাই।
 আমাদের বিজ্ঞান-বিশারদ ডাক্তার মহেন্দ্রলাল সরকার এম্. ডি, ডি. এল,
 সি, আই, ই, মহাশয় হিকায় কোন ঔষধে উপকার না হইলে, স্বকচ্ছেদ
 পূর্বক মর্ফিয়া (hypodermic injection of Morphia) ব্যবস্থার
 উপদেশ দিয়াছেন। আমরা একটা রোগীতে ঐরূপ মর্ফিয়া স্বকচ্ছেদ-
 পূর্বক ব্যবহারেও উপকার না হইলে (failing with the hypo-
 dermic injection of Morphia) পাইলোকার্পিন (Pilocar-
 pine Hydrochlorate) ১ গ্রেণ মাত্রায় স্বক-চ্ছেদ পূর্বক ব্যবহার
 করিয়া সঙ্গে সঙ্গে উপকার পাইয়াছিলাম। ডাঃ হেলের নূতন ঔষধাবলী-
 গ্রন্থে (Hale's New Remedies) হিকায় পাইলোকার্পিন স্বকচ্ছেদ

পূর্বক, ব্যবহারে উপকার হইয়াছে—এইরূপ একটি রোগীর বিবরণ
মিবেশিত আছে। কিন্তু সেটি বোধ হয় ওলাউঠার হিকা নহে।
পাইলোকার্পিন্, জ্যাবোরাণ্ডির তীক্ষ্ণ-মার Active principle of
aborandi)।

এই স্বকচ্ছেদ পূর্বক ঔষধ প্রয়োগের আগে সিনা ২০০ কিষা
শ্রাণ্টোনাইন্ ১x দিয়া সগয়ে সময়ে রোগী আরোগালাভও করিয়াছে।
কারণ অনেক সময়ে কুমিতেও এইরূপ অনর্থ-শূলক হিকা আনয়ন
করে। কুমি বড় সঙ্কলনশে জিনিষ—ইহাতে কি যে না হয়, তাহা আমরা
বলিতে পারি না। বিকার, বিশেষতঃ ওলাউঠার বিকার, হিকা এবং
ওলাউঠার শেষের অদম্য বমি প্রভৃতি সর্বদাই কুমির জন্ত ঘটিয়া থাকে।
এই জন্ত বলিয়া রাখি ঐরূপ স্থানে সিনা বা শ্রাণ্টোনাইন্ না দিয়া
নিশ্চিত হইও না। এইরূপ হিকায় ছুধের সহিত অল্প চুণের জল
মিশাইয়া সেবন করাইলে উপকার হইবার সম্ভাবনা। আমরা মুড়ী-
ভিজান-জল, কচি-তাল-শাঁসের জল, কচি-ডাবের জল অল্প মাত্রায়
রোগীকে পান করিতে দিয়া, সময়ে সময়ে উপকার পাইয়াছি। একটি
রোগীর ওলাউঠার শেষে ভয়ানক বমির সহিত হিকা হইতেছিল, কোন
ঔষধে উপকার না হওয়ায় হাইড্রোসায়ানিক-এসিড ২x সোলিউশনে
(Hydrocyanic-Acid 2x Solution) অতি শীঘ্রই উপকার
দর্শিয়াছিল। *

* ৮ বিদ্যাসাগর মহাশয়ের যন্ত্রণাদায়ক হিকায় কিছুতেই কিছু না হওয়ায় একটি
রজনীগন্ধ ফুল বাটিয়া খাওয়াইলে উপকার হইয়াছিল।

রক্তক্ষয়তা ও তজ্জনিত বোলের চিকিৎসা ।

আগেই বলিয়াছি এই অবস্থায় অতিশয় ঘর্মের সহিত ঢকাঘাতা থাকিলে চায়না প্রধান ঔষধ । কথা বহিতে শ্বাসকষ্ট বোধ করিলে, রাত্রে অধিক ঘনাইল অথবা নিদ্রিতাবস্থায় অসাড় বেত-স্থান হইলে ও বক্ষস্থলে দুর্বলতা বোধ করিলে আমিড-ফস্ দিবে ।

ওলাউঠার পরে জ্বর বিকাব আবেগ্য হইয়া গাতব্য দুর্বলতা থাকিলে ও নাড়ীতে অল্প অল্প জ্বর বেগ থাকিলে “বস্ টিক্স” দিবে । উহাতে উপকাব না দিলে অক্ষম্ (যুগনাভ) বা ২০০ ক্রমেব আর্সেনিক প্রয়োগ করিলে বিশেষ উপকার হয় ।

বোগহেতু দুর্বলতা এবং তজ্জনিত শ্বাস দীর্ঘকাল নাশিত থাকায় কখন কখন পাছা অথবা কণ্ঠস্থ প্রকৃতি স্থান ক্ষীণ ও ক্ষত হয় । ইহাতে সাইলিসিয়া কিসা হেপার সলফার প্রয়োগ করা বিধি— এবং আদত (মাদার টিংচার) আর্গিকা ২০ গুণ জলে মিশাইয়া ক্ষত স্থানে শুকড়ায় ভিজাইয়া লাগান উচিত ।

যখন ইহাতে কোন উপকার না হইয়া ক্ষত-স্থান সকল গলিতাবস্থা ধারণ করে, তখন ল্যাকেসিস ও কার্বেয়া-ভেজিটেব্লিস্ সেবনে যথোচিত উপকার হইতে পারে । এই অবস্থায় ক্যালোডুলার আদত (mother tincture) আরক ১৫।১৬ ভাগ জলের সহিত মিশ্রিত লোসন বা ক্যালোডুলার মলম দ্বারা ঐ স্থান আবৃত রাখা উচিত । আমাদের দেশী গাঁদা-পাতা বাটিয়া দিলেও বিশেষ উপকাব হয় ।

৩-ওসিতে সাইনস্ বা নালী হইলে ছোট-গোয়ালের পাতা বাটিয়া দিলে অতি লীল আশ্চর্য উপকাৰ হয় ।

যুথব কতে নাইটিব-এসিড্ উত্তম ঔষধ । যদি উহাতে কোন ফল না হয়, মার্কিউব্রিয়স-ভাইড্রস বা হেপার সলফর চৈতন্য-ধিক্য (Sensitiveness) বৃদ্ধি বাবস্তা করিবে । নাইটিব-এসিডেব চিবপবিচিত লক্ষণ এই যে গলায় কাটা দারা খোঁচা অথবা কি যেন খোঁচা লাগিতেছে একপ বোধ হয় ।

চক্ষুতে রক্তাধিক্য হইয়া ক্ষত হইলে পলসটিলা আগেন বলিয়াছি ।

Embolism বা রক্ত আটকান ।

রক্তের জলীয়াংশ অতিবিক্রম ভেদ ও বমি দ্বারা কম হইলে, রক্ত ঘন হইয়া জমিয়া এখানে ওখানে আটকাইয়া যাউতে পারে । পতনাবস্থার পর ২১১ মাত্রা সিকেল দিয়া রাখিলে আব এ উপদ্রব না হওয়াবই খুব সম্ভাবনা । হৃৎপিণ্ডের কোন স্থানে এককপে রক্ত জমিলে বা অন্য কোন স্থানে জমিয়া রক্তস্রোত (Circulation of Blood) সহকাৰে হৃৎপিণ্ডের দাব বা প্রাণীবের নিকট আসিলে হঠাৎ হৃৎপিণ্ড নিষ্ক্রিয় হইয়া মৃত্যু হইবারই সম্ভাবনা ।

ফসফরস্—হৃৎপিণ্ডে রক্তের চাপ্ আটকাইয়া গলার আওয়াধ ভাব ; রক্তমাথান-সন্ধি-উঠা, গলায় শুভ-শুভী, টেনে টেনে নিশ্বাস ফেলা ।

টার্টার-এমেটিক—গলা ঘড় ঘড়ি সহিত দম আটকাইয়া যাওয়া—(মালজাব সাহেব এই অবস্থায় ক্যাল্কেরিয়া-আর্সোনক দিতে

বলিয়া গিয়াছেন)। এই অবস্থা বড় মারাত্মক—সেইজন্তু কালকে রোগী-
 আসেনিকেও বলিতে কি আমাদের বড় ভয়সা হয় না। ফলতঃ যদিও
 এ অবস্থার ২৩টী ঔষধের কথা লিখিলাম আমরা কিন্তু কোন
 ঔষধের উপকারিতা বিষয়ে আশ্বাস দিতে পারি না—কারণ ইহাতে হঠাৎ
 দম আটকাইয়া অবসাদ-লক্ষণ সকল (Cyanotic symptoms) প্রকাশ
 পায় ও রোগীর শীঘ্র মৃত্যু হয়। এইজন্তু অর্থাৎ এইরূপে হঠাৎ রোগ-
 আক্রমণ ও সেই সঙ্গে অবসাদের সহিত (Cyanotic Symptoms)
 দেখা দেয় বলিয়া ৫ মিনিট অন্তর ক্যাম্ফর বা সিকেলি প্রয়োগ করিলে
 আমাদের বিশ্বাস উপকার হইবার সম্ভাবনা।

পরিশেষে একটা কথা বলিয়া উপসংহার করি—রোগ শাস্তির পর
 খুব বুঝিয়া পথ্য দিবে—একেবারে অনশনে রাখিও না, কিম্বা অত্যধিক
 বলকারক পথ্যও দিও না—তাহা হইলে অল্প দিনেই রোগী বল পাইবে।
 শিশুদিগের ওলাউঠার-চিকিৎসা পৃথক ভাবে ও বিশদরূপে বর্ণনা করা
 প্রয়োজন, কারণ শিশুরা কিছুই বলিতে পারে না; সুতরাং চিকিৎসক
 মনোযোগ সহকারে দৃশ্যমান লক্ষণ সকল বিশেষরূপে অনুধাবন না
 করিলে এবং তাহাদিগের পার্থক্য সম্যকরূপে হৃদয়ঙ্গম না করিলে পদে
 পদে ঠকিবেন—সেইজন্তু নিম্নে প্রতি ঔষধের পার্থক্য বুঝাইয়া লক্ষণ
 বিবৃত হইল।

শিশু-ওলাউচার প্রধান ঔষধ ।

(Infantile-cholera-Remedies)

একোনাইট	...	...	...	Aconite.
ইথুসা-সিনাপিয়ম্	...	...	...	Æthusa-Cynap.
এন্টিম-ক্ৰড্	...	...	...	Antim-Crud.
আৰ্জেন্টম্ নাইট্ৰাস	...	...	...	Argentum-Nitras
এপিস্-মেলিফিকা	...	...	...	Apis-Melifica.
আর্সেনিক্	...	..	...	Arsenic.
এসিড-কার্বলিক	...	...	...	Acid-Carbolic.
বেলাডোনা	...	...	...	Belladonna.
মনোব্রোমাইড্ অব ক্যাম্ফর	...	...	...	Mono-Bromide of Camphor.
ক্যাল্কেরিয়া-কার্ব	...	...	...	Calcareo-Carb.
ক্যাল্কেরিয়া-ফস	...	...	...	Calcareo-Phos.
চায়না	...	...	...	China.
ক্যামোমিলা	...	...	..	Chamomilla
ক্রোটন-টিগলিয়াম্	...	...	...	Croton-Tiglium.
সিনা	...	...	...	Cina.
কুপ্রম-আর্স	...	...	...	Cuprum-Ars.
ক্লোরাল-হাইড্রেট	...	...	...	Chloral-Hydrate

ইলাট্রিয়াম্	...	...	...	Elateium.
ইপিকাকুয়ানা	...	...	...	Ipecacuanha.
ফেরুম-ফস	...	..	...	Ferrum-Phos.
ক্যালি-ফস	...	...	...	Kali-Phos.
ক্যালি-ব্রোমাইড	...	...	...	Kali-Bromide.
ওপিয়াম্	...	...	...	Opium.
পডোফাইলম্	...	...	...	Podophyllum.
প্সোরিনম্	...	...	...	Psorinum.
রিসিনম্	...	...	...	Ricinus.
সিকেলি	...	...	...	Secale.
সিলিসিয়া	...	...	...	Silicia.
সাল্ফর	...	...	...	Sulphur.
ভেরেট্রম্	...	...	...	Veratrum.

শিশু-ওলাউঠার চিকিৎসা ।

এই সূত্রহং ঔষধ-তালিকা দৃষ্টি করিয়া পাঠক মনে করিবেন যে এ কি ভয়ঙ্কর কথা ! ভীষণ ওলাউঠার চিকিৎসায় যাহা প্রয়োজন হয় নাই—সামান্য শিশু-কলেরায় যে তাহাপেক্ষা দ্বিগুণ ব্যবস্থা । সেই পুরাতন গ্রাম্য কথা—“বার হাত কাঁকুড়ের তের হাত বীচি” যেন এই পক্ষে ঠিক খাটে ।

আদিত কলেরা বা ওলাউঠার কারণ পার্কেট বলা হইয়াছে ; আর এই “শিশু-ওলাউঠার কারণ নির্দিষ্ট হইয়াছে যে, কোন শিশু ময়লা

বা পচা জ্বোষাখিত গ্যাস বা ড্রেনের গ্যাসোৎপাদিত বিবে (Sewer gas) রোগ উৎপন্ন হইতে পারে অথবা কলেরা-এপিডেমিকের সময় কোন বাটীতে বা পল্লীতে রোগের প্রাদুর্ভাব বশতঃ কোন গতিকে ক্ষীণ এবং দুর্বল অথবা স্ক্রোফিউলস * ধাতুর শিশুগণকে এই রোগ আক্রমণ করিতেও পারে। কিন্তু অধিকাংশ-স্থলে দন্ত-নির্গম (dentition) কারণ হইয়া কিম্বা কেবল অতিসার (gastric catarrh) আশ্রয় হইয়া ক্রমশঃ রীতিমত কলেরার পরিণত হয়। বলিতে কি, প্যাথলজি (Pathology) অনুসারে ইহার নাম (Enteritis, Collitis বা Gastro-Enteric-catarrh হওয়াই উচিত। এইজন্য দেখ! অতিসার এবং উদরাময়িক-কলেরার আক্রমণাবস্থার ঔষধ সকলই— এই রোগের নিরূপিত ঔষধ। এখন কারণ বুঝিলে—ঔষধের তালিকা এত দীর্ঘ কেন?

* আমরা স্ক্রোফিউলস ধাতুর (scrofulous diathesis) বাক্সালা অনুবাদ ইচ্ছা করিয়া দিলাম না। আমরা মনে করি এক কথায় উহার কোন সম্পূর্ণভাবে-জ্ঞাপক প্রতিশব্দ হইতে পারে না। বাক্সালা চিকিৎসা-পুস্তকে “গামালা-ধাতু”, “সদি প্রবণ-ধাতু” বা “খোস-পাচড়ার ধাত” ইত্যাদি প্রতিশব্দ যদিও লিখিত হইয়াছে কিন্তু সেই সকল লেখকই বলুন দেখি ইহার একটিও কি একটি একটি লক্ষণ জ্ঞাপক বাতীত সম্যক্রূপে স্ক্রোফিউলস ধাতুর অর্থ-জ্ঞাপক হইয়াছে? এ পর্য্যন্ত ইংরাজী না কোন ভাষায় এক কথায় উহার কোন অর্থ (definition) দেখি নাই। সুবিখ্যাত জার্মান শারীরতত্ত্ববিদ ও চিকিৎসক ভন নিমায়ার (Von Nemeyer) ইহার যে definition দিয়াছেন তাহার ইংরাজী অনুবাদ নিম্নে দিতেছি—পাঠক বুঝিতে পারিবেন ইহার বাক্সালা অনুবাদ কেমন অসম্ভব। যথা—(Scrofula is that invulnerable constitutional tendency which prevents nature from doing her work in certain constitutions).

এক্ষণে লক্ষণ সমূহের প্রভেদ দেখাইয়া কিরূপে কোন্ লক্ষণীয় উপযোগী কোন্ ঔষধ নিষ্পাচন করিতে হইবে তাহা বলিব। শিশু-কলেরা রোগও বড়ই আশঙ্কা-জনক; ইহাকে সামান্য জ্ঞান করিয়া তাচ্ছিল্য করিবে না। শিশুরা তাহাদের গীড়ার লক্ষণ সকল বলিতে পারে না—এবং বলিবার ক্ষমতা তখনও পর্যাপ্ত জন্মায় নাই। চিকিৎসককে লক্ষণ সকল আপনি বুঝিয়া লইতে হইবে—এই জন্ত বাহ্যে ও বসির উপর অধিক লক্ষ্য রাখা চাই ও সেই সঙ্গে বাহ্যিক লক্ষণ সকল ও পুষ্কারপুষ্কারপে পরিষ্কৃত হইতে হইবে। শিশু মাতৃস্তন পান করিলে মাতার আহারের বিষয়ে বিশেষ লক্ষ্য রাখিয়া চিকিৎসা করিতে হইবে। তখন যত “কোট-কেনা” মাতাকেই সহিতে হইবে ও প্রয়োজন হইলে তাঁহাকেও ঔষধ সেবন করিতে হইবে। মাতার স্তনের দুধ বাড়িয়া সস্তানের উদরাময় হইয়া ক্রমে উহা শিশু-কলেরায় পরিণত হইলে মাতাকে কয়েক মাত্রা ক্যালেকোরিয়া-দ্রব্য দিলে যত উপকার হয় কেবল খোঁসকে ঔষধ দিলে তত উপকার হয় না। বহু দিনের চিকিৎসায় এই অভিজ্ঞতা প্রত্যক্ষ করিয়া তবে সাহস করিয়া বলিতে সমর্থ হইতেছি। তোমরাও নিজ-নিজ চিকিৎসায় এই মতে চলিয়া নিশ্চয়ই অভূতপূর্ব ফল পাইবে ও তখন এই কথা স্মরণ করিবে।

একোনাইট—(Aconite) শিশু হঠাৎ গীড়িত হইলে (একোনাইটের গীড়া হঠাৎ আসে তাহা অনেকবার বলা হইয়াছে) গ্রীষ্মকালে দিনে যখন খুব গরম ও রাত্রে ঠাণ্ডা এইরূপ ঋতুতে গীড়া হইলে, কিম্বা ভিজিয়া বা ঠাণ্ডা লাগিয়া অথবা ঘাম হঠাৎ বন্ধ হইয়া

গীড়া হইলে, আর প্রদাহের (inflammation) প্রথম লক্ষণ সকল দেখা দিলে এবং একোনাইটের বিশেষ-লক্ষণ সকল (characterestic symptoms) যথা—ছটফটানি, ঘেন্ঘেনানি, অত্যন্ত পিপাসা, গা খুব গরম, গায়ের চামড়া থস্‌থস্‌ ; আব নাড়ী দ্রুত মোটা ও স্থূল (full hard and quick) ও বাহ্যে—জলবৎ, সবুজ, পিত্তজ, আম-মিশ্রিত, রক্ত-মিশ্রিত ; এবং পেটে ভয়ানক বেদনা ও যন্ত্রণা—কোন রকমে সন্তি পায় না, তাই এ পাশ্ ও পাশ্ করে আব কাঁদে ; এবং যাহা পান করিয়াছে তাহা বমি ও সেই সঙ্গে ঘর্ম থাকিলে ইহা অব্যর্থ ।

Aethusa	Antim-Crud	Calcareo-Carb	Ipecac
ইথুজা,	এন্টিম-ক্রড,	ক্যাল্‌কেরিয়া কার্ব,	ইপিকাক

এই চারিটি ঔষধের লক্ষণ এত সমতুল্য যে, উহাদের লক্ষণের প্রভেদ বিশেষ রূপে না জানিলে ঔষধ-নির্বাচনে ভুল হইবার সম্ভাবনা ।

দেখ ! ইথুজা, ক্যাল্‌কেরিয়া, এন্টিম-ক্রড্ ও ইপিকাক্ এই চারিটি ঔষধেই খুব বমি আছে অথচ বমির প্রভেদ কত দেখ ।

ইথুজায় বমি ও গা-বমি-বমি, খুবই বেশী ; ইপিকাকে বমি অপেক্ষা গা-বমি-বমি বেশী ; ইথুজায় গা-বমি-বমি ইপিকাকের মত ; কিন্তু এন্টিম-ক্রডে গা-বমি-বমি নাই তাহা নহে—তবে ইথুজা-ও ইপিকাকের তুলনায় কম—আর এন্টিম-ক্রডে গা-বমি-বমি চলিয়া গেলেও বমি খুব থাকে । ইথুজায় বমি—এই দ্রুত থাকিল তখনি বমি করিল—কিন্তু বমি দধির মত জমা-জমা—এত বড় বড় কমা যেন উঠিবার

সময় গলনলী বন্ধ হইয়া যায় আর এই জমা-জমা দুধ কখন কখন শাদা বা হরিজা ও সবুজ রঙেরও হয়। এটিম্-ক্রড়ে কিছু পাইলেহ বা জলপান করিবামাত্র ভুক্ত্রবা বা জলবৎ বমি কিসা নিতান্ত শিশু হইলে জমা-জমা বমি কিন্তু ইথুজার মত অত জমা-জমা নহে, এটিম্-ক্রড়ে যেমন বমি অধিক তেমন অকৃতলা ও কাটবমিও অধিক। ইপিকাকে বমি অধিক, গা-বমি-বমি আরও অধিক। ইথুজায় বমির পর ছেলে একেবারে যেন “খাতা-কাতা” (exhausted) হয়ে পড়ে, আর সঙ্গে সঙ্গে ঘুমিয়ে পড়ে, কিন্তু ঘুম ভেঙে উঠেই ক্ষুধা। এটিম্-ক্রড়ে ইথুজার তায় জোরে (with rush) বমি উঠে না। ইথুজা—কঠিন রোগে (severe cases) যেখানে আহারের দোষে বা গ্রীষ্মকালের উদরাময়-হেতু অথবা দস্তনির্গম জন্ত শিশু পীড়িত হইয়া নিতান্ত দুর্বল হইয়া পড়িয়াছে। (that have been prostrated by a long course of bad diet, by summer complaint or irritation of teething.) ইপিকাকের বমন, আহার মাত্র বা কাসিবার পর বটে, কিন্তু ইপিকাকে জিহ্বা প্রায়ই পরিষ্কার—কদাচ সামান্য অপরিষ্কার; আর এটিম্-ক্রড়ে জিহ্বা ভয়ানক শাদা; এইটী ইহার বিশেষ লক্ষণ (characteristic symptom) বলিয়া জানিবে। জিহ্বার আগা হইতে গোড়া (over the whole dorsum of the tongue) পুরা শাদা লেপ বা কোটিং (coating) টংরাজীতে ইহাকে (white-wash) বলিয়া থাকে—সময়ে সময়ে এই শাদা কোটিং ফিকে হরিজা রঙের

(slightly yellowish tinge) হয়; কিন্তু তাহা প্রায় জিহ্বার পশ্চাৎভাগে (on the back part of the tongue) থাকে। এণ্টিম-ক্রুডে-বমন, পেটভার ও অজীর্ণ, পাকস্থলীর গোলমালে হয়।

- আগে বলা হইয়াছে ইথুজায় বমির পর ঘুম ভাঙ্গিয়াই ক্ষুধা, শিঙ সেই ক্ষুধা মাতৃস্তন খাইতে চায়। এণ্টিম-ক্রুডেও বমির পরই ক্ষুধা, কিন্তু মাতৃস্তন পান করিবার পরই বমি করিলে আর স্তন পান করিতে চায় না অথচ দুধ খাইতে চায়। মনে থাকে ইথুজায় বমির জমা-দুধ (curdled milk) শাদা, হলদে ও সবুজ রঙের কিন্তু এণ্টিম-ক্রুডে কেবল শাদা রঙের।

ইথুজায় বাহে—তরল, ফিকে-হলদে; (yellowish) এবং ফিকে-সবুজ; (greenish) জলবৎ, আমযুক্ত, সবুজ-আমযুক্ত, এবং বাহের সময়ে ও আগে পেটে খুব ব্যাথা ও বেগ থাকে। আগে বলা হইয়াছে ইথুজায় রোগ কঠিন ও হাতের বুড়ো আঙ্গুল মুটো কোঁরে থাকে এবং চক্ষু যেন উন্টে পড়ে বা একদৃষ্টে রোগী চেয়ে থাকে; (হাইড্রোসিয়া-নিক-এসিড দেখ) সময় সময় চোয়াল ধরে যায়, নাকী খুব দ্রুত পুষ্টি ও ক্ষীণ, (quick but small and hard) আচ্ছন্ন ভাব ও নিজায় চম্কাইয়া উঠে। অভিজ্ঞতার ফলে একটি বিষয় বাহা বুঝিয়াছি তাহা জানাইতেছি—ইথুজাতে কঠিন রোগ আরোগ্য হয় বটে কিন্তু শেষে অল্প ঔষধের প্রয়োজন হয়। যথা Psorinum সোরিনম্ (Sulphur) সলফর ইত্যাদি।

এণ্টিম-ক্রুডে—বাহে জলবৎ এবং প্রায়ই পরিমাণে অধিক

(generally profuse); বাহ্যের সঙ্গে ছোট ছোট মলের কুচি বা জমা-জমা হলদে দুর্গন্ধযুক্ত হুথের কুচি থাকে।

এণ্টিম্-ক্রডের-রোগীর ধাতুটা চিকিৎসকের মনে রাখা উচিত। ছেলে ভয়ানক খুঁৎ-খুঁতে—তার দিকে কেহ চাহিলে তার সহ্য হয় না, তাই কাদে—কিছুতেই তার আর ভাল লাগে না, কেবল ঘ্যান্-ঘানানি ও কান্না; নাকের ডগা, মুখের কোন্, জিহবার ধার গুলি ফাটা-ফাটা (Nostrils and corners of mouth sore and cracked; At other times you will find the borders of the tongue sore and red)

ইপিকাকৈ বাহো—খুব সবুজ, ঘাসের মত সবুজ, (green as grass) অল্প সবুজ, জলবৎ নেবুর রঙের রঙের জায়; ধুধুর বুজ-বুজের ন্যায়; (fermented) নিজাকালে যদি অল্প অল্প হাত পা ও পেশী নড়ে আর রোগীর অল্প আচ্ছন্নভাব থাকে তাহা হইলে ইপিকাকৈ আরোগ্য হয়।

ক্যাল্কেরিয়া-কার্ব “ক্যাল্কেরিয়ার ধাতের ছেলে (Calcaria-children) দেখলেই চেনা যায় ও বেশ বোঝা যায় কিন্তু ভেমন সহজে বোঝান যায় না—ক্যাল্কেরিয়ার ধাতের ছেলেগুলির পেটটা গোঁড়-গোঁড় হাত পা গুলো রোগা-রোগা, চেহারা টেঁপা-টেঁপা, গোল-গোল, নাক দিয়ে সিগুনী গড়ায়, আঁখ কান্ন পাচ্ছে—কাল দাঁত গুলিতে পোকা ধরে বাধায় কাদছে—একটা না একটা লেগেই আছে; মাথায় ঘাম হচ্ছেই, আর গায় মাথায় ঘেমে গন্ধ ধোঁওয়াইলেও যায় না।

হানিমানের এই উপদেশ যেন স্মরণ থাকে যে রোগীর ধাতু (constitution) বুঝিয়া ঔষধ প্রয়োগ করাই যথার্থ চিকিৎসা। ক্যাল্কেরিয়ার বাহো

সবুজ, (green) শাদা খড়ির মত (chalc-like), জলবৎ, (watery) ফিকে-শাদা (whitish) ফেকাশে (whitish gray) এবং অধিক পরিমাণে জলবৎ হুল্লে বাহ্যে—এত তরল যে বিছানার চাদরে কেবল অল্প ফিকে ছোপ ধরে। (Large, watery, yellow,—merely staining the diaper yellow) আর বাহ্যে দুর্গন্ধ ও ধর-গন্ধযুক্ত (Fetid and pungent) এমন কি পচা-ডিমের গন্ধের মত (smelling like rotten eggs)। ক্যাল্কেরিয়ায় বাহ্যের এই বিশেষত্বটী যেন মনে থাকে—বাহ্যের গন্ধ খুব টক্ ও বাহ্যের স্নেহ জমা-জমা দুধ জীর্ণ না হইয়া নির্গমন (undigested containing curdled milk)। ইথুজায় বমির সহিত আছে বাহ্যের সহিত কিন্তু জমা-জমা দুধ (curdled milk) নাই আবার ক্যাল্কেরিয়ায় উহা যত অধিক এন্টিগ-ক্রাডে তত নহে—তবে অল্প স্নেহ আছে। ক্যাল্কেরিয়ায় বাহ্যের সহিত শাদা ছোট ছোটকুমী (ascarides) নির্গত হয়। এন্টিমন-ক্রাডে ছেলের মুখের দিকে তাকাইলে পর্যন্ত রাগ করে, কাঁদে, ঘ্যান্-ঘ্যান্ করে—ক্যাল্কেরিয়ায় তত না হোক—ছেলে খুব এগ্জ'স্ট্র'য়ে, কেবল কাঁদে, (obstinate and self-willed and criease persistently) ছেলেকে কোলে তুললে যেন ফ্যাল্ ফ্যাল্ করে 'চেয়ে' থাকে ও বাহ্যে বমির দরুণ ব্রহ্মভেলো বসে যায় (cranial sutures widely open and fontanelles open and sunken)। আগে যে স্ক্রোফিউলস্-ধাতুর (scrofulous diathesis) কথা বলিয়া গিয়াছি—ক্যাল্কেরিয়াতে সেই স্ক্রোফিউলস্-ধাতুর (scrofulous diathesis) ছবি (picture of similarity) দেখিতে পাইবে, অর্থাৎ ছেলের পেটটা ডাগর যেন টেপাটি—কিন্তু মুখখানি সেটুকান ও গায়ের চামড়া

যেন কোঁচকান (wrinkled skin) । মনে থাকে যেন যে, ক্যাল্কে-
কেরিয়ার বাহেও টক্—বমিও টক্ । খুব জানিবে যে, ক্যাল্কেকেরিয়াতে
ছেলের দুধ সহ্য হয় না—যেমন থাইল অগনি উহা জমা-জমা বা খুব জমাট
দধির মত বমি করিল অথবা ঐরূপ জমা-জমা (lumps) হইয়া বাহে
হইয়া গেল । ক্যাল্কেকেরিয়ায় ক্ষুধা ও পিপাসা খুব বেশী ; ছেলে ক্ষুধায়
সদাই হাঁই হাঁই করে । বাহের রঙ আগে বলিয়াছি হলদে, সবুজ
ও জলবৎ—উহাতে কিন্তু টক্-গন্ধ আছেই । দন্ত-নির্গমে বিলম্ব (tardy
dentition) ক্যাল্কেকেরিয়ার নির্দিষ্ট লক্ষণ । (দন্ত-নির্গমে বিলম্ব এবং
তজ্জন্ম ভেদ ও বমিতে ক্যামোমিলাও নির্দিষ্ট বটে কিন্তু ক্যামোমিলার
মানসিক-লক্ষণ সকল না থাকিলে উহার প্রয়োগে ফল হয় না ।)
ক্যাল্কেকেরিয়ায় পাকস্থলীর নিয়মেশে যেন কি উঁচু হয়ে থাকে (Pit of
the stomach swollen like an inverted saucer) ও প্রস্রাব
প্রায়ই পরিষ্কার কিন্তু অতিশয় খর-গন্ধ ও দুর্গন্ধময় ।

এই বারের ক্যাল্কেকেরিয়ার ধাতের আদত কথাটি বলিয়া শেষ
করিব । পা সর্বদাই ঠাণ্ডা (feet constantly cold and damp)
আর ঘুমাইলে আতরিত্ত্ব ঘর্ম্ম মাথার পশ্চাৎ ভাগে হয় এমন কি বাপিস্
ভিজিয়া যায় (profuse sweat on the head when sleeping
specially on the back of the head wetting the pillow.)

ক্যাল্কেকেরিয়া-ফস্—(Calcaria-Phos) প্রায়ই সকল
লক্ষণ ক্যাল্কেকেরিয়া-কার্বের মত তবে ইহার বাহে প্রায়ই সবুজ,
অজীর্ণ, গরম, বাহের সময় খুব ফট্-ফট্ করিয়া আওয়াজ হয়, (with
much spluttering) [এই লক্ষণ আর্জেন্টম্ নাট্টাসে ও আছে]

ও খুব জোরে নির্গত হয় (green watery stools forcibly expelled) এবং বাহ্যের সঙ্গে খুব বায়ু গ'রে । নাক, কান, দাড়ী, খুব ঠাণ্ডা ও অনবরত বমি অথচ শিশু মা'র গাই ছাড়িতে চাহে না । ছেলে যেন শুকিয়ে দড়ি হয়ে যায় আর তাহার গায়ের চামড়া, নল হয়ে যেন খুলে পড়ে । ক্যালকেরিয়া-ফমের রোগীর ধাতু—ক্যালকেরিয়া-কার্বের রোগীর ধাতের মত ।

আর্জেন্টম্	আর্সেনিক	এপিস্-মেলিফিকা
Argentum-Nitras	Arsenic	Apis-Melifica

আর্জেন্টম্—রোগী ভয়ানক মিছিরি চিনি বা বাতাসা খায়, এবং দিতে একটু বিলম্ব হইলে কাঁদে, বায়না করে । আর্জেন্টমের রোগী বড়ই শীর্ণ যেন শুকিয়ে কাটি হয়ে গেছে, (Who are thin, dried-up, looking almost like mummies) হাত পা গুলি কেবল হাড়ের উপর চামড়া ঢাকা (The boys are apparently nothing but skin and bones) । বাহ্যে খুব বায়ু-নিঃসরণের সহিত হয়, উহা সবুজ, নাপ-হড়-হড়ে (slimy) আর মনে থাকে আর্জেন্টমে থাইলেই বাহ্যে হয়—আর এত শীঘ্র হয় যে মুখে পাবার দেওয়া আর যেন বাহ্যে হইয়া বেরিয়ে আসে । ইহাতেও চটফটানি আছে তবে সে কেবল দুর্বলতার ক্ষুদ্র । পূর্বে বলা আছে আর্জেন্টমে শ্বাস-কষ্ট আছে আর খুব জোরে টেনে ফোঁস ফোঁস করে নিশ্বাস ফেলে (difficulty of breathing with long sighs) ।

আর্সেনিক—(Arsenic) আর্সেনিকের লক্ষণ সকল ওলা-উঠা-জাগে খুব বিষমরূপেই বর্ণনা করা হইয়াছে । বাহ্যে ও বমি

হুইই আহার বা পানের অনতি-বিলম্বেই বৃদ্ধি হয়। অনেকবার ভেদ ও বমি, ভেদ চাল-ধোয়ানি জলের মত অথবা ফিকে হলদে রঙের অকীর্ণ ভেদ—পরিমাণে খুব বেশী নয় কিন্তু অত্যন্ত শীঘ্র শীঘ্র হয় ও ভেদে ভয়ানক পচা-গন্ধ। প্রবল পিপাসা ও ছটফটানি ও সেই সঙ্গে ক্ষুধা শিশুর যেন কি ভয়ানক কষ্ট হইতেছে—এইকণ ভাব দেখিলেই আসেনিক অগ্রেই দিবে কারণ এই পিপাসা ও ছটফটানী শিশুদিগের পীড়ার আধিক্য হয় বৃদ্ধিতে হইবে। আসেনিকের বমির রঙ জলবৎ, সবুজ, হলদে ও পিত্তজ আর রোগীর গায়ে হাত দিয়ে দেখে বরফের স্থায়ী ঠাণ্ডা কিন্তু অন্তরে (internally) যেন জলে যাচ্ছে—সেই জন্যই অত্যন্ত ছটফটানি ও পিপাসা। (সলফারের পিপাসা ও ছটফটানি খুব, তবে খুব ঠাণ্ডা চায় ও নাড়ী বেগবতী, আসেনিকে ঠাণ্ডা চায় না, নাড়ী যেন নাই বা বড় ক্ষীণ)।

এপিস্—(Apis mel) ছেলেনের উদরাময়ে ও শিশু-কলেরায় এপিস্ একটি অমূল্য ঔষধ। বাহ্যে প্রায়ই হলদে, রঙ-শূন্য জলেব মত, কালচে জলের মত; সময়ে সময়ে ফিকে সবুজ, চট-চটে (slimy) হলদে ও জলবৎ—“দুর্গন্ধ-ভেদ অথবা বেদনা শূন্য” অসাড়ে বাহ্যে, মলদ্বার খুলিয়া থাকায় প্রাতি বাহ্যেই অসাড়ে হয় আর শিশু তাহা জানিতেও পারে না। পিপাসা এককালে নাই—বমন জলবৎ ও টক-গন্ধ-যুক্ত, বায়ুতে পেট-পরিপূর্ণ ও ফোলা, পেট ডাকা, পেটে হাত দিলেই টাটান-ব্যথা বোধ করে—এমন কি হাঁচিতে কাশীতে বেদনামুভব করে, প্রস্রাব এককালে বন্ধ বা যদি হয় তাহা যৎসামান্য ও বিনা কৌশে নির্গত হয় না—খুব অধিক পরিমাণে এবং শীঘ্র শীঘ্র প্রস্রাবও অনেক সময়ে হয়। জ্বরে, পা গরম, বিকার, আচ্ছন্নতা, আর

সেই আচ্ছন্ন ও অজ্ঞানভাবের সহিত মধ্যে মধ্যে চিক্কীড দিবে চেষ্টায়ে উঠা—মাথা গরম বিশেষতঃ মাথার পশ্চাৎ দিক অধিকতর গরম—আব সেই সঙ্গে মাথা ঢালা অথবা কেবল মাথা নেড়ে বালিস চূম্বেরে ফেলে দেয়—(boring of the head back into the pillow) । হাত খুব ঠাণ্ডা আব ক্রমিক সেই ঠাণ্ডা নীচে হইতে উপরে উঠে ।

বেলাডোনা—(Belladonna) শিশুদিগের গ্রীষ্মকালের শীড়া (summer complaints) যাহাকে শিশু-ওলাউঠা (Infantile Cholera) বলিয়াই নির্দেশ করা হয় এবং বস্তুতঃ যাহা রোগ নির্ণয় কালে এন্টেরো-কোলাইটিস বা গ্যাসট্রো-এন্টেরিক-কাটার নামে অভিহিত হয় (pathologically-Entero-collitis or Gastro-enteric-catarrh) ; বেলাডোনার প্রদাহ নিবারণের ক্ষমতা থাকায় ইহা বিশেষ উপকারী—চিকিৎসকদিগের ইহা মত । নিম্নলিখিত লক্ষণে বস্তুতঃ বেলাডোনা, উপকারী । পুনরায় বলিতেছি আমরা রুটিন-চিকিৎসা (routine practice) অনুমোদন করি না—সেইজন্য বলিতেছি যে বেলাডোনার প্রদাহ নিবারণে ক্ষমতা আছে জানিয়া পুঙ্খানুপুঙ্খ রূপে লক্ষণ নির্কীচন না করিয়া এই রোগে বেলাডোনা প্রয়োগ করিতে আমরা পরামর্শ দিই না ।

বেলাডোনার অনেক লক্ষণের ভিতর অনেক প্রদাহও আমরা একটি লক্ষণ মনে করি ও এইরূপ যান্ত্রিক-পরিবর্তন (Pathological-Condition) রোগের একমাত্র লক্ষণ নহে—ঔষধ-নির্কীচন কালে এই প্যাথলজিকাল সিমিলিম (Pathological similitum) লক্ষণ-গত সিমিলিমমের অন্তর্ভুক্ত—ইহাই আমরা জানি ।

“যখন কোন নিষ্কিষ্ট কারণ বিনা শিশু ভয়ঙ্কর রোদন করে, যন্টির পর ঘণ্টা চিৎকার করিয়া কঁাদিতেছে—বিশ্রাম নাই” ; “অঙ্গীণের সহিত পেটে যজ্ঞাদায়ক বেদনা যাহা হঠাৎ আসে ও হঠাৎ যায় ; (suddenly coming and suddenly going) আর সেই বেদনার যজ্ঞায় শিশু পশ্চাৎ দিকে ঝুঁকিতে থাকে ; সামনে ঝাঁক—(Colocynth) সময় সময় ট্রান্সভার্স-কোলন (transverse colon protrudes like a pad in the Umbilical region) একটি প্যাডের মতন হইয়া নীচে ঠেলিয়া বাহির হয় ; ভেদ সবুজ বা অল্প হরিদ্রাজাতীয় (yellowish) জলবৎ—তবে শক্ত-মলের ন্যায় যাহা মিশ্রিত থাকে তাহা দুগ্ধের কেসিন (caseine) নামক পদার্থ । ফলতঃ বেলাডোনার বাহ্যোটা যেন বেশী আগাশয় যুক্ত ও সেই সঙ্গে বেগ (tenesmus) ও বোঁধানি (straining) খুব থাকে । বাহ্যের পর গা শিউরে উঠা, (shuddering) খুব জ্বর—জ্বরে আচ্ছন্নতাব ও ঘুমে চম্কে-উঠা বেলাডোনার বিশেষ লক্ষণ ।

চায়না—(China) দেহের তরল-পদার্থের নাশ-হেতু কর্ণলতা (debility from loss of fluids)—সুতরাং ভয়ানক রক্তমের শিশু-ওলাউঠায় যখন শিশু অঘোর ও আচ্ছন্ন, চক্ষু-গোলক খুব বন্ধ, নখাঙ্গ ঘন-ঘন আর যেন ভিতর হইতে পড়িতেছে না—(superficial) যখন ভেদ নয় অগাড়ে চলিতেছে নয় একেবারে বন্ধ ও সেই সঙ্গে পেট ঝাঁপ—গা খুব ঠাণ্ডা বিশেষতঃ উচ্চ স্থান গুলি অর্থাৎ কান নাক ঠোঁড় খুব ঠাণ্ডা অথবা যদি রোগীর তখনও পর্যাপ্ত কিছুমাত্র জীবন-ক্রি (vitality) থাকে তবে নিশ্চয়ই চায়নার সে রোগী ফিরিবে ।
উদরাময়ের লক্ষণ ওলাউঠার আক্রমণাবস্থার চিকিৎসায় দেখে) ।

• ক্রোটন-টিগ্	পডোফাইলম্	ইলাটেরিয়ম্
Croton-Tig	Podophyllum	Elaterium

এই তিনটি ঔষধের লক্ষণ সকল ওলাউঠার আক্রমণাবস্থার চিকিৎসায় বর্ণিত হইয়াছে। তবে যে প্রভেদ টুকুর উপর নির্ভর করিয়া এই তিনটির লক্ষণের পার্থক্য ঠিক করিতে পারা যায় তাহাই বলিতেছি—

ইলাটেরিয়ম—(Elaterium)—জলবৎ ভেদ, রঙ দীর্ঘৎ সবুজ (olive green) কিন্তু যেন তোড়ে নির্গত হইতেছে। (ওলাউঠার আক্রমণাবস্থার চিকিৎসায় লক্ষণসমূহের বিস্তৃত-বিবরণ দেখ)।

ক্রোটন—(Croton-Tig)—অধিক পরিমাণে হলুদ রঙের জলবৎ বাহ্যে তোড়ে নির্গত হয় এবং রোগী কিছু খাইলে বা জলপান করিলে বাহ্যে ও বমির বৃদ্ধি হইতে থাকে। (ওলাউঠার আক্রমণাবস্থার চিকিৎসায় বিস্তৃত-বিবরণ দেখ)।

পডোফাইলম—(Podophyllum) জলবৎ বাহ্যে, রঙ হলুদে আবার সবুজও হয়—কিন্তু সকালের দিকে পরিমাণে ও বারে অধিক।—(ওলাউঠার আক্রমণাবস্থার চিকিৎসায় বিশেষ বিবরণ দেখ।) শিশু-ওলাউঠার ইহা একটি অতিশয় ফলদায়ক ঔষধ; ওলাউঠার প্রথমাবস্থায়, শিশু-ওলাউঠা ও শিশুদিগের প্রবল অতিসারে অধিকাংশ রোগী পডোফাইলমে আরোগ্য হয়।

ক্যামোমিলা—(Chamomilla) হোমিওপ্যাথিক মতের শক্তিরা বলিয়া কেহ কেহ ইহাকে নির্দেশ করেন। বাস্তবিক ঠিক লক্ষণ-মত ইহা দিতে পারিলে এত ছটফটানি, কাশা, অস্থিরতা—সব যেন জল হইয়া যায়। রোগী বদ-মেজাজ্, খিট-খিটে, ক্রন্দনশীল কিছুতেই

মেজাজ পাওয়া যায় না—যাহা চাহিতেছে দিলেও ছুঁড়িয়া ফেলিয়া দেয়, উঁ উঁ তো লেগেই আছে—সেই সঙ্গে অত্যন্ত ছট্-ফটানি, ঘুমিয়ে ও “উঁ উঁ” করা—কোলে লইয়া বেড়াইলে একটু থাকে, মচেন কেবল কাঁদে, পেট-কামড়ানিতে অস্থিরতা, গরম প্রস্রাব, কপালে চট্-চটে ঘর্ম, হাত পা ছোঁড়া ও মুখ বেকান। ক্যামোগিলার এই সকল মানসিক-লক্ষণ (mental symptoms) থাকা চাই; ঐ ঞ্জলি না থাকিলে কেবল বাহ্যে বমির উপর নির্ভর করিয়া প্রয়োগ করিলে ইহাতে কোন উপকাব হয় না। তবে এই সঙ্গে বাহ্যের লক্ষণ ঞ্জলি মিলিলে সোনায়ে মোহাঙ্গা! বাহ্যে সবুজ, চট্ চটে, ছেকড়া-ছেকড়া, এবং সবুজ ও শাদা আম মেশান; ঘন ও জলবৎ ভেদ, সবুজ-জলবৎ, ফিকে হলুদে জলবৎ, খানিকটে ছ্যাকড়া-ছ্যাবড়া মল আর খানিক জল জালাদা গড়িয়ে যায়। যেখানে সবুজ-জলবৎ বাহ্যে সেখানে পেটে বড় বেদনা নাই কিন্তু যেখানে সবুজ-চট্ চটে কিছু অপেক্ষাকৃত ঘন বাহ্যে সেখানে পেটে খুব বেদনা। বাহ্যে গরম, খুব শীঘ্র শীঘ্র হইলেও পরিমাণে খুব বেশী নয়; ভেদে টুক গন্ধ বা পচা ডিমের গন্ধ। বমি, কাটবমি ও দস্ত নির্গমে বিলম্ব কারণেও দস্ত নির্গমকালে (denti-tion) যে ভেদ-বমি ও উদরাময় হয় তাহাতে ইহা বিশেষ উপকারী।

ফেরম-ফস্—(Ferum-Phos) আমরা যদিও ৪৫ মৎসর মাত্র ইহা ব্যবহার করিতে আরম্ভ করিয়াছি—কিন্তু যতই ব্যবহার করিতেছি ততই ইহার ঞ্জের পক্ষপাতী হইতেছি। হোমিওপ্যাথিক-ঔষধাবলীর মধ্যে যে ঞ্জির প্রভিঃ (proving) হইয়াছে আমরা সেই ঞ্জিকেই ক্যামো-দের প্রকৃত-ঔষধ মনে করি। ফেরম-ফসের প্রভিঃ হইবার পূর্বেই চিকিৎসা-কালে (clinically) ইহার গুণবত্তা সকলেই স্বীকার করেন। আমরাও

অুগ্রে ইহার প্রভিং দেখিও নাই, পড়িও নাই । স্ফুল্কারেব টিস্যু-রেমিডিস (Schussler's Tissue Remedies) গ্রন্থ পাঠ করিয়া আমরা ইহার ব্যবহার আরম্ভ কবি এবং তদবধি বিশেষ ফলও পাইয়া থাকি । সেই পর্য্যন্ত ইহার লক্ষণ সকলের প্রভেদ বুঝিতে চেষ্টা করিয়া নিম্নলিখিত লক্ষণে ইহার উপকাৰিতা বুঝিয়াছি । শিশু-কলেবায় যখন ভেদ-বমি অনর্গল হইতেছে—২৪ ঘণ্টাব মধ্যেই শিশু যেন পাত্ হইয়া গিয়াছে এবং এই অল্প সময়ের ভিতরই বিকার ও আচ্ছন্নতাব, (stupor) আব সেই সঙ্গে মুখ লাল, চক্ষু-তাবকা প্রসারিত ; (dilated pupils) মাথা নাড়িতেছে অর্থাৎ (মিনাব মত) এপাশ ওপাশ ফিরাইতেছে । অনেকটা বেলাডোনা বা সল্ফারের মত রোগ গনে হইবে কিন্তু ঐ দুই ঔষধে কিছুই হইবে না । আমাদের তো এই ঔষধের গুণ খুবই জানা আছে— ডাঃ ফ্যারিংটন বলিয়া গিয়াছেন তিনিও এই ঔষধ দ্বারা ঐকপ লক্ষণে অনেক শিশুকে আৰোগ্য করিয়াছেন । লক্ষণগুলি উক্ত ডাঃ ফ্যারিংটনের (Dr Farrington author of clinical Materia-Medica) ক্লিনিক্যাল মেটিবিয়া-মেডিকা হইতে উদ্ধৃত হইল ।

It is called in Cholera-Infantum when the discharges from the bowels are frequent ; within 24 hours the child is greatly reduced and falls into a stupor with red face, dilated pupils, rolling of the head and soft, full, flowing pulse. This is a remedy which I wish to give you here but with some caution, because it is what has been termed "breech-presentation", that is it was used clinically before provings of it were made. In one of my cases with the above symptoms *Belladonna* and *Sulphur* were

each given in turn, but failed—I then gave *Ferri-Phos* and in twelve hours the child returned to consciousness and is alive today.

ক্যালি-ফস্—(*Kali-Phos*) যদিও এলেনব এন্সাইক্লোপিডিয়ায়, (*Alle's Encyclopedæa of Materia Medica*) ইহার প্রভিৎ পাঠ করিয়াছি কিন্তু ইহার ব্যবহারও আমরা স্মুলারের পুস্তক পাঠে শিখিয়াছি—যত ব্যবহার করিতেছি ততই উহার গুণেও মোহিত হইতেছি। যখন বাহ্যে, চাল-ধোয়ানি প্রভৃতির মত জলবৎ, হুড় হুড় করিয়া হইতেছে, কিছুতেই থামিতেছে না,—ক্রমশঃ নাড়ীর অবস্থা থারাপ হইয়া পতনাবস্থার লক্ষণ সকল আসিবার উপক্রম হইতেছে, মুখ চোখ নীল হইয়া আসিতেছে তখন ইহাতে অতি শীঘ্রই উপকার হয়। আমরা এই ঔষধে অনেক রোগ আরোগ্য করিয়াছি।

পাঁচ বৎসরের কথা—কলিকাতার চিকিৎসকগণ সেইবারকার কলেরা-এপিডেমিকে—আদত-কলেরা-ঔষধের (*True cholera-remedies*) দ্বারা তত ফল পান নাই বলিয়া সংবাদপত্রে ও মাসিক-চিকিৎসা-পত্রিকায় অনেক লেখালেখী করিয়াছিলেন। আমি ক্যালি-ফসে বিশেষ ফল পাইয়াছিলাম এবং অনেকগুলি রোগীর চিকিৎসা-ফল অর্থাৎ ক্যালি-ফসের দ্বারা আরোগ্য-হওয়া রোগীর বিবরণ বিখ্যাত ডাঃ * * * এম, বি, মহাশয়কে জানাইয়াছিলাম। (ইনিও সংবাদ-পত্রে লিখিয়াছিলেন যে, সে'বার তিনিও আদত-কলেরা ঔষধে (*True cholera-remedies*) বিশেষ ফল পান নাই।) স্মুলার ফেরি-ফস্ ও ক্যালি-ফস পর্যায়ক্রমে ব্যবহার করিতে বলিয়াছেন—আমরা যদিও বার বার বলিয়াছি যে এক্রপ ছুইটি ঔষধের ব্যবহার অনুমোদন করি না কিন্তু

বলিতে কি উহাতে আশাতিরিক্ত ফল পাইয়াছি—সেই জন্ত মৃত্ত-কণ্ঠে উহাদের পর্যায়ক্রমের ব্যবহার প্রকাশ করিতে কুণ্ঠিত হইতেছি না ।

ক্যালি-ব্রোমেটম্—(Kali-Bromatum) ইহা এলোপ্যাথিক ডাক্তারদের সেই ব্রোমাইড-অব-পটাসিয়ম্—এলোপ্যাথিক ডাক্তাররা এই ঔষধের ব্যবহারকে গোল-আলুর ব্যবহারের সম্ভূত করিয়া তুলিয়াছেন । ভা'তে, বো'লে, ঝা'লে, অথলে, ডা'লে সবেতেই—অর্থাৎ সব রোগেতেই প্রায় দিয়া ব'সেন । কিছু দিন হইল ডাঃ কে'রো (Dr. Caro of New York, U. S. A.) ইহা দ্বারা দেড় শত শিশু-ওলাউঠা আরাম করিয়াছেন বলিয়া প্রচার করেন । ইহা শুনিয়া সকলেই ইহার ব্যবহার শুরু করিলেন—কিন্তু সফল বড় ফলিল না । তা'র কারণ কে'রোর (Dr. Caro's) চিকিৎসিত রোগগুলি বোধ হয় বিকার-ভাবাপন্ন—সেই জন্ত উপকার হইয়াছিল । আমরা কিন্তু এই ঔষধ সম্বন্ধে বিশেষ করিয়া কিছু বলিতে পারিলাম না—কারণ একটীবার মাত্র ব্যবহার করিয়া ফল পাইয়াছি সত্য—কিন্তু একটীর উপর নির্ভর করিয়া কিছু বলা আমরা তত সহজ মনে করি না ।

সিকেলী—(Secale-corn) ওলাউঠার ইহা তো একটি প্রধান ঔষধ । সিকেলীর বাহে পরিমাণে খুব অধিক—জলবৎ চালধোয়া জলের মত—আবার কিন্তু শিশু-কলেরায় অজীর্ণ-পদার্থ-মিশ্রিত । আসেনিকে দেহাভ্যন্তরে খুব জ্বালা যেন আগুন জলিতেছে কিন্তু খুব ঠাণ্ডা চা'য়না বরং গরমে তৃপ্তি—আসেনিকের ছটফটানি পিপাসা বড় বেশী । কিন্তু সেকেলীতে একটা বিন্বিনী-ভাব (tingling) আছে যাহা আসেনিকে নাই । সিকেলীর বাহে তোড়ের সহিত জোরে নির্গত হয় । (বিস্তৃত লক্ষণ ওলাউঠা-অধ্যায়ে দেখ) ।—

সিনা—(Cina) কৃমী-জনিত পীড়ায় ইহা উত্তম; কিন্তু লক্ষণ-গুলি বুঝিয়া প্রথমাবস্থায় ও বিশেষতঃ যখন বিকারে আচ্ছন্ন হইয়া শিশু মাথা নাড়ে ও ছট্-ফট্ করে তখন অধিকতর উপকারী।

কৃমি-সন্দেহে চিকিৎসক-মাত্রেই দেখিতে পাই—লক্ষণের পার্থক্য না করিয়া সিনা ব্যবহার করেন; ফলতঃ কৃমিজনিত-রোগে সিনা হেমন উপকারী সল্ফর, মার্কসল প্রভৃতি ঔষধও তদ্রূপ উপকারী। কিন্তু সিনার লক্ষণগুলি বুঝিয়া প্রয়োগ করিতে পারিলে—কৃমি কারণ হইক আর নাই হউক—বাহ্যে-বসি হইতে বিকাব-লক্ষণ পর্য্যন্ত—ঔষ্য আরোগ্য হয়। আবার সময়ে সময়ে কৃমী নির্গত হইয়া রোগের উপ-শমও হয়। সিনা ২ বৎসর হইয়ত ১০ বৎসর বয়স্কের শিশুর রোগে সমধিক উপকারী*।

অসাড়ে জলবৎ বাহ্যে, ঘন-ঘন অল্প পরিমাণে বাহ্যে কিম্বা অল্প পিত্তজ বা শাদা চক্চকে আমের মত পদার্থের স্তায় বাহ্যে, (White mucus, like little pieces of popped corn)—শিশু খুব কাঁদে, রাগী ও খিটখিটে হয়, যা চায় দিলে ছুঁড়িয়া ফেলিয়া দেয়, মুখ-চৌক বসে যায়, কেবল নাক ও আঙ্গুল খোঁটে, ঘুমাইবার সময় দাঁত কড়মড় করে, পেটে ব্যথা ও কামড়ানি থাকে। প্রস্রাব শাদা জমা-জমা—প্রস্রাব শুকা-

* বরাহনগরের বিখ্যাত ডাঃ শ্যামাচরণ লাহিড়ী মহাশয় আমাকে বলিয়াছিলেন যে ওলাউঠা রোগীর মুখ দিয়া কৃমি নির্গত হইলে তত স্নেহলক্ষণ নহে ইহা তাহার দীর্ঘ-কালব্যাপী চিকিৎসার অভিজ্ঞতায় তিনি বুঝিয়াছেন। মুখ দিয়া কৃমি নির্গত হইলেই যে কলক্ষণ আর গুহ্বার দিয়া কৃমি নির্গত হইলে যে স্নেহলক্ষণ তাহা আমরা বলি না। তবে কৃমি মুখ বা গুহ্বার দিয়া নির্গত হইলে অধিকাংশ-স্থলে রোগের দ্রাস হইকে দেখিয়াছি। তাই বলিয়া এমনও বলি না যে কৃমি নির্গত হইলেই রোগের আশঙ্কা দূর হইল; কৃমি নির্গত হইয়াও রোগের কিছুমাত্র দ্রাস না হইয়া রোগীর মৃত্যু হইয়াছে তাহা দেখিয়াছি।

তুলে খড়ির দা'গ প'ড়ে। নিদ্রায় ছটফটানি ও অনবরত ঘুম ভেঙে কেবল কঁদে উঠা, এপাস ওপাস করা, আর না দোলাইলে বা কোলে না নাচাইলে, ছেলে কিছুতেই ঘুমায় না—কুণীজনিত আক্ষেপ (convulsion) হইয়া শিশু শক্ত কাট হইয়া যায় ও মাথাটি একবার এপাস ওপাস করিয়া নাড়িতে থাকে; এবং জাগ্রতাবস্থায় কেবল মুখ সিঁটকাইয়া কঁদে ও ঘুমাইতে ঘুমাইতে চিৎকার করিয়া উঠে। মিনায় বমির পর ক্ষুধা, কিন্তু জিহ্বা পরিষ্কার। (ইপিকাকে জিহ্বা পরিষ্কার বটে, কিন্তু গা বমি-বমি থাকে; এণ্টেমক্রডে জিহ্বা অপরিষ্কার। মিনায় ভেরেট্রমের স্থায় দুর্বলতা যদিও নাই, কপালে ঠাণ্ডা ঘাম ভেরেট্রমের স্থায় আছে।

এসিড-কার্বলিক—(Acid Carbolic) শিশু-ওলাউঠায় ইহা একটি অমূল্য ঔষধ; ডাঃ গিষ্টার কার্বলিক-এসিড আবিষ্কার করিয়া লর্ড উপাধিতে ভূষিত হইয়াছেন। ইহা এলোপ্যাথিক-মতে অনামাণ্ড কীটনাশক (Antiseptic) ঔষধ। কীটনাশবিদগণের এই মত যদি ঠিক হয় যে ইহাদ্বারা কীটনাশ বিনষ্ট হইবে ও ইহার আভ্যন্তরিক প্রয়োগে কীটনাশ জন্মিতে পারিবে না তাহা হইলে বাসিলাই-মতাবলম্বী-গণ ওলাউঠা আরোগ্যকরণে আর হতাশ হইবেন না!! কিন্তু কাজে তো কিছুই দেখি না। ফলতঃ সুস্থশরীরে কার্বলিক-এসিডের প্রয়োগে নিম্নলিখিত লক্ষণ-সকল প্রকাশিত হয়, সেই জন্ত রোগের সেই সকল সন্ধানে আমরা কার্বলিক-এসিড প্রয়োগ করি।

বাহে—চাল-ধোয়ানি-জলের মত, অতিশয় দুর্বলময়—পচা ডিম্বের গন্ধের মত—পিত্তজ ও জলবৎ আর সেই সঙ্গে মাংস ধোয়ানির মত পদার্থ মিশ্রিত। পতনাবস্থায় কাল রঙের জলবৎ বাহে। যেখানে ড্রুনেজের গায়ে পীড়ার উৎপত্তি সন্দেহ হইবে অগ্রে এই ঔষধ দিবে।

শিশু-ওলাউঠার বিকারাবস্থায় যেখানে রোগী কেবল উ* উ*—গো গ্গী করে, সর্বদাই কেঁথায় আর মাঝে মাঝে চীৎকার করিয়া উঠে ; নিজায় চমকিয়া উঠে—খুব জ্বর, খুব পিপাসা, আব জিহ্বায় ঘন হরিজা-বর্ণের লেপ থাকে । প্রস্রাব কাল বা অল্প সবুজ রঙের ; ছটফটানিব সহিত কাল বড়ের বমন ও দুর্গন্ধসম্বাছে । (সোবিনমেব সহিত এই ঔষধের অনেক সাদৃশ্য আছে, তবে অস্থিরতায় কার্বলিক-এসিড (Carbolic-acid) আর যেখানে অস্থিরতা নাই সোরিনম (Psorinum) ।

ওপিয়ম্—(Opium) শিশু-কলেরার বিকারাবস্থায় ইহা মণি-কাঞ্চন তুল্য মহৌষধ । যখন দেখিবে বোগীর মুখ থানি লাল কিম্বা ফ্যাকাসে (Pale) আর সেই সঙ্গে কমাগত সেই নিদ্রানের বাডাবাড়ি মোহ (fatally advancing Stupor) আব বোগী ঘোব আচ্ছন্ন হইয়া পড়িতেছে, চক্ষু-তারকার উপর আলোকের জ্বীয়া বন্ধ হইয়া গিয়াছে অর্থাৎ চক্ষের সামনে আলো ধরিলে চোখ নাড়ও না, পাতা ফেলেও না ; আর গোড়া হইতেই যেন পীড়া মস্তিষ্ক আক্রমণ করিয়াই আরম্ভ হইয়াছে । বাছে বমি বন্ধ হইয়া গিয়াছে—এবং কখন সে জন্ম পেট-ফোলা (Tympanites) আছে কখন কিছু নাই, আবার কখন বা অল্প অল্প বাছে বা প্রস্রাব অসাড়ে হইতে থাকে তখনও ইহা বিশেষ ফলপ্রদ । তবে ২১১ মাত্রা দিয়া উপকার না পাইলেই ওপিয়ম এক করিয়া অল্প ঔষধ দিয়া বসিও না । এরূপ দেখিয়াছি প্রথম দিনে উহার প্রয়োগে উপকার হয় নাই দ্বিতীয় দিবস হইতে উপশম হইতে দেখা গিয়াছে । যেখানে বাছে বন্ধ থাকে, বাছে আরম্ভ হইলে প্রায়ই রোগী আরোগ্যের দিকে যায় ।

অপিয়মেব বিকার ভাব, ওলাউঠা-চিকিৎসায় বিরত হইয়াছে । মনে থাকে যেন খুব অজ্ঞান ভাব, সটান পড়ে আছে, কথাও কয় না, নড়েও না, চড়েও না, মুখে মাটী ভ্যান্ ভ্যান্ কচে ভোভেও সাড়া নাই এইরূপ বিকারে অধিক উপকারী ।

বিসমথ (Bismuth)—ওলাউঠা চিকিৎসাতাগে বলাই হইয়াছে শিশু-দিগের-বোগে—ইহা অধিক উপকারী । বিসমথ বাহ্যে বেদনা-বিহীন, জলবৎ ও অত্যন্ত দুর্গন্ধ-ময় । বাহ্যের আগে পেট-ডাকা আছে আব ভেদের পর অত্যন্ত অবসাদ । পিপাসা খুব, অধিক মাত্রায় জল পান করিলে তৎক্ষণাৎ বমন । জিহ্বা শ্বেত-বর্ণের লেপ-বিশিষ্ট—চক্ষু বসিয়া যাওয়া—অত্যন্ত কাট-বমি, পেটটি পূর্ণ হইলেই বমি হয়—কিন্তু কেবল জল উঠে—ভুক্ত-দ্রব্য উঠে না । পেট-ফোলা ; অত্যন্ত দুর্বলতা কিন্তু গা বেস্ গবম (ভেরেট্রমে বা এন্টিম-টার্টে গা ঠাণ্ডা) শিশুদিগের পীড়ায় অধিকতর উপযোগী, কিন্তু ইহার বহুল-ব্যবহারেব পরিবর্তে অন্ত ঔষধ সকল ব্যবহৃত হয় বিশেষতঃ আর্সেনিকের অপ-ব্যবহার খুব অধিকই হইয়া থাকে ।

সল্ফর—(Sulphur) বাহ্যে জলবৎ, জলবৎ ও মল মিশ্রিত, সবুজ, বিছানার চাদরে বাহ্যে করিলে কেবল সবুজ ছোপ লাগে, সবুজ আমমিশ্রিত, শাদা, চট্চটে, হলদে, বস্তুর ছিট্ গেশান, অজীর্ণ-ভেদ, পিত্তজ, পূঁজের ঞ্চায়, এবং পরিবর্তন শীল অর্থাৎ এই এক রকম আবার অন্ত রকম—ফলতঃ সল্ফরের বাহ্যে সকল বস্তুই তত (changable) পরিবর্তনশীল এইটি স্মরণ রাখিবে । এতদ্ব্যতীত বুজবুজে, দুর্গন্ধময়, পচা গন্ধের ঞ্চায়, আব যখন নির্গত হয়, খুব গরম (একোনাইটেব বাহ্যেও নির্গমন কালে মনে হয় যেন গরম জল বাহির হইতেছে) । গাত্র-ত্বকে

কোন উদ্বেগ বা চর্মবোগ হঠাৎ মিলাইয়া যাইবার বা আরোগ্য হইবার পর রোগ দেখা দিলে সন্ফর দিয়া অল্প ঔষধ অক্ষণ-মত দিলে অধিকতর উপকার হয়। পূর্বে একবার উপর বড় আঁস্থা ছিল না—এক্ষণে বুঝিতেছি একথা বড় ঠিক। শিশু প্রায় আচ্ছন্ন (stupor) হইয়া পড়িয়া আছে; মুখ ফেকাশে (Pale) এবং ঠাণ্ডা ও বিশেষতঃ কপাল ঠাণ্ডা-বামে সিক্ত, (দেখিও ভেরেটুগের সহিত গোল করিয়া ফেলিও না) চোক আদ্বোজা বা শিবনেত্র, আলোয় চক্ষের তারা বড় খোলে না, প্রস্রাব বন্ধ। (শিশু-ওলাউঠার প্রস্রাব বন্ধ বড় ভাল লক্ষণ নহে)—হাত পা হঠাৎ কাঁপাইয়া উঠে কিম্বা শিশু প্রায়ই ঘুম হইতে কাঁদিয়া চমকিয়া উঠে; (start up from sleep with a cry) পিঠে বা কোমরে হাত দিলে রোগী যেন চমকে কেঁদে উঠে, সেই মঞ্চে পা ঠাণ্ডা। সন্ফরের আদত লক্ষণগুলি যেন মনে থাকে—রাত ১২টার পর পীড়ার আরম্ভ ও শেষ-রাত্রি হইতে পীড়ার বৃদ্ধি; প্রাতে উঠিতে তন্ময় না—একেবারে বাহ্যের বেগ ধারণে অক্ষম হইয়া অসাড় হইয়া পড়ে। জ্বর, গাত্র-দাহ, ছটফটানি, হাত পা জ্বালায় দ্রুত হাত পা বিছানা হইতে বাহির করিয়া মাটিতে রাখে। সন্ফরে হেজে যাওয়া ভাব (excoriation) মলদ্বারে ও প্রস্রাবের দ্বারের চারি দিকে—এবং নাক, চক্ষু' ঠোঁট ও মলদ্বার লাল অর্থাৎ (imperfect distribution of blood in all the orifices)। একটি সন্ফর-রোগীর রোগ ও চিকিৎসা-বিবরণ দিয়া শেষ করিব। *

* * * * *

দে মহাশয়ের শিশু-পুত্রটির ওলাউঠা হয়। বাটীতে ২৩টী এই রোগে যুত্ৰাগ্রামে পতিত হইবার পরে এই শিশু ওলাউঠা-রোগে আক্রান্ত হয়। আমরা

প্রথমটীর পীড়ার সময় আহত হইয়াছিলাম কিন্তু মফঃস্বলে যাইতেছিলাম সেই জন্ত সে রোগীর চিকিৎসা-ভার লইতে পারি নাই । আমি দেখিতে যাইবার অগ্রে এই রোগীরও অল্প চিকিৎসা হইয়াছিল—গিয়া দেখি সকলেই এ ছেলেটীর জীবনের আশাও ত্যাগ করিয়াছেন—জ্বর ১০৫ ডিগ্রী—অনববত অমাড়ে বাহে ; রঙ কখন জলবৎ কখন হলুদে জলের মত—কিন্তু কি ছট্ফটানি কিছুতেই রাখা যাইতেছে না—যেখানে ঠাণ্ডা পাইতেছে অর্থাৎ জলে বা ঘরের মেজের শুইতে চায়—এমন গাত্রদাহ যে তাহার পিতার গাত্রে অনর্গল ঘর্ষ হইতেছে সেই ঘর্ষাত্তদেহ জড়াইয়া থাকিতে চাহে—জল জল করিতেছে কিছুতেই পিপাসার তৃপ্তি নাই—চাবী বা চাম্চে দাঁত দিয়া চেপে ধরে—বিকার বা অল্প কোন কারণে তাহা কারনা—চাপিয়া ঠাণ্ডা পাইবে বলিয়া ঐরূপ করিতে থাকে—এই সকল লক্ষণ গুলির উপর যখন দেখিলাম কান, নাক, ঠোঁট, আর মলদ্বার লাল (imperfect distribution of blood) তখন আর বুঝিতে বাকী রহিল না—১ মাত্রা সল্ফর ২০০ ডাইলুসনে যেন আঙুণে জল ঢালিল । সকলে দেখিয়া অবাক—এত ছট্ফটানি—ধরিয়া রাখা যাইতে ছিল না—সব বন্ধ, ছেলে খুসাইয়া পড়িল । আর জ্বর যেন প্রতি আদ্ ঘণ্টায় এক ডিগ্রী করিয়া কমিতে লাগিল । এই রোগীর চিকিৎসায় ছই মাত্রার অধিক ঔষধ দিতে হয় নাই । সল্ফর ৩০ ডাইলুসনের নিচে এ রোগে ব্যবহার করি না এবং এক মাত্রাই যথেষ্ট, তবে বিশেষ প্রয়োজন হইলে আর এক মাত্রা দিতে পার । এই ঔষধের আমরা ২০০ ডাইলু সনের অধিক পক্ষপাতী—বলিতে কি একমাত্রা ২০০ ডাইলুসনে যে সকল আশ্চর্য্য আরোগ্য আমাদের দ্বারা সাধিত হইয়াছে তাহা তোমরাও করিতে পার ; তবে ১ মাত্রার অধিক কখন দিবে না—দিলে বরং

অধিক—মনে রাখিও সাইলিসিয়া দিবার আগে ও পরে মার্কিউরিয়স্ দেওরা বিধি নহে ।)

ভেরেট্রম্—(Veratrum) ইহার লক্ষণ-সকল ওলাউঠা-অধ্যায়ে খুব ভাল করিয়াই বিবৃত হইয়াছে । মনে থাকে বাহ্যে পরিমাণেও বারে অধিক ও অনেক । আর রঙ সবুজের আভাযুক্ত বা কুমড়া-পচানির মত খাদ্য খোপা-খোপা পদার্থ মিশ্রিত—সময় সময় রক্তও আছে । পেটে বেদনা, আর কপালে ঘাম, বাহ্যের পর যেন নিজীব ভাব ।—(অচ্যুত লক্ষণ ওলাউঠার চিকিৎসা-অধ্যায়ে দেখ) ।

ব্রোমাইড্-অব-ক্যাম্ফর—(Bromide of Camphor) ব্রোমাইড-অব-ক্যাম্ফরের লক্ষণ সকল ক্যাম্ফরের মত । তবে শিশুদিগের পীড়ায় ক্যাম্ফর অপেক্ষা ব্রোমাইড-অব-ক্যাম্ফর বেশী উপকারী ।

কুপ্রম্-আর্স (Cuprum Ars) কুপ্রম্-আর্সের লক্ষণ ওলাউঠা চিকিৎসা-অধ্যায়ে দেখ) ।

[এতদ্ব্যতীত নক্স-ভমিকা, পলমাটীলা, ফস্ফরাস, আর্সিড্-ফস, আইরিস-ভার্ম, কলচিকম্, কলোসিন্থ, মার্ক-কর, মার্ক-মল ও মার্ক-ডলসিস্ শিশু-ওলাউঠায় বিশেষ উপকারী—তাহাদের লক্ষণ সকল ওলাউঠার চিকিৎসা অধ্যায়ে বিবৃত হইয়াছে] ।

ক্লোরাল্-হাইড্রেট—(Chloral-Hydrate) অধিক পরিমাণে বাহ্যে বমির পর মস্তিষ্কের রক্ত-প্ৰস্রাবতা (anaemia of the brain) সেই হেতু স্নায়বিক-ছটফটানি, (nervous-crithism) আর যেন দড়কা (Convulsions) হয় হয়—এইকপ সময়ে ইহার ১ x ডাইলুশনে বিশেষ উপকার হয় । কেহ কেহ বলেন বাহ্যে বমি ছাড়া ইহাতে কলেরার সব লক্ষণই দেখা যায় সুতরাং যেখানে বাহ্যে বমি না হইয়া কলেরার

অন্য লক্ষণ হঠাৎ প্রকাশ পায় (যেমন ক্যান্সার, হাইড্রোসিয়ানিক) সেখানে ইহার প্রয়োগে বিশেষ উপকার হয়। এই ঔষধে আমাদের বিশেষ অভিজ্ঞতা নাই সেই জন্য চিকিৎসকগণ ইহার উপকারিতা চিকিৎসা করিয়া (after clinical experience) যেন প্রতিপাদন (verify) করেন। হেল সাহেব (Dr. Hale) এই ঔষধের বড়ই পক্ষপাতী।

ক্রিয়োসোটম্—(Kreosotum) বাহে সবুজ বা সবুজ আভাযুক্ত, জলবৎ, শাদা ও কাল কিন্তু বড় দুর্গন্ধ। (সোরিনমের মত অত কাল ও অত দুর্গন্ধ নহে) যেমন ক্যামোমিলা ও ক্যালকেরিয়া দন্ত নির্গমনের বিলম্বের কারণে রোগ হইলে অমূল্য ঔষধ—ইহাও তাহাদের অপেক্ষা কোন অংশে নূন নহে। ভয়ঙ্কর ছটফটানি আছে, কিছুতেই স্থির হয় না, তবে কিমে প্রভেদ বুঝিবে? ইহার বমি বড় বেশী—কাট বমিও কম নহে—দিনে যে খাবার খাইয়াছে রাত্রে তাহা উঠিয়া যায়—আর খাইবামাত্র বমিও আর একটি বিশেষ লক্ষণ এই যে, তাহাদের দাঁত উঠিয়াছে, তাহাদের দাঁত পোকা খাওয়া, দাঁত উঠিতে না উঠিতে পোকা ধরিয়া বিনষ্ট বা পোকা খাইয়া ভাঙ্গিয়া যায় আর দাঁতের মাড়ী যেন কোলা-ফোলা, গরম ও শক্ত যেন—কি কাল জলীয় পদার্থ তাহা হইতে গড়াইতেছে। গাত্রে কোন কাপড় সহিতে পারে না, মনে করে যেন গাত্রে কাপড় দিলে পেটের বেদনা বাড়িতেছে। দাঁতের লক্ষণ-গুলি—বিশেষ-লক্ষণ (Characteristic Symptoms) ইহা যেন স্মরণ থাকে। আর যে সকল শিশু কৌলিক-উপদংশ (hereditary syphilis) বিষে আক্রান্ত—তাহাদের পক্ষে ইহা বড়ই উপকারী।

আর অধিক কি বলিব। শিশু-ওলাউঠার চিকিৎসায় আদত ওলাউঠার

সর্ব্বাঙ্গে সেই ঔষধই দিবে—তবে যদি তাহাতে উপকার না হয়, তখন জিনস্-এপিডেমিকসের ঔষধ ব্যবস্থা করিতে পার। আমরা এই মতেই চিকিৎসা করিয়া থাকি—লক্ষণের সহিত রোগের মিল নাই, তবু যে জিনস্-এপিডেমিকসের ঔষধ দিতেই হইবে, আমরা তাহা স্বীকার কর না। এক এক এপিডেমিকে কতকগুলি বিশেষ-লক্ষণ লইয়া রোগ দেখা দেয় এবং সেই সেই বিশেষ লক্ষণের হোমিওপ্যাথিক সিমিলিয়াম যে ঔষধে থাকে, সেইটাই সেই এপিডেমিকের জিনস্-এপিডেমিকস্ ঔষধ। সুতরাং লক্ষণ না মিলিলে শোনা বথায় একটা যা তা জিনস্ এপিডেমিকসের ঔষধ বলিয়া তাহা দিয়া বসিও না।

স্পিরিট ক্যাম্ফর আমাদের দেশে অধিক প্রচলিত; যখন ঐ ক্যাম্ফর দিবে জলে না দিয়া চিনির (Sugar of milk) সহিত মিলাইয়া পুরিয়া করিয়া দিবে। আমরা শাদা বাতাসায় মিশাইয়া ক্যাম্ফর প্রায়ই দিয়া থাকি। যেখানে ক্যাম্ফরের ডাইলুমেনের ব্যবহার প্রয়োজন সেখানে জলে মিলাইয়া দিতে পার।

যেখানে ক্যাম্ফর (Spt: or trituration of Camphor) ব্যবস্থা করিবে; কখন চারি মাত্রার অধিক দিও না, তবে পতনাবস্থার শ্বাসকষ্টে যখন ৫ মিনিট অন্তর ঔষধ দেওয়া প্রয়োজন সেখানে ৭৮ যাত্রা পর্য্যন্ত দিয়া দেখিতে পার। প্রথমাবস্থায় ক্যাম্ফর দিয়া সর্ব্ব-শরীর গরম-বজ্রের দ্বারা আবৃত রাখিতে কহিবে এবং পদদ্বয় ঠাণ্ডা হইতেছে বুঝিলে দুই খানি ইষ্টক গরম করিয়া পায়ে মাঝে মাঝে দিতে বলিবে। তাহাতে রক্তস্রোত তথায় প্রবাহিত হইয়া শীঘ্র পদদ্বয় গরম হইবে। গৃহ-মুখ্যে অধিক লোকের জনতা কোন প্রকারে হওয়া উচিত নহে। মানুষের নিশ্বাসের সহিত যে কার্বনিক-এসিড থাকে তাহাতে বায়ু দূষিত হইয়া

খান-ঘরের ক্রিয়ার ব্যাঘাত করিতে পারে। এইজন্য শুষ্কশাকারী বাতীত অল্প কাহারও রোগীর ঘরে থাকিবার প্রয়োজন নাই। চারি পাঁচ বার ক্যাম্ফর দিবার পর ঘর্ম হইলে এবং রোগীর মুখ আরক্তিম হইয়া উঠিলে, ঔষধ আর দিবার প্রয়োজন নাই—কারণ প্রায়ই ঘর্ম নিঃসরণের সহিত রোগ আরোগ্য হইয়া যায়।

রোগী নিদ্রিত হইলে কদাপি তাহাকে জাগরিত করিবে না। নিদ্রায় অর্ধেক রোগ আরোগ্য হয়। একজন আমেরিকান চিকিৎসক লিখিয়াছেন, “Sleep is the best restorative in cholera ; it cures more efficiently than the whole storehouse of therapeutics—it is Nature’s *drug-potentia* and none is wiser than Nature.” আমরা বুঝি একটু ঘুম হইলে রোগী অনেক সুস্থ বোধ করে। এই প্রকারে ভেদ ও বমি বন্ধ হইবার পর ১০।১২ ঘণ্টা পর্যন্ত রোগীকে ঠাণ্ডা হাওয়া লাগাইতে দেওয়া বিধেয় নহে; ভেদ ও বমি বন্ধ হইলেই পীড়া আরোগ্য হইয়াছে মনে করিয়া, আহার দেওয়া উচিত নহে। রোগীর অবস্থা বুঝিয়া আহারের ব্যবস্থা করিবে।

ওলাউঠাগ্রস্ত রোগীর বস্ত্রাদি ভস্মসাৎ করা ও ভেদ বমি যাটীর নীচে পুতিয়া ফেলাই ভাল। ওলাউঠাক্রান্ত হইয়া রোগী পাইথানায় মলত্যাগ করিলে (disinfectant) কীটনাশক দ্রব্য (যথা কার্ল-লিক-এসিড্, হিরাকব্, ক্লোরাইড্-অব-লাইম মহাদ্রাবক প্রভৃতি) তথায় ছড়ান উচিত। আজ কাল (Phenyle) ফিনাইল, কণ্ডিস্-সলিউসন অথবা পাক্কোরাইড-অব-মার্করির সোলিউসন দিয়া অনেকে ড্রেন ধোত করিতে ব্যবস্থা দেন। ফিনাইল মন্দ নহে—

তবে উহার উগ্রগন্ধে অনেক সময়ে গা-গমি-বমি করে। সেই জন্য আমরা খুব অল্পমাত্রায় ফিনাইল দিতে বলি। বাড়ীর স্থানে স্থানে ধুনা গুগ্‌গুল ও গন্ধক পোড়ানও ভাল।

রোগীর সম্মুখে কেহ যেন হতাশাস-সূচক ভাব প্রকাশ না করেন; তাহাতে রোগীর নাড়ী দমিয়া যাইতে পারে। হাত পায় থিলা ধরিলে, হাত দিয়া সেই স্থান অনবরত ঘষিবে বা ফ্র্যানেল আদতে সুরায় (Alcohol) ভিজাইয়া সেই স্থানে ঘর্ষণ করিবে। সময়ে সময়ে বোতল মধ্যে উষ্ণজল পুবিয়া তাহাদ্বারা সেক দিলে থিলা ধরার অনেক উপশম হয়। আবার দেখা গিয়াছে যে, অত্যধিক পরিমাণ জলে লবণ মিশ্রিত করিয়া, তাহা গরম করিয়া তাহাতে কিয়ৎপরিমাণে সোরা মিশ্রিত করিয়া, সেই জলে ফ্র্যানেল ভিজাইয়া, নিঙ্ড়াইয়া, থিলা-ধরা স্থানের উপর সেক দিলে আশাতিরিক্ত ফল পাওয়া যায়। অধিক পিপাসায় শীতল জল বা বরফের টুকরা দিবে। কখন জল বন্ধ করিবে না।

পথ্য ও পানীয় ।

ওলাউঠা রোগীর পথ্যের ব্যবস্থা বিশেষ সাবধানতার সহিত করা আবশ্যিক । অনেক সময়ে পথ্যের দোষে রোগীকে নানাপ্রকার কষ্ট ভোগ করিতে হয় । যতক্ষণ ওলাউঠার ভেদ বন্নি প্রভৃতি চলিবে, ততক্ষণ পরিষ্কার জল ব্যতীত আর কিছুই আমরা খাইতে দিতে সাহস করি না । চিকিৎসা-স্থলে অনেক স্থলে দেখিয়াছি, ভেদ বন্নির সময় চিকিৎসক ও আত্মীয়গণ—রোগী জল জল করিতেছে, পিপাসায় ছটফট্ করিতেছে—দেখিয়াও জল দিতে চান না । জল না দেওয়া, মহা ভ্রম—ইহা তাঁহাদের জানা উচিত । বোধ হয়, জল খাইবার পর, রোগী সর্বদাই বমন করে দেখিয়া, তাঁহারা এইকপ করিয়া থাকেন । কিন্তু ইহা জানা উচিত যে, এই সময় রস শোষণ কার্য সম্যকরূপে না হওয়ায় শরীরের পোষণকার্য বন্ধ থাকে । তাহার উপর পানীয় জল বন্ধ করিলে, শোষণক্রিয়া এককালে বন্ধ হওয়ায় প্রভূত অনিষ্টের সম্ভাবনা । কিন্তু যখন পান করিবারাত্র বমন হইয়া যায়, তখন অনবরত জল চাহিলে, তাহাও দেওয়া উচিত নহে । জল পান বন্ধ করা প্রকৃতির নিয়ম বিরুদ্ধ ও তাহাতে মন্দ ফল হইবার সম্ভাবনা । সেই জন্ত অল্প অল্প জল দেওয়া বিধেয় ; কারণ ঐ জলশোষণক্রিয়ায় দেহ পুষ্টিলাভ করিবে এবং তাহাতে অচিবাৎ মূত্র নিঃসরণ হইবে । যাহাতে দ্বন্দ্বায় মূত্র নিঃসরণ হয়, তাহার চেষ্টা করাই উচিত । যেখানে বরফ পাইবে, সেখানে জলের পরিবর্তে বরফই দিবে । তাহাতে শোষণক্রিয়া ত হইবেই, অথচ তত বন্নির আশঙ্কা থাকিবে না ।

প্রতিক্রিয়া আরম্ভ হইয়া ভেদ বমি করিয়া গেলে এবং পিত্তজ্ব বাহ্যে হইতে থাকিলে, যদি স্ফূটার লক্ষণ দেখা যায়, তবে প্রস্রাব না হইলেও বার্লি জলে সিদ্ধ করিয়া খাইতে দিবে। বার্লি অস্ততঃ আধঘণ্টা হইতে তিন কোয়াটার সময় পর্য্যন্ত যেন সিদ্ধ করা হয়; আর উহা যেন খুব তরল থাকে। বেশ ঠাণ্ডা হইলে তবে ছাঁকিয়া অল্প নেবু বরস তাহাতে মিশাইয়া দিতে পার। যদি রোগী বড়ই দুর্বল হইয়া পড়ে দেখ, তাহা হইলে আধ সের জলে এক পোয়া দুগ্ধ মিশাইয়া, তাহা সিদ্ধ করিয়াও খাইতে দিতে পার। ইহাতে এক যোগে পান ও পথ্য দুইই হইবে। মুড়ী ভিজান জল পান করিতে দিলে বমন ও হিক্কার উপকার হয়। ইহার পর রোগী আবোগ্যের পথে আসিলে, যদি বেশ স্ফূটা বোধ হয়, তখন অপর কিছু খাইতেও দেওয়া উচিত।

উপসংহারকালে আবার বলি, পথ্যের ব্যবস্থা বিষয়ে বিশেষ সতর্ক হওয়া নিতান্ত আবশ্যক। যে দ্রব্য তৈলের ভাগ অধিক কিম্বা যে দ্রব্য ভোজনে পাকায় জল উৎপন্ন হইবার সম্ভাবনা, তাহা ব্যবস্থা করা বিধেয় নহে। তবে যে দ্রব্য সমধিক পুষ্টিকর, অথচ সহজে কীর্ণ হইবার সম্ভাবনা এবং যাহা পাকায় উত্তেজিত না করে, তাহাই ব্যবস্থা করিবে। বার্লি মাংস এবং পূর্বোক্তরূপ দুগ্ধ দিবার হানি নাই। আমাদের দেশের গন্ধভাদাসীয়া পাতার বোল এই অবস্থার উপযোগী অতি উত্তম খাদ্য। ইহার ক্রিয়া শ্লিষ্ণ, বলকারক ও দাতুপোষক। ইহার পর মশুর ডালের “জুস” আব একটি লবু ও বলকারক খাদ্য। ক্রমে শবীর আরও ভাল বোধ হইলে, খুব পুরান চাউলের ভাতের মণ্ড করিয়া, এক বেলা ঐ ভাতের মণ্ড, আর একবেলা বার্লি বা মাংস এবং

ক্রমঃ উহা সহিলে ভাত ও মৌরোলা মাছের ঝোল দিবে। ইহার পর রোগ সম্যকরূপে আরোগ্য হইলে বোগীর পাকস্থলীর অবস্থা বুঝিয়া তবে পথ্যের ব্যবস্থা করিবে। পথ্য দেওয়া বোগীর অবস্থার উপর সম্পূর্ণ নির্ভর কবে।

একটি শিশুওলাউঠা হয়, শিশু এতই দুর্বল হইয়া পড়িয়াছিল যে, তাহার নড়িবার সামর্থ্যও ছিল না। যে সকল চিকিৎসক চিকিৎসা করিতে ছিলেন, তাহাদের কেমন এক ঝাঁক হইয়াছিল যে, বোগ এককালে আবোগ্য না হইলে, তাহার জল ব্যতীত কোন আহার রোগীকে দিতে সম্মত হন নাই। কিন্তু অল্প অল্প বার্ণি, পরে ছুঞ্চে জল মিলাইয়া রোগীকে খাইতে দেওয়ায় ২৩ দিনের ভিতর বিনা ঔষধে আগবা রোগীটি আরোগ্য করিয়াছিলাম। পথ্যের কোন বাঁধাবাঁধি নিয়ম নাই এবং সকল রোগীর তুল্যরূপ পথ্যের প্রয়োজনও হয় না। প্রত্যেক রোগীর প্রয়োজন মত দৈহিক অভাব বুঝিয়া পথ্য দিতে হইবে, ইহা স্মরণ রাখা কর্তব্য।



